



Digitized by the Internet Archive
in 2011 with funding from
Duke University Libraries

AD

II

REPETITIO-

NEM PRIMAM

F. Claudij de Sainctes De
rebus Eucharistiae
controversis.

THEODORI BEZAE

Responsio.




GENEVÆ

Apud Eustathium Vignon.

M. D. LX XVII.





THEODORVS BEZA
G.N. IN FORO PARI-
siensi causarum patrono.

S. P. D.

VLTV debere me tibi profiteor de re nihil, qui magnum illud Claudij nostri volumen tam diu post eius etiam editionem me expectatum miseris, id est γοντειωναὶ λοιδοριῶν ἀμάζας. Auebam enim scire ecquid iste tandem post tot terra marique discursationes, proferret quod non esset ab aliis dictum & à nostris refutatum, qua in re meam opinionem ne in hoc quidem fefellerit quod pleriq; ex malis deteriora fecit. Iure an iniuriā hoc dicam aequum est ut ex re ipsa aestimetur. Sed vide, queso, quanta iam mihi dignitas ex istius insectatione accesserit. Scis enim istic non deesse, qui me Episcopatum nescio quem hic gerere, immo etiam in Galliis regnum quoddam affectare, tum uoce tum scriptis clamitent. Sed quid si Papa

sc. ij.

E P I S T O L A.

iam euasi? Est istic moribus iam pridem rece-
ptū, ut vni Romano pōtifici fas sit Episcopos
creare, et si hanc potestatem cum Regibus po-
stea Antichristus est partitus, nescio an mili-
tum exemplo, qui crucifixi Domini vestes
inter se diuiserunt. Quāris quid hoc rei sit?
Dico ingratum istum iam, & fratrem (siue
Monachum) simul & Episcopum, quem epi-
scopatum ait sese heri sui intercessione, regū
duorum nominatione, prioratus sibi in hunc
usard
taringi-
co. us
vsum ab eodē hēro suo Cardinali donati cō-
mutatione, post alios multos frustra captatos
consequutum, nobis propriè referre acceptū
debnisse: sicut meministi factū superioribus
annis, ut Archipoeta ille vester Abbas crea-
retur. Negas? imo ut ipse mettestatur, quan-
uis præda iam esset ab ipso irretita: non est ta-
men ad Cardinalium collegium de admitten-
da regis nominatione prius relatum, quām
de librorum in nos Caluinianos editione,
duobus prioribus pro arrabone missis, fidem
fecisset. Imo (ut etiā video, quām ille sacer-
Antichristus in nostri gratiam benignus &
liberalis esse cōsueuerit) quas aliis solet bul-
las magno pretio addicere, gratuitò est isti
largitus. An illa porro adipiscendi Episcopa-
tus ratio sit veteribus canonibus cōsentanea,
& quo pudore à duobus nostris regibus in sui
ipsius

E P I S T O L A.

ipsius gratiam factum probet quod à S. Ludouico usque adeo laudat fuisse repudiatum
 ut etiam pontificis diploma quo nominandorum episcoporum potestas ipsi tribueba-
 tur in ignem coniecerit, ipse viderit, quod
 sine ipsius detimento fiat. Illud quidem cer-
 tè ipsi exprobrari non posse fateor, quod con-
 tra veteres Canones saltu, sicuti loquuntur,
 non ordine in istam sedem ascenderit, ut
 qui prius Cardinali suo totos, ut ait, sedecim
 annos fuerit à nōb̄d̄. Sed ne iocari me
 quisquam in re tam seria putet, & ne cui vi-
 dear hanc illi offam inuidere, quam per me
 sanè totā illi fas sit absorbere, quid tibi de
 hoc videtur, quod ab ipso Christo dicit Pe-
 trū fuisse causæ suæ quasi iudicē ac cogni-
 torē cōstitutū? annon, queso, tibi, quū istud
 tam nefarium dictum legeres, illud Pauli in
 mentē veniebat, Aduertarius & efferens su-
 pra omne id quod dicitur Deus ac numē?
 I nūc & istū perditū mirare sese à nemine iu-
 dicandū iactare, qui suorū mācipiorū suffra-
 giis sedeat ipsius filij Dei index. Miror au-
 tem ab isto non etiam illud proferri, quod
 Christus Petri pedes lauerit. Sic enim quām
 optimē suam illam subscriptionem defen-
 derit, Ad humillima beatissimorum pe-
 dum vestrorum oscula Fr. Cl. de Sancte

ij.

Episcopus Ebroicensis. At qui ne Euangelizantium quidem pedes Esaias beatos nedum beatissimos, sed pulchros dūtaxat vocavit. Et hæc est scilicet Ecclesiæ Catholicæ fides, hæc Petri Cathedra, hæc arca Noe extra quum non est salus. Quid vero? quum istū videres longum illum Cardinalium catalogum veluti indigitare quos ad miraculum usque probos & sanctos vocat, in quibus nostræ gentis quosdam omnibus notissimos nominat: & quum istud legeres ubi de moribus Romanis agens, In omnibus, ait Romana Ecclesia seipsum præbet bonorum operum exemplum, risum an lachrymas continuisti? Rectè tamen istud inter multa tam mala, quod Montanos illos pontificum catamytos præteriit. Deinceps vero illius ad Brunechildem epistolæ Gregorij particulam ab isto citatam legens, quod sit istius adulatoris indicium, & viuam nostrorum temporum historiam nō animaduertisti, nisi duas in unam conflatas experiremur? Sic olim nimirum Dominus, & inuiti Bileami, & Caiphæ imprudentis linguam non animurexit. Aviſopnōia ipsius in historia Capeti prætermitto. Nam Monachum scilicet ista Biwina nefas est curare. Sed quām est, obsecrō, facetus homo iste quum ex perpetua Gallo-

rum

rum pro Romanis pontificibus sollicitudine,
progressum monarchiae Gallicæ metitur? &
quum illū narrantē audis præliū illud vñū
& alterum ipso spectatore & alterius Mosis
partes scilicet agēte, an nō lōgē iucūdissimū
spectaculū cernere tibi vidēris, monachū vi
delicet post principia & intersarcinas secū
de fuga potius quā de fide catholica cogitā-
tem, parta demū victoria mortuis, ac præser-
tim Illusterrimi principis cadaueri insultatē?
Nec enim dubito quin istas carnificis insti-
gatione factum sit (quidni enim sic vocaue-
rim qui carne & sanguine quotidie pasca-
tur?) ut contra quām iste comminiscitur, nō
modo non sit indignissimè illius principis
morti illachrymatum, quo nullum ètas hæc
nostra neque pientiore neque generosiorē
tulit, sed etiam illi quanvis perfidiosissimè
contra belli iura, perfozzo sclopeti ictu capite
trucidato, modis omnibus insultatum: a bie-
cto etiam in coquinam tanti regij sanguinis
principis cadauere, cuius tanquam mortui
leonis barbam pueri vellerent, donec affinis
est repertus, qui sicut Nicodemus à Pilato
mortuum reposceret. Et nos scilicet propter-
ea pessimā causam tutatos esse constiterit, si
modo mentiti sunt qui Psalmo 79. his verbis
de hostium barbarie conqueruntur, Dede-

E P I S T O L A

runt cadauera seruorū tuorū escam volatilibus cœli, & carnē eorum quibus beneficis fuisti, bestiis agrestibus. An iste verò quum ista & alia eiusmodi scriberet, obliuisci potuit controuersiæ inter Iobum & amicos ipsius agitatæ, in qua Dominus secundum Jobum contra ipsius amicos eodem prorsus, ac iste argumento utentes, iudicium tulit? Bis superatae à Beniamitis reliquæ tribus an propterea malam causam tuebantur? an nō iam pridē Satan istud occinuit, Hæc omnia tibi dabo si prostratus adoraueris me? Sed non omnes Christi spiritu discuntur quos Satan compellat, quos tamen nunc saltem meminisse oportuit esse ἐχθρῶν ἀδωραδῶρα, nec esse ut Dei, ita etiam Satanæ, munera aμεταμέλητa. Quinetiam hoc iste ut singulare quiddam annotat, (ego planè ominosum dixerim,) quòd à Carolo quidem rege sit ultimus, ab Henrico verò primus Episcopus nominatus, scilicet (sicut ipsem in causa sua dicit, ne quid ad blasphemiam deesset) ut esset ipse quidam duorum regnorum nexus & lapis angularis. Egregium sanè commentum, & Monachi blasphemii cerebro conueniens, qui quoniam fortasse papatum iam spē deuorauit, iam sibi non dubitat filij Dei propriam appellationem vendicare.

Quid-

E P I S T O L A.

Quidni enim id faciat Christiuorus Episco-
pus, ipsummet Christi corpus intra domici-
lium pectoris sui circungeſtans ut Christus
non modò viuat in eo scilicet, sed etiam
quasi ἐγγεγραπτος loquatur? Recte tamē,
fateor, & iuste fecit iste, si modo valet vestra
Iustitia suum cuique tribuentis definitio,
quum libros pro istius Eucharistiæ Cyclopi-
pica defensione scriptos, Antichristo Roma-
no, unico illius monſtri creatori, consecra-
uit, id est, fumos fumorum venditorirepen-
dit. Quo enim nomine potius istorum nugas
sanc̄issimas appellem, qua de re ut plane li-
queat age quam putida sit ista oportunità vi-
deamus.

Sacramentum corporis & sanguinis à qui
bus suis accendentibus accipitur,

Ergo à quibus suis accipitur corpus ipsū Christi.

Deus nunquam offert Sacramentum abs-
que re Sacramenti,

Ergo nunquam illud absque ista accipitur.

Deus non est mendax,

Ergo quisquis Sacramentum accipit, corpus
etiam Christi accipit.

Christus dixit, Hoc est corpus meum,
Ergo panis trāſubstantiatur in corpus, vel
consubstantiatur realiter cum corpore.

Ex unico pane nō possunt edere oēs Chri-

stiani penè innumerabiles.

Ergo qui panis dicitur ab Apostolo, ex quo omnes edimus, est ipsum corpus Christi.

*Deus est omnipotens,
Ergo nec transsubstantiatio neque Consubstantiatio neganda.*

*Victimæ adumbrantes Christum, corporaliter mactabantur & comedebantur,
Ergo non satis est Christum corporaliter immolatum esse, sed etiam corporaliter est manducandus.*

*Moses demonstrauit solū sanguinē typicū quum diceret, Hic est sanguis fæderis,
Ergo Christus quum diceret, Hic est sanguis meus suum sanguinem nec aliud quicquam demonstrauit.*

Panis & vinum sunt corpus Christi & ore sumuntur.

Ergo corpus & sanguis Christi ore sumuntur.

*Fides nou ambigit de veritate & potentia verbi diuini,
Ergo simpliciter credendum panem esse substantialiter corpus Christi.*

*Ratio humana & sensus falluntur in plærisque rebus diuinis,
Ergo nec ratione nec sensibus utendum in re Sacramentaria.*

Deus potest omnia,

Ergo

Ergo potest efficere ut panis euadat corpus Christi.

Qui Christi participationem urgent in Cœna Domini, inter se dissident.

Ergo falluntur omnes.

Maxima pars hominum tuetur τὸ πόντον
in verbis institutionis,

Ergo vera est hæc sententia.

Allegoriis deceptus est Origenes cum multis aliis,

Ergo nullus tropus in verbis Cœnae Domini admittendus.

Spiritualis verborum Christi explicatio magnas turbas parit in Ecclesia,

Ergo est falsa & impia.

Multi viri boni defenderunt τὸ πόντον in verbis Cœnae,

Ergo qui sic sentiunt boni sunt.

Multi ex iis qui τὴν Διάβολον in verbis Cœnae tuentur, impiè viuunt,

Ergo sententia hæc est impia.

Sacramentum Cœnae Domini habet aliquid peculiare,

Ergo ad huius Sacramenti naturam explicandam nihil attinet aliorum Sacramentorum collatio.

Corpus Christi non est exangue,
Ergo sanguinis potus in calice non est nece-

E P I S T O L A.

farius.

Christi caro ubiunque est, est adoranda,
Ergo Eucharistia est adoranda.

Et istae ubiquitarum portentosæ argumentationes cuiusmodi tandem sunt?

Christus est Deus & homo inseparabiliter
& hypostaticè,

Ergo ubi diuina est natura (est autem ubique) ibi quoque est humana.

Christus sedet ad dextram patris secundum naturam humanam,

Ergo est ubique secundū naturā humanam.

Ascendit Christus in cælum, ut impletet omnia,

Ergo caro Christi est ubique.

Omnis plenitudo deitatis habitat in Christo,

Ergo caro Christi est omni præsens.

Nec verò facerem ineptiēdī finem, si hæc persequi liberet, quæ quū videamus à mundo non modo recipi, sed etiam suscipi, & quidem tanto cū ardore vel etiā furore, ut quid uis potius passuri plerique videantur, quam non dico ab istis apertissimis mendaciis discessuri, sed passurivt alij oculos aperiāt, quis non animaduertat in ijs impletum quod ait Apostolus de erroris spiritus efficacia, & ho minibus èis vñv adlōnūm traditis? Quod si

EPISTOLA.

quis roget, cur igitur hac in re operam ponam, dicam quod res est. Erat hoc iampridē mihi constitutum, istos semel missos facere. Quia tamen ex nonnullis intellexi non deesse, qui quod nostra non legerint, per hunc Sophistam in mēdacio confirmētur, apud quos ipse quoque sic sese vēditet, ut sua refelli nō possetum sibi tum aliis persuadeat: vorandā hanc quoque molestiam mihi credidi, partim ne quis infirmus in errorem ab ipsis abduatur, partim ut si qui ex illis sanabiles sunt, agnita ipsorum fraude veram sententiā se quātetur: cuius nostrae qualiscūque opellē hoc tibi principium habeto, tantisperdum, quod breui, Deo fauente, sum facturus, ad cætera respondeam. Quod ad cæteros desperatae per uicacitatem homines attinet, habeant sanè sibi similes labra laetucas, & qui sordecat sordecat magis ac magis, donec is in iudicio apparet, qui paleam à tritico separatam in horreum suum congeret. Bene vale. Genevæ XIX. Februarij, quo ipso die homines hoc anno apud vos in porcos sese penè trāssubstantiant, quæ istic est pænitentia ad Cyclopicum pascha celebrandum, παρασκευή. Anno temporis ultimi M. D. LXXVII.

the first time in the history of the world, the
whole of the human race has been gathered
together in one place, and that is the
present meeting of the General Assembly.
The present meeting of the General Assembly
is the first time in the history of the world,
that the whole of the human race has been
gathered together in one place, and that is the
present meeting of the General Assembly.
The present meeting of the General Assembly
is the first time in the history of the world,
that the whole of the human race has been
gathered together in one place, and that is the
present meeting of the General Assembly.
The present meeting of the General Assembly
is the first time in the history of the world,
that the whole of the human race has been
gathered together in one place, and that is the
present meeting of the General Assembly.
The present meeting of the General Assembly
is the first time in the history of the world,
that the whole of the human race has been
gathered together in one place, and that is the
present meeting of the General Assembly.



TH. BEZÆ RE-

*sponsio ad F. Claudij de Sainctes
repetitiones de rebus Eucha-
ristiæ controuersiis.*



Ad primæ repetitionis

C A P V T P R I M V M .

MA G N O illi tuo volumini, Santesi,
quod tu Repetitiones aptissimè
vocasti, quām optissimè fieri à me
poterit, responsurus: vti tua quan-
uis non recta sanè methodo co-
gor, ne fortè si singula tua vestigia nō persequar,
dissimulasse nonnulla vel subterfugisse videar.
Agimus enim in speciē de vnico Eucharistiæ Sa-
cramēto. Sed quū huius cōtrouersiæ decisio ma-
gna ex parte posita sit in recta Sacramenti defi-
nitionis explicatione, ea si nō improbè, at certè
imperitè à te prætermissa est, vt & illa quæ cum
definitione cohærent. Nihilo rectius autem à te
proponuntur tres, vt tu inquis, quæstiones, de
quibus inter nosagi scribis, quę scholastico mo-
re tuis verbis, & secundū à te propositā seriem,
sic dispono.

I *De verborum significatione, quibus Christus
a. j.*

Cáp.I. AD REPET. SAINCT.

Eucharistiam instituit,

2 De existentia corporis & sanguinis Domini
sub specie panis & vini.

3 De eiusdem corporis esu & sanguinis potu,
statuine debeant spirituales duntaxat, ut per fidem so-
lantiant, an rea es & substancialis. ut ipso facto cor-
poris & sanguinis natura recipiantur a nobis, &
immissa corpori nos totos alat ad vitam immortalem.

De his autem perpetuo sic sensisse dicis Ec-
clesiam per totum orbem diffusam, ut asseruerit.

1 Sensum institutionis, quem litera gignit
mordicus esse retinendum.

2 Panem & vinum transire in corpus & san-
guinem Domini, que loco illorum succedant: ac proinde

3 Corpus & sanguinem Domini re vera sumi.

Huic autem veritati repugnare nos omnes,
quos in factiones quinque nempe Lutheranos,
Cinglianos, Buceranos, Caluinistas, Brentianos
denique nunc quidem diuidis: in eo quod singu-
li in aliquam figuram verbum institutionis Eu-
charistiae detorquemus. Sed Lutheranos, &
Buceranos in secundo & tertio capite ita con-
sentire vobiscum, ut transubstantiationem ta-
men negantes doceant presentiam corporis &
sanguinis Domini non nisi in usu & sumptione
Sacramenti inesse.

Cinglianos verò & Caluinianos hoc corpus
& hunc sanguinem dicere tem longè remota esse
a Sacramento, quam cælum à terra, neque ali-
ter percipi quam pura fide, neque aliud quic-
quam ex ipsis ad nos præuenire quam gratia, &
nescio quid aliud spirituale.

Caluinianos tamē claudicantes modò ad Luthe-
ranos

tanos, modò ad Cinglianos propendere, sed omni detra^{ct}to fuso nouum modum præsentiae excogitare, vt dicant panem & vinum esse efficacia signa corporis & sanguinis Domini: vt nō solū per fidem, sed etiā recipia corporis Christi substantia cum pane (sed tamen extra panem) manducetur, & sanguis bibatur à spiritu nostro, quoties cum fide panem illum edimus, & vinum illud bibimus, adeò vt etiam indignè manducantibus offeratur corpus Christi cum pane, tametsi extra ipsum panem, & quanuis ab eis non manducetur. Itaque verba Domini, *Hoc est corpus meum interpretari, Hic panis est signum efficacæ corporis mei*, neque interea corpus & sanguinem proprius nobis admouere quām cælum terræ, sed spiritu. seu potius stultitia (vt tu scilicet sapiens loqueris) cælum peti iubere; ubi Christi caro defixa residenceat.

Brentianos contrà contēdere Christi humilitatem toto cælo & terra, ac quocunque loco spargi & diffundi, eique æqualem diuinitati omnipotentiam & ubiquitatem tribuere.

Quum autem in omni controuersia primū omnium sit animaduertendum, quibus de rebus queratur, accuratè quænam ista tua sint nobis peruestigandum puto. Dicis tribus de rebus à nobis disceptari. Imò sanè multò plura sunt in hac ipsa controuersia, de quibus inter nos contendit, sicut inter disputandū apparebit. Quod si particulares questiones tibi libuit ad precipua quædam capita reuocare, debuisse te dico istas potius questiones ponere, *Sitne corpus Christi nunc in terris situm: & Si situm est in terris*

Cap.I. AD REPET. SAINCT.

*num in hoc Sacramento sitū sit. Et si sitū est, sitne cū
hoc pane & hoc vino, an vero in illorū expulsorum &
ad nihilū redactorū locū succedant. His enim expo-
sitis nullus erit tertiae tuæ quæstioni locus reli-
ctus. Quæstio vero prima à te posita nō ad rem i-
psam sed ad eius probationē pertinet, quò etiā
plurima alia Scripturæ loca spectant, de quorū
interpretatione nihilo magis inter nos cōuenit.*

Secunda denique quæstio quam ponis, ex-
plicari commodè nisi nostra prima disceptata:
non potest. Itaque videre omnes opinor negoti-
tum esse mihi cum eo homine, qui veritatem in
disputando querere minimè videri possit. Age
tamen constitui per hæc quoque deuia te perse-
qui, & ad illa sic tibi respondeo. Lutheranos
quos vocas, nunquam tibi concessuros mordi-
cus magis à vobis quam à se τό πντὸν retineri. A-
gite igitur, si vobis placet, cum Geminiano, ut
Iurisc. loquuntur. Nam ego quidem quin vtri-
que plurimam in tribus istis à vero aberretis
non dubito.

Quod Buceranis tribuis, *Sacramenta esse in*
ipso duntaxat usu Sacramenta, omnes nos(quos
hæreticos appellas, ipse potius verè artolatra)
ut verè dictum amplectimur.

Quod ad nos quos Caluinianos appellas atti-
net, agnoscamus verè hæc nobis abs te tribui,

Humanitatem Christi tam procul nūc abesse
à signis quam cælum à terra, quum illa sit in cæ-
lis & nō alibi, signa vero sint in terris & nō alibi.

Signa panis & vini esse efficacia symbola cor-
poris & sanguinis Domini.

Præter signa panis & vini, quibuscunque ac-
cedentibus

cedentibus offerri quoque corpus & sanguinem Domini, quæ tamen à solis fidelibus percipiuntur.

Non tantùm quæ in Christo nobis obtainenda proponuntur, sed imprimis ipsum Christum nobis in hac actione sacra spiritualiter per fidē communicari.

Hæc, inquam, vt verbo Dei & perpetuo Apostolicæ ac orthodoxæ Ecclesiæ consensu confirmata contra Apostaticam Romanam Ecclesiam tuemur, cuius fermēto conspurcata adhuc est Lutheri doctrina non in hoc modò capite, sed etiam in alijs nonnullis. Sed in his te planè sycophantam esse dicimus.

Quòd illam humanitatis Christi in illis æternis Tabernaculis usque ad ultimum illum diem commorationem transformes conclusionis & & affixionis nominibus.

Quòd nos vtrinque propendere falsissimè configas. Deinde quid istud sit tu videris, non modo per fidem sed etiam reipsa. Tuum enim hœc est non nostrum, qui hæc inter se minimè sic comparamus. Nam illud per fidem ad instrumentalem causam, Reipsa verò ad materiam, siue ad illud ipsum refertur quod fidei instrumento percipitur. At tibi eruditissimo scilicet theologo per fidem idem atque imaginariè declarat neque quod fit spiritualiter, reipsa fieri videtur.

Illud quoque ad nos peruenire ambiguè abs te dicitur, qui nihil nobis admoueri, siue nihil ad nos peruenire putas, nisi si quid corpus nostrū contingat. At nos verè nobis ac reipsa quoque

CAP. 2. AD REPET. SAINCT.

insinuari dicimus, quod animo etiam solo percepitur, ac verissimam quoque ac realissimam esse credimus nostram cum Christo capite ~~et membris~~, quod ex effectis etiam sensibiliter dignoscitur.

Illud autem quod de cælo per fidem & spiritum in his mysterijs petendo dicimus, si stultitia est, quid vobis quoque stultius est, qui sursum corda illos attollere iubetis, quos tamen Christi carnem inter sacrificiorum manus querere docetis,

Postremò Sacramentivox quum modò symbola per se considerata, modò symbola cum rebus ipsis, modò sacram ipsam totam actionē designet, homonymiam hanc distingui abste oportuisse dico.

Brentiam deliria: id est, conflatā cum altera Eutychetismi parte Nestorij blasphemiam, nos quoque detestamur & priores refutauimus.



A D C A P V T II.

Vnde petenda institutionis Eucharistiae explicatio.



ON TENDIS in hoc capite petendā esse veram Eucharistiae explicationem ex institutionis verbis, quod etiam Christi de coniugio aduersus Phariseos disputantis, & Pauli Corinthios hūc reuocantis exemplo probas: Atqui, mi homo, tute hīc tibi monstrum confingis quod oppugnes. Ecquis enim nostrūm (Brentianos vnos siue Vbi uitarios

Vbiquitarios excipio, qui à nobis exierunt, quia ex nobis non erant) hoc ipsum non sensit, scripsit, docuit? Itaque non potuisti certius ostendere quanto nos calumniandi studio exarferis, quamquam quum nos scriberes, omni studio id conari, ut verba institutionis examini hominum paulatim eripiamus, pro quibus alia substituamus etiam nunquam in scripturis audita. Illud autem de quo controvèrtitur, quoniam tu eodem pudore retices patefaciam oportet. Tu ex vnis institutionis verbis decidendam omnem controvèrsiam arbitraris: Nos hæc ipsa institutionis verba quod variè intelligi possint, partim cum nostræ fidei articulis cohærentibus & indubitatis, partim cum ijs quæ de alijs Sacramentis eodem Verbo Domini traduntur comparari volumus, ut ea demum interpretatio vera censetur, quæ nihil habeat ab istis dissentaneum. Denique valere hic quoque certissimam illam discernendorum omnium errorum normam obseruandam dicimus, ut ex locorum Scripturæ collatione controvèrsis omnibus quællionibus veluti lux inferatur. Hoc vero te hinc faciendum negantem quis tandem toleret? Affers tamen has sententiæ tuæ rationes.

Vnam, quod alia sit ratio Sacramentorum, quam reliquorum dogmatum, quæ fere sunt perpetua, hominum naturæ ac rationi insita, cum alijs articulis fidei coniuncta, ab omnium temporum sacris Scriptoribus tractata, & que possint ex sese mutuo illustrari. Sacra menta vero certo tempore, loco, certisque ac conceptis Scripturæ verbis institui, nec tantum describi, sed etiam quasi formari. Itaq; nec posse nec
a. iiiij.

debere ex alijs Scripturę locis, sed ex propriis
dūtaxat suis sedibus explicari. Ergo verò multa
hīc abs te falsa poni affirmo, ex quibus tamen ne
hoc quidem quod tu vis efficiatur: id est, vt in
scholis loquimur, nego antecedēs, & ipsam quo-
que consequutionē. Falsissima hæc duo esledi-
co, Sacramēta esse noua quædā dogmata & dog-
mata fidei esse ferè naturæ & rationi hominum
insita, Affirmo contrà, idcirco esse instituta Sa-
cramenta, vt sint dogmatum, id est, eorum quæ
nobis credenda sunt, σφεραγιδες? Nec minus illud
abs te ineptè dici, quām si diplomatibus appen-
di sigilla diceres, vt aliquid præter id quod in i-
psō diplomate descriptum est homines doce-
rent. Aio & illud ex ipsis Christi verbis, carnem
& sanguinem nobis non patefacere quæ Dei
sunt, id est fidei nostræ placita iimò τὸ τῆς αὐρηλίας
φῶνην esse verum Dei odium, & quæ Dei sunt
ne cogitare quidem nos ex nobis posse. Suma-
mus pro exemplo creationem mundi, quæ sanè
videtur ex ipsis naturæ principiis peti posse. Di-
cit Apostolus & verè dicit fidei opus esse, quòd
ea quæ cernimus, ex non apparentibus, id est,
ex nihilo esse condita credamus: id quod vel v-
nicum illud Aristotelis de mundi æternitate
dogma confirmat. Sunt scilicet sacrę triadis my-
sterium, hypostatica deitatis filij, & nostræ na-
turæ vnio, conceptus ex Spiritu sancto, partus
virginis, petenda ex morte vita, resurrectio car-
nis, naturæ & rationi hominum insita. Sed hoc
nimirum fundamentum monstris illis & Chi-
mæris vestris nempe accidentibus sine sub-
iecto, corpori nō quanto, trāsubstantiationi de-
nique

nique substernere noluisti qua in re pudendum illum errorem admittis, quem petitionem principij in scholis appellant. Sed quid si ne illis quidem concessis illud quod tu contendis consequatur? Sint igitur Sacra menta noui alicuius dogmatis tradendi causa instituta: sint certo loco, tempore, certis denique verbis constituta, descripta, cfformata: an propterea efficitur dogmata ista noua, nihil prorsus cum aliis fidei articulis suapte natura cohærens, ac commune habere, ad cuius normam horum quoque nouorum dogmatum explicationem exigi oporteat? ac non potius perpetua est quedam omnium religionis Christianæ partium inter se, sicut in naturali ac minimè monstroso corpore, symmetria, analogia, connexio? Imò vt hoc quoque tibi largiamur, nihil habere coniunctum sacramenta cum alijs fidei articulis: an tu tamen inficiaberis communem ac generalem esse quandam omnium inter se Sacramentorum rationem ac definitionem, in qua proinde conuenire singula Sacra menta, quæcunque tandem illa sint necessariò oporteat? ac proinde falsum esse quicquid de singulari aliquo Sacramento sic dicitur, vt à generali definitione dissentiat? Neque enim vel specierum notiones ~~disceptandi~~, vel individuorū proprietates notionem ~~conscientiā~~ tollunt, sed ei potius superstruuntur, nisi fortasse vis hominem sic esse rationis participem, vt in animalis genere cum equo non sentiat. Restat igitur comparandas saltem esse inter se Sacramentorum institutiones vt eo deprehenso quod tum inter se commune tum proprium habent, ad eam nor-

Cap.2. AD REPET. SAINCT.

mam postea singulorum explicationes exigantur. Sed hoc nimirum male vos habet, quod tum ex generali Sacramentorum definitione, quam studio prætermisisti, tu ex proprio cuiusque discrimine vestras illas Chimeras vanissimas esse probanias.

Altera tua ratio hæc est, *Res alias siue dogmata* siue *præcepta*, magna ex parte præ se ferre quiddam naturale, perpetuum & perse existens: *Sacra*menta vero importare tantum quiddam arbitriarium, non perpetuan rationem includens, nec per se existens. *Esse enim arbitria* subitanea, & temporaria, sicut circuncisio antequam institueretur, & Baptismus & nostra Eucharistia tempore Abrahæ, nihil fuerunt. Non debere ergo quod ad essentiam suam attinet, ex alijs rebus & dogmatibus & locis scriptura alienis iudicari: sicut absurdissimum iudicaretur ex creaturarum efficacia & medicina iudicare de luto & fumo, quo Christus illeuit caci oculos, aut de illa piscina aqua.

Respondeo rursus absurdissimam esse istam concludendi rationem. Quid enim obstat quominus aliquid sit arbitriatum, subitancum, temporarium, & tamen aliquid commune & planè consentiens cum naturali & perpetuo quopiam habeat? Nec enim ista repugnantiam in ipsam rei naturam necessariò inuehunt. Deinde quantum tute abes ab ea quam nobis impingis hæresi, si Eucharistiam esse rem per se existentem negas? nisi fortasse ideo per se non existere arbitrari quoniam talis non nascatur, sed vi institutionis aut consecrationis conficiatur, quod si tu sentis, in aliud incommodum rursus incidis.

Cogeris

Cogeris enim aut Eucharistiam facere ab ipso corpore Christi diuersam , quod de signis tam verè nos dicimus , quām vos perperam negatis: aut vni corpori Christi duo planè diuersa existēdi principia tribuere, vnum videlicet in utero virginis ex Spiritu sancti virtute, alterum ex certorum verborum pronuntiatione. Deinde si tibi concederem quod tu vis , nempe Sacramentorum essentiam toto genere à reliquis siue placitis, siue præceptis Christianæ religionis dissidēre , an tamen propterea inter se quoque adeò repugnabunt , vt inter se conferri nullo respectu possint? Quod si possunt, cur non itidem debent ut inde falsarum explicationum vanitas deprehendatur? Ex alienis verò scripturæ locis fieri diiudicationem hanc debere quis tandem nostrum docuit? Denique quām bella hæc tua est conclusio, Quòd diiudicari Christi miracula ex naturæ ordine non debeant , stultum etiam esse de Sacramentis, vel ex eorum cum alijs fidei articulis seu præceptis collatione, vel ex ipsorum mutua inter se comparatione statuere?

Tertia verò hæc tua ratio est, Latam esse differentiam inter ipsa institutionis verba , quæ Sacramentorum essentiā describunt, & alia extra eam dicta de Sacramentis, quæ vel èo alludunt tantum vel aliquam eorum circumstantiam aut abusum perstrin-gunt velut si quis de circumcisione velle non ex eius institutione statuere, sed ex scriptis Pauli quum circumcisionem pro nihilo habet , aut inter signa maledictionis cum preputio deputat. Sic hallucinantur (inquis) qui de nostris Sacramentis non ex eorum institutione , sed ex I. Corinth. 10. decidere student

Cap.3. AD REPET. SAINCT.

@ tum ex veteri testamento corradunt, Agnus est paschæ & similia, tum ex nouo alia congerunt ad op- primenda institutionis verba.

Assentior tibi perperam facere qui aliena, vel nihil ad rem pertinentia inter se comparant: tale vero quicquam à nostris admissum esse per negamus, nec tu sanè vnquam ostenderis. Certè quod de Circuncisione profers, quasi ex vnis institutionis verbis quid de ea sit statuendum di iudicare oportuerit, non rectè abs te dicitur, quum ex alijs demum vtriusque fœderis locis quæ fuerit illius analogia & quis usus multò plenius & vberius, quam ex ipsa institutione paucissimis verbis per Mosen descripta intelligatur. locum autem illum Apostoli & alios tum veteris tum noui fœderis an ineptè cum ipsis institutionis verbis ad vestra refellenda compa remus, suo loco disceptabitur.



A D C A P V T III.

Figuratum dicendi genus magis esse proprium Sacra-
mentorum institutioni quam natuam
vocum significationem.

Hoc capite de retinenda verborum in stitutionis Eucharistiæ proprietate dis serere incipiens contendis quatuor ob causas eam retinendam nullo figuraru velamēto inuolutam. At contrà tute capite tertiae repetitionis tertio agnoscis panem & vinum posse figuræ, signa, similitudines vocari propter maximam corum conuenientiam cum effectis corporis

corporis & naturalis & mystici. quod si verum cest, certè vel contra id quod superiore capite docuisti istam conuenientiam aliunde quàm ex ipsis institutionis verbis petas necesse est, in quibus tale nihil commemoratur: vel duplicem vocum corporis & sanguinis interpretationem admittas oportet itémque verbum E s t totidem modis exponas: propriè videlicet quum corpori naturali, figuratè verò siue significatiè quum mystico tribuetur. Itaque quanta sit vis veritatis vtinam nunc tandem animaduertas. Deinde si quid propriè dici putas, ex te quæsiuero, respondebis, opinor, natiuam significationem vocum sic abs te intelligi, quæ translatitiæ opponatur. At ego dupliciter dici posse dico voces propriè usurpari: uno modo quum natuua sua significatione accipiuntur: altero quum ipsarum rerum subiectarum de quibus agitur peculiaris natura spectatur, Sic exempli gratia, si de picta sculptaue imagine loquens dixerim, Hic est ille Simson hostium Ecclesiæ domitor certè verbū E s s E aliā significationem induit quàm si de ipso vero Simsonem ageretur, ut esset propositio identica, Vtra igitur in hac enuntiatione propria censembitur? non illa certè essentialis, quæ tametsi natuua est, tamē maximè impropriè & falsissimè rei pictæ vel sculptæ tribueretur, sed ista quæ ascititia est. Videtur igitur proprietatem vocū non ex ipsarum natura semper, sed ex rebus subiectis, siue de quibus agitur estimari? adeò quidem vt quæ per se vera & propria est vocis significatio, falsa & impropria euadat si ad rem ipsam subiectam referatur: & cōtrà quę suapte

natura est falsa & impropria, vera tamen & propria esse incipiat. Ergo, inquies, Sacra menta vultus inanes esse imagines? nequaquam id verò. quanuis ne tu quidem, eo quod cito capite, imaginis & figuræ vocem repudies. Quo enim iure id facias? Sed imagines esse dicimus veritate rerum quas significant minimè vacuas, quoniā id quod intellectui & fidei suggestum, verè quoque à Deo spirituali modo participādum offeratur. Ergo ut tandem hunc locum concludamus, scito nos quum verbum **E s s** dicimus figuratè, id est, metonymia sacramentali, explicādum nativam quidem illius voculæ significationem cum hac translatitia comparare: sed eam tamen quæ rei de qua agitur maximè propria est aduersum vos vrgere, quum is demum propriè de re quaque loqui sit censendus, qui vocibus ad eā rem significandam appositissimis vtitur. Sunt enim voces rerum, non res vecum gratia institutæ. Dico igitur nos quum quæ de Sacramentis dicuntur sacramentaliter intelligēda docemus, etiamsi id fieri nisi nativa vocabuli alicuius significatione ad translatitiam accommodata non potest tamen maximè propriam significationē si rem ipsam spectes tueri. vos autem quum essentialiter intelligenda docetis quæ sacramentaliter dicuntur, maximè impro priam proprietatem ineptissimè, & quin de religione agatur, perniciofissimè defendere. Propterea si hæc quæ tu dicis (quod postea suo loco faciemus) perse qui nunc liberet, cuius tu tandem voculę in institutionis formula proprietatem penitus ou si ruarē comperieris? pronomen enim **H o c** modo ad aliud

ad aliud quām ad hoc ipsum quod manibus acceptum Christus frangebat & distribuebat, id est, quomodo vel ad indiuidui vagi somniū vel ad sola accidētia, de quibus ne vobis quidem cōstare potest (nisi fortasse rotunda & alba fuisse panis illius fragmenta probaueris) seruata vſita loquendi forma, transtuleris? Et quo tandem proprietatis genere, vel corpus esse entiale Christi pro mystico corpore, vel indiuiduum illud vagum, aut accidentia panis, pro re quapiam ex multis granis, & multis acinis coadunata accepferis? Sed de his aliās. Nunc causas istius proprietatis retinendā te prolatas audiamus. Si, inquis, *argumenta de Sacramentis peti oportet ex institutione, necesse est eius rationem certissimam esse & propriam.* Rectius dixisses perspicuam esse oportere. De proprietate antea dixi, esse nimurum sēpē numero ex rei subiecta, non ex ipsa per se voce diiudicandam. Id enim maximē perspicuē dici quæ rei subiecta maximē conueniat, siue propria siue translatitia significatione voces ipsæ usurpentur. Ergo, inquis minimè figuratam esse oportet. Repugnat enim institutionem esse fundatum veritatis & ipsam figuratam esse, quia in figura loquuntione nulla veritas fundari potest. Distingo figuræ appellationem, quam si accipis promerē allegorico aut parabolico sermone, quid hoc aliud est quām nobis illudere? Num enim metonymia sacramentalis, aut alias eiusmodi tropus, allegoria est vel parabola? Quæ tu hīc igitur ex Irenæo & Augustino citas ut allegorica ostendas aliunde illata luce indigere, non contra nos sed contra vestra illa deliria faciunt, quibus

vniuersam scripturam sacram in fabulas verè
γραφῶν transformastis. Figuratè verò dicta esse
non posse certa veritatis fundamenta ne in alle-
gorijs quidem perpetuum esse dico. Quæ tu po-
stea garris de nostra in explicandis institutionis
pauculis verbis repugnantia cuiusmodi sint suo
loco expendemus. Sed quod scribere ausus es,
nolle nos rem Cenæ ex institutione indagari, adeo γραφῶν
institutionis verba subsannare, & ea nobis obici mo-
lestè ferre, falsissimè & impudentissimè à te con-
finigi Deum & homines testamur. Declamitas
postea quum res noua traditur ,& in qua nemo
sine summo periculo possit hallucinari (cuius-
modi est Eucharistia) non esse admittendas im-
proprias & ambiguas phrases. Concedo, & im-
propriū esse rursum nego quod optimè rei sub-
iectę conuenit. Ambiguum autem si vocas quod
plures sensus admittit , vide quo usque progre-
diaris. Dogma fidei Christianæ vel præcipuum
est, Verbi æterni *χρόνωσις.* At illud *Verbum caro*
factum est homonymię in singulis vocibus obno-
xiūm esse, ideoque ab hæreticis exagitatum nō
ignoras. & à quibus hæreticis? ab ijs qui natuā
illarum vocum significationem sectati sunt, con-
tra quos ostēditur Filiū Dei similitudine qua-
dam aptissima λόγον non tamen *τροποεικὸν* sed *ἐν-*
διάθετον vocari: carnis autem appellatione to-
tam humanam naturam *σωματοχήματος* declarari:
factum denique non transmutatione sui ipsius,
sed alterius assumptione dici. Et quām multa a-
lia possent similia proferri. Res autem sic habet.
Etiam si voces per se ambiguæ & diuersam in-
terpreta-

terpretationem admittentes usurpentur, tamen pro non ambiguis censentur, quoties alterius sententiæ absurditas ex rei ipsius de qua discep-tatur natura non obscurè dignoscitur. Sic verbi appellatione non significari prolatum sermonem ex eo manifestum est, quod Filius Dei quum sit Deus, & per quem Pater omnia condidit, necesi-sariò sit aliquid *v̄p̄isāv̄eror.* synecdoche verò in di-ctione carnis vel ex communi Hebræorum usu intelligitur. Factum esse denique accipi pro transmutatione eius naturæ dici non potest, in quam nulla cadat mutatio. Sic quoque in Sacra-mentis si signum dicatur illud ipsum esse cuius Sacramentum est, miserabilis est seruitus ac pla-nè carnalis, literam sequendo signa pro rebus i-psis accipere, ut scitè scribit Augustinus de Eu-charistia ipsa differens, sicut signa inutiliter ac-cipere vagantis est erroris. Rethorum, ais, precep-tum est, τὰ κοινὰ κοινῶς, τὰ καγκελὰ κοινῶς. At Cœne hi-storya rerum antea incognitarum & insolitarum con-stitutionem & euulgationem complectitur. Neces-sarium igitur fuit Christum dilucide quid vellet effari. Concedo hoc quoque, & dico non potuisse dilu-cidius aut expressius declarari sacræ illius actio-nis mysticæ naturam & finem. Hoc enim dari quod Christus ipse manibus tenens tradebat, doceri verbis Apostolos non oportuit. Sed quor-sum hæc darentur, quarum rerum signa & cuius-modi signa essent, id verò ipsis declarari oportuit: quod multò dilucidius fecit Christus quum sig-nis tribueret ipsarum rerum appellations, quām si signa illarum esse simpliciter dixisset. Deinde et si noua prorsus fuit hæc noui fœderiæ

Cap.3. AD REPET. SAINT.

obsignandi ratio tunc primūm à Christo instituta, tamen neque incognitum prius erat nouum ipsum fœdus, cuius exhibendi cognitione suo modulo imbuti & virtute seruati fuerunt quicunque Christi aduentum fideles antecesserunt: neque etiam ipsum nostræ cum Christo ~~nostrayias~~ mysterium translatitiis vocabulis edendi & bibendi significatum, erat discipulis in auditum, ut qui hoc idem dictum & spiritualiter explicatum ex præceptoris ore audierāt in ea concione quæ Ioan 6. perscripta est. Itaque neque obstu- puerunt: neque vt Capernaitæ durum hunc ser- monem esse dixerunt: neque, vt de ambiguo ser- mone dubitarunt, quoniam hæc mysticè & spi- ritualiter intelligenda esse antea didicerant, si- cut alicubi Chrysostomus obseruat. Denique elige vtrū voles. Si ~~regyà~~ ista fuisse vis, ~~noswàs~~ lo- quutus fuerit Dominus, quum vix aliter de Sa- cramentis vnquam sit loquutus Spiritus sanctus sin ~~regyà~~ fuisse mauis, ~~regwàs~~ sanè fuerit loquutus, ac proinde ineptè facis quum vulgatam & tritā significationem verborū in his mysteriis defen- dis: Itaque quod in sanctæ memorię virum P. Martyrem dixisti, improbum & impudentem fuisse Christianarum scripturarum deprauato- rem, quin tibi potius ad amissum quadret, obscu- rum esse non potest.



AD CAPVT IIII.

Ex circunstantijs institutionis Cœnæ Domini non rectè colligi nō p̄t̄r̄ retinendum.

NCIPIS tuam istam impropriā proprietatem tueri argumentis à circunstantijs Cœnæ dominicæ desumptis. Et quoniam quæ de Sacramētis dicuntur sacramentaliter intelligenda dicimus, negas ex institutionis verbis erui posse hanc circunstatiā quòd Eucharistia sit Sacmentum (quod tamen verum esse concedis) quum nullum verbum de Sacramento faciat. In his verò paucis vide quām multipliciter pecces. primum enim admodum ineptè facis, quum hoc quo res ipsa vel an sit, vel quid sit constituitur inter circunstantias numeras. Deinde quum Eucharistiam esse Sacmentum colligi ex institutione posse negas, certè & illud fateris, id quod primariū & præcipuum est in hac controuersia (rei videlicet de qua queritur naturam & definitionem, quæ nō ē vocatur) aliunde quām ex ipsa institutione petendum. Itaque fundamētum illud abste antea positum, quòd videlicet ex vniis institutionis verbis hæc omnis controuersia sit decidēda, tutem et euertis. Præterea quum Sacmentū hoc esse non neges, & pro natura rerum intelligenda sint quæde rebus dicuntur (nec enim res verborum, sed verba rerum causa sunt inuenta) quid ad nos attinet tantopere querere quo ex scriptuæ loco id eruatur? postremò & illud dico planè cæcum esse oportere qui ex illa

Cap.4. AD REPET. SAINCT.

tota Christi actione non videat mysterium siue Sacramentum institui, quum regnū Dei, remissio peccatorum, fœdus denique illud nouum, sicut à Ieremia describitur, propriè loquendo, in esu & potu situm esse non possit. Reponis postea nobis rancidam illam & millies recoctam crambem, summum videlicet Euangelistarum & Apostoli in describenda Eucharistia consensum, quum alioqui soleant Euangelistæ mutuas operas tradere, & quod ab alio obscurius & figuratè est traditum, id alius magis propriè & plenius enarret. At qui perpetuum hoc esse nego, nec tu vñquam probaueris. Dico præterea Euāgelistas & Apostolum neque totidem neque ijsdem verbis vlos, quod ex ipsorum locorum collatione liquet. Affirmo & hoc tertium, Euangelistas & Paulū mutuas hīc sibi operas tradidisse. Verbū enim ἀλογεῖν verbo ἀχαιεῖν & τὸ διδόμενον verbo κλέμενον, & τῷ πῶ sine adiectione positum adiectione vocis ποτίζειν: & illud Nouum testamentum in sanguine meo per illa, sanguis meus Noui testamenti explicatur. Et additur tum à Luca tum ab Apostolo mandatū, à Mattheo & Marco prætermissum. Tu verò quid velles præterea ab eorum aliquo expressum vt nostra sententia valeret? nempe vt pro E s t scriberet SIGNIFICAT, vel HOC EST CORPVS MEVM SACRAMENTALITER siue IN MISTERIO, siue FIDE PERCIPIENDVM, siue SIGNVM aut SACRAMENTVM CORPORIS MEI. Quid si verè nos vicissim exciperemus, vt vestræ illi quamuis inuisibili, tamen verè Cyclopicæ, manducationi locus aliquis relinqueretur

queretur, oportuisse aliquem Euangelistarū pro.
HOC scribere ISTA ACCIDENTIA SINE
 SUBIECTO. vel ECCE CORPVS MEVVM,
 & pro EST scribere TRANSSVBSTANT-
 TIATVR, & CORPVS SIMVL ET SAN-
 GVIS, & pro OMNES scribere VOS SA-
 CERDOTES? quid igitur? nempe neque Chri-
 stus sic loquutus, neque Euangelistæ & Apostoli
 sic scribentes, obscurè, aut ambiguè aut inusita-
 tè, sed sacramentaliter de Sacramento loquuti
 sunt: neque causa vlla iusta fuit cur de vestris illis
 tam absurdis tam monstrosis, tam denique à Sa-
 cramentorum fine alienis figuris deuitandis
 laborarent, quæ iure existimarunt nō magis cui-
 piam Christiano in mentem venire posse, quām
 naturalem petram fuisse Christum, quoniam di-
 citur petra fuisse Christus, aut agnum teipsa
 Christus esse quoniam à Ioanne Baptista sic ap-
 pellatur. Ista denique quæ tandem calumnina est,
Carnem, sanguinem, substantiam, edere, bibere, altare, sacrificium, sacerdotium à nobis in ignotas & translatas significationes trahi? Quid amplius? etiam, si
 tibi creditur, spiritum in Baptismo pro aqua inter-
 pretamur, & Patrem quoque & Filium negamus.
 Imò quis carnem & sanguinem in spectrū cum
 Martione transformat, nisi qui inuisibile & quā-
 titatis expers corpus Christo tribuit? Quis Chri-
 stum priuat vera carnis substantia, nisi qui panis
 crustulo, imò etiam accidentibus sine subiecto
 illum includit? Edendi autem & bibēdi vocibus
 an non vos quoque nobiscum vtimini, quum de
 vnius virtutis Christi participatione merè spiri-
 tuali loquimini? altare quidem fateor nullum in

Cap.5. AD REPE T. SAINCT.

Christiana Ecclesia, nec sacrificium nec sacerdotium ad Christum ruitus pro peccatis reipsa Patri offerendum relinquimus, quæ nō sine manifesta impietate ponitis. Spiritum pro aqua in Baptismo à nobis exponi falsissimum est, quum è contrario, Aquæ interdum ut & Ignis nomen pro Spiritu, ad eius in nobis effecta significanda poni dicamus. Neque tu id potes iure inficiari, quum sic passim loqui Prophetas & Apostolos ipsūmque Christum nō ignores. Filii veram hypostasin à Patre esse rātūm abest ut inficiemur, ut contrà stertentibus vobis, & teterrimos illos Seruetum Gentilem, & Postellum in sinu souentibus, harc veritatem aduersus tenatos Samosatenianos & Attianos primi defendēmus. Quòd si Filii essentiam (quam tu perperam cum substantia hīc confundis) vis ab altera Patris essentia propagatam, quam nos vnicam esse in Filio & Patre tuemur, quanuis in Patre ut à nullo, in Filio ut à Patre per generationē communicata spectetur, iam te Dītheitam factum affirmo. neque id sancte mirū ab eo fieri qui tot nobis Christi corpora realia & essentialia fabricetur.



AD CAP V T V

Ex circumstantia Christi ipsius Cœnā instituentis colligi nō posse simpliciter nō in verbis institutionis retinendū.

AM accedis ad circumstantias personæ ipsius Christi & sic argumentaris, Christus est omnipotens nec mentiri potest: Ergo potest efficere quod in Eucharistia testatur.

Istud

Istud verò quis vnquam nostrūm negauit? Sed hoc efficere vel potuisse vel voluisse quod tu dicas, id demum tibi probandum est. Retsum igitur id ipsum de quo ambigitur ut probatum assu mis, quod est impudentis Sophistæ factum. Noluisse autem illum ac ne velle quidem potuisse quod dicitis, ex eo ipso colligimus quòd mentiri ac proinde cōtradicentia velle nō possit: quod autem velle se testatus est idcirco efficere illum posse credimus, quoniam sit & verax & omnipotens, nempe ut verè ac reipsa sese nobis in terra positis quanuis in cælis manēs, ad vitam æternā communicet, quod esse verè admirabile omnipotentiae diuinæ mysterium Apostolus meritò testatur. Ad illam autem vestram naturalē presentis & intra manus positæ substantiæ mandu- cationem quæ tandem, quæso, omnipotentia diuina requiritur? Non igitur simpliciter vestra illa commenta inficiantur quod cogitationi humanae sint absurdæ, sed quia præter quām quòd admitti humana ratione non possunt, placitis fidei & Filij Dei veritati repugnant. Quorsum ergo aduersum nos detorseris illud Tertulliani dīctū aduersus Marcionitas, ad quos ipsi proximè acceditis, quum corpus suæ natura quantum tamen pro modo non quanti reipsa adesse contenditis?

Restat, inquis, ut videamus an Christus singula rem aliquam causam habuerit cur in promulganda Eucharistia obscurius & incertius loqueretur quam communiter soleret. Tantum abest ut habuerit, ut ei adfuerint causæ grauissimæ cur planius, certius & dilucidius quam soleret de alijs rebus, de Eucharistia

pronuntiaret: nempe graue & periculosum dogma praeceptum & articulū non ifæderis. Atqui tute hīc rursum tibi monstrum comminisceris quod nusquam est: & rursum principium petis. Vis enim tibi concessum omnes translatas loquutiones esse nativis obscuriores, quum translationes sæpe non minus pateant quām propriæ significations, & venustiores ac expressiores meritò habeantur. Deinde, quod coactus aliquoties repetto, proprietatem non ex rerum subiectarum natura, sed ex ipsis vocibus perperam metitis: & nullam incidere potuisse grauiorem causam particularem cur à communi significatione discedere ut affirmo, quām quod nō de re communi, sed de Sacramēto ageretur. Denique rursum pernego ullum dogma nouum fuisse in Eucharistia traditum, aut ullum fœdus institutum, sed fidei Christianæ & noui fœderis φαρισαιæ constitutam: nec te minus ineptè ista scripsisse, quām si diceres nouum aliquod testamentum fieri, quū de sigillo ei apponendo statuitur aut ipso apposito sigillo obsignatur.

Postulas etiam tibi produci exemplum alicuius fœderis vel Sacramenti à Deo vel Christo eius imperati ut credendi & cum salutis periculo agendi, etiam in vetere testamento figuris obnoxio, quod alter sonet quām ad verbum sit intelligendum, aut è vestigio non sit explicatum.

Astutè tu quidem credendi & agendi voces adieciſti ut tibi caueres. Sed quid si tu sic quoque mihi aditum ad te refellendum aperuisti? Ritus igitur in ipsis obeundis mysteriis seruandus, sicut externus est per se & à communi nihil differens

differens, ita etiam communibus vocibus explicetur oportet. Sic nudis verbis Circūcisio, Phāse, cāremonialis vniuersus cultus declarantur & prāscribuntur. Sic quoque Baptismus & a-ctio Cōnē Domini describuntur. Communia enim sunt aqua mergere vel aspergere, panem accipere, frangere, comedere, & vinum infusum bibere. Sed quod in illis ritibus credendum ipsi menti & fidei offertur, siue quā sit res Sacra-mentorum, & in quem finem prācipuē instituta sint, id crō sicut in figura proponitur, ita etiam vix aliter quām figurato dicendi genere proponitur, nempe ne signa vel inania putentur, vel pro rebus ipsis accipientur. Sic Circuncisio externa fœdus vocatur, quum tamē propriè nō sit ipsum fœdus, sed (vt eodem loco dicitur) fœderis signū sit. Ergo, inquis, ostendite ubi similiter sit dictum panē & vinum esse signa corporis & san-guinis. Quasi verò hēc lex sit perpetua vt si quod per se satis intelligitur semel tamen est quanuis citra necessitatem explicatum, semper quoque in re simili declaretur. In sacrificijs quoties addi-tur promissio expiationis peccatorum, id est nō quid agatur exterius, sed finis & usus sacrificiorum declaratio, siue quid fuerit in iis credendū toties signo tribuitur quod est rei significat̄, id est, Christi, qui unus tollit peccata mundi, qui m-sanguis hircorum & taurorum ne vt Sacramen-ta quidem emundare conscientiam unquam po-tuerint. Quid? quum ποτίσσειν dicitur nouum fœdus in sanguine (quod quidem non spectat ad id quod foris agitur, sed ad id quod per id quod agitur credendū proponitur) vt in omnes

partes te conuertas nunquam tamen cuiquam homini non insano persuaseris nativa vocum significatione seruata id esse exponendū. Et ne ab ipsis à te propositis exēplis discedamus, in hac ipsa formula, *Renasc ex aqua & spiritu nisi Metaphorā multiplice in agnoscis, reuoco te ad introitū Missæ Dominicæ quam Quasimodo vocatis.* Num tu verò arborem vitæ aut scientiæ boni & mali putas aliter quām sacramentali Metonymia appellatam? nisi fortasse vis à succo ipsius arboris, vel immortalitatis donum, vel boni & mali scientiam pependisse. Sed de istis suo loco, nec enim ignoro tam verè nihil posse dici, quin à sophistis in speciem falsi adulteretur.

An non, inquis, offendiculum eadem de re apud Capernaitas exortū Christum admonuisset, ut sermonem temperaret si aliter res haberet quam pronuntiaret?

Imò quod Capernaitas alloquens satis supérque explicarat, cur obsecro Cœnam instituens, rursum ageret? Quanuis enim illic de verbo nudo dicatur quod in Cœnæ institutione de pane & vino dicitur, tamen hactenus hæc duo conueniunt, quòd & verba & corporea elementa misteriorū signa sint, illa quidem aurium, hæc verò oculorum quoque sensui obiecta.

Comminisceris postea Christum à Paulo de Corinthiorū dissidijs interrogatū, fuisse illi expositurū si qua laterent sacramentalia ænigmata in Eucharistiæ Sacramento. Et vnde quæ so misteriū Cœnæ dices Apostolū ex aliqua speciali, reuelatione didicisse? quoniā nimirū hæc dicit se à Domino accepisse, quod etsi non tibi primum

mùm aut soli in mentē venit, tamen parùm probabiliter dicitur. Quorsum enim hoc ex Christi peculiari reuelatione percontaretur Apostolus, quod saltē ex Luca suo comite perinde atq; ex ipsius Christi ore cognoscere potuit? Quod si etiam dicamus peculiari reuelatione id illi fuisse patefactū, at certè stulte abs te dicitur tū ei patefactū fuisse quū de dissidiis Corinthiorū intellexisset. Nec enim id ait se illis tradere, sed antea tradidisse, quod antea nimirū à Domino siue reuelatione peculiari, siue (quod multò probabilius est) ex discipulorum ipsius ore aut scriptis cognouerat. Sed hoc mittamus. Quantò rectius dixerim si yestras illas monstruosissimas & fidei articulis ex diametro repugnantes chiimeras stabilire illis institutionis verbis Dominus voluisset, hoc fuisse Apostolo suo expositurū: idcirco verò nullā addidisse explicationem, quod sacramentaliter interpretanda esse, quæ de Sacramētis dicuntur, omnes non prorsus insani per se intelligent?

Vis etiā considerari à nobis ipsam nocturni téporis circumstantiā, admirabilis sanè Theologus, qui tuos aliter nocte quàm luce loqui velis. *Quia* (inquis) voluit ea nocte Dominus lucē inferre figurarum tenebris idcirco nihil fuit figuratè loquutus. Et quid est in re tā seria Ecclesiæ Dei illudere si hoc nō est? Sed, inquis, fatentur Apostoli Christum in ea nocte palā effari, & nullū prouerbiū quod nō declararet loqui. Imò hoc dicūt discipuli nō de tota, sed de extrema dūtaxat illa cōcione quę tota penè figurata est, & tunc ab Apostolis videtur parū intellecta. At, inquis, quū Apostoli nō sineret

vel minima elabi qua nō interrogarent si viderentur obscuriora, nemo hīc eum in re tanti momenti in verbis à literalisensu remotis percōtatur quicquā:nempe (ut dicunt Chrysostomus & Cyrillus) ideo nec obstuuerunt nec obmurmurarunt Apostoli ad tantum prodigium, quoniam antea corripi viderant qui ad eius promissionem obstupuissent: et rem prius sibi confirmatam meminerant quæ tum exhibebatur. Imò certè ad tam prodigiosum commentum, quo & carnis Christi veritas destruitur, & spiritualia in corporalia transformantur, & pro fide quæ est regeneratæ mentis actio, corporalis manducatio statuitur, & Christiani in Cyclopas transmutantur toti cohorruissent Apostoli. neque idcirco tantū nihil interrogarunt quod per incredulitatem obstupefactos & obmurmurantes audissent reprehendi, sed quia ex reprehensione spirituale hoc esse mysterium, nec ventris sed mentis cibum hunc esse cognouerant & crediderant. Credentibus enim hoc dictum fuisse disertè dicit Cyrus eo ipso loco quem citas. At cur credentibus, nisi quod quid illud esset antea fuerant edocti? Fides enim est ex auditu. Immerito igitur quæris unde potuerint nec prius admoniti Sacramentum institui, nec tum ita subtile Apostoli, suspicari sacramentalem esse loquitionem. Nā & prius rem ipsam fuerant edocti, quid illis esset datus Christus & Capernitarum exemplo fuerant admoniti, ne Cyclopicam οὐρανού:αγίαν animo conciperent: & Sacramentum institui res illæ ipsæ quas illis præbebat Christus ostendebant. Et ne quid hīc à me confungi clamites, ecce tibi hæc quoque Chrysostomi verba ex eadē

illa quam citas homilia octogesima quinta quæ tu astutè præteriisti.

Quomodo turbati non fuerunt, quum hoc audissent? quoniam multa iam & magna de hoc antea disseruerat.

Sed & illud omnino expendendū est quod ex eodem Chrysostomo attingis, priorem videlicet Christum ad suos confirmandos corpus suum delibasse & cepisse se quod alijs porrigeret, ne præ horrore iussum Domini de manducanda carne detrectarent. Quod igitur hic vñus ex patribus fortasse primus dixit, quæri potest an probabiliter dicitur. Nec enim in institutione Cœnæ tale quicquam exprimitur. Ex eodem tamen pane comedisse & ex eodem vino Christum bibisse ambigi non potest: neque magnopere labore post an ante consecrationem hoc fecerit. Sed illud certum est si Sacramentum hoc Christus ipse sumpsit, non propter se sed propter alios sumpsisse: *Quid igitur? Certè si (vt vult Chrysostomus) ille sumpsit Sacramentum, & transubstantiationi locus est, ille seipsum realiter & substantialiter ore ipso comederit.* Cautius loquitur Augustinus quum dicit Christum *Qy o-
d A M M O D O* seipsum suis manibus gestasse, ut mysterium à re naturali distingueret. *Quod si ille verè, reipsa substantialiter, corporaliter ore suo sine ullo tropo vel figura comedit seipsum* primus, non oportuerit, quæso, maiorem hoc horrorem incutere discipulis, quām si aliis duntaxat se vorandum & bibendum præbuisset? Neque his obstat quòd inuisibiliter id factū comminiscimini. Manet enim ipsum factum, realis inquam *συρκοφαγία*, quæ si inuisibilis erat, in alte-

rum etiam magis absurdum prodigium erat discipulos abductura, eò videlicet ut spectrum se videre & audire multò magis existimarent quām quum illum antea super mare ambularem, & post mortem secum præsentem adesse & loqui cernerent. Seipsum enim quempiam ore vorare, & tamen eodem modo integrum ac solidum & illæsum alijs itidem comedendum præbere multò magis veritati carnis repugnat quām super mare ambulare, aut post mortem repente clausis ianuis apparere. Et tu tamen Apostolos ne ad figuratas quidē loquutiones absque interprete intelligendas exercitatos fuisse vis. Quantò verò minus hæc falsissima & toti doctrinæ quam ex Christo audierant repugnantia commenta fine vlla discep-tatione mente comprehensuros fuisse existimabimus?

Car, inquis, Christus contra omnium gentium morem minus puro & syncero sermone quam solebat: Apostolis mentem suam exprompscerit?

At ego hunc omnium gentium ipsiusque adeò spiritus sancti perpetuum morem fuisse & esse dico ut ad signorum vim ostendendam, rerum significatarum nomina eis attribuantur: quod autem de minus puro & syncero sermone Christi scribis, putidam esse calumniam quæ vni tibi in mente venit.

Quæris postea, an ijs verbis caruerit quibus nunc utimur, ut intelligentiam aliam quam verba sonent substituamus.

Respondemus Christum non potuisse significantius

ficantius aut expressius de Sacramentis loqui.

An voluit, inquis, serere hereses per ambiguam testamenti interpretationem?

Nequaquam: planissima enim est & Sacramentis accommodatissima, & visitatissima formula qua Christus vsus est: nec minus monstrosa sunt vestra quam Anthropomorphitarum commenta: Nescio certe an reliquis tuis vanissimis clamoribus sit aliquid a me reponendum.

Cur nos, ait, dubitemus credere quod Christus non dubitauit afferere?

Imo, mi homo, cui persuadebis contradictionia Christum dixisse? credendum autem quod Christus docuit quinam fortius affirmant quam qui nihil nisi quod Christus nos docuit, credendum in salutis negotio dicunt?

Qui verbum est (a)is verborum significaciones ignorauit. Bella scilicet allusio, quanvis eam aliunde desumpseris. Qui veritas est, vera loqui nesciuit? minimè, ideoque vestras chimeras monstrissimas repudiamus.

Qui tot modis idolatriam vetuit, an factus caro ut nos ab idolatria liberaret, moriturus nobis idolatriæ occasionem maximam præbuerit, quum paucis verbis mutatis nos ab ea liberare potuerit?

Nequaquam profecto, ideoque vestrum crustaceum Deum ut idolorum omnium quæ unquam extiterunt maximè execrabile toto pectori oréque ipso detestamur: & vos in bestias penè transformatos credimus, qui Deū ipsum id esse creditis quo vescamini. Id autē etsi venturus præsciuit Dominus quē nihil latet, noluit tamē propterea de Sacramētis aliter quam vsus ipsorum

& natura ferat, id est, non sacramentaliter loqui.
Hæc sunt igitur in quibus clamitas à nobis aduersus Christi diuinitatem peccari, quasi quia de recta & cum articulis fidei consentiente verboru institutionis explicatione quærimus propter ea ipsius sermonem in controuersiam & dubitationem adducamus.

Denique placuit etiam tibi nos triplicis in Christum *ut hominem & virum bonum* (sic enim loqueris) admissi peccati arguere: quorum illud primùm est *fili inusta à nobis nota quod contra bonorum patrum familias prudentiā* *Testamentū non simplicioribus verbis cōdiderit, quū bonus ille Jacob, quanuis figurās, profatu prophetiæ, testamento admiscuerit, tamē de re, de qua in testamēto vaticinatur dilucidè dixerit, & clarius quam unquam antea sermonem habuerit.* Atqui, bone vir, in uno isto quod in nos hīc dicis tripliciter peccasti. Neque enim Eucharistia est ipsum testamentum Domini, sed eius *ɔ̄pazis*, vt antea quoque dixi: sicut Circuncisio nōnisi figuratè vocatur fœdus, propriè verò est fœderis signum, vt ipsemet Deus interpretatur: nisi forte eosque odio nostri abriperis, vt sigillum testamento appositum velis esse ipsas testamenti tabulas aut ipsum testamētum tabulis perscriptum. Neque dubito quin hīc sis mihi obiecturus illud *Nouum testamentū in sanguine meo, cui vicissim regeram illud, sanguis meus noui testamenti, de quibus nos suo loco. ne, tuo more, vel questiones permisceam⁹, quod facere tamen nos tua ἀπωλεσία cogit, vel principium petere videamur.* Deinde tantum abest *vt ex eo quod tuemur, efficiatur Christum obscurius*

scurius loquutum esse, vt contrà nisi nobiscum sentias, absurdissima &, quoniam sibi contradicentia, ideo falsissima ipsum enuntiasse oportuerit, vt tu ipse longè maioris sceleris reus meritò deprehēdaris, quām illud sit quod falsò nobis impingis. Denique quis tuus hic pudor est? deligis pro testamenti ullo figurato dicendi genere carentis exemplo illud Iacobi testamentū, in quo penè vno plura, quām in reliquis totis historicis libris omnium troporū & figurarum exempla deprehenduntur, adeò vt in eo explicando nunc quoque noui interpretes linguarum cognitione instructiores quām illi ex veteribus Græcis aut Latinis, desident. Et ne longius abeamus, illas ipsas voces in quibus planius quām vñquam loquutum illum, temerè profectò scribis, nempe illud, opinor, *Non auferetur sceptrū ex Iuda,* &c. libenter ex te velim intelligere quomodo interpretari tam planè possis, vt quicunque in eo loco explicando laborarunt stolidi, quasi nodum in scirpo quæsiuisse videantur.

Alterum nostrum peccatum esse vis, quod ius illud testamentarium inuiolabile corrumpamus, & quidem non cuiusvis sed Filij Dei, cuius testamentis ipsas etiam singulares voces expendere iubeat Apostolus, admonens scriptum esse semini eius non seminibus: quod nostrum horrendum scelus miris postea modis exaggeras. Et certè si quid tale vel cogitare ausi essemus, nulla nostro sceleri pœna par reperiretur. Sed dic, quæso, qui in testamensi scripto ne literulam quidem immutat, sed de verborum quibus testator usus est, sententia

c. j.

contendit, idque totum & ex præcedentibus, & ex consequentibus, & ex clarissimis alijs ipsius voluntatis testimonijs, adeoque ex ipsa rerum de quibus agitur natura, postulat ut dijudicetur, num meritò istorum scelerum accusabitur: an is potius qui accusationem talem instituerit, in manifesta calumnia deprehendetur? Dicam autem etiam aliquid amplius. Testamentum illud in quo iubet illam vocem Apostolus obseruari itane fuit planè & perspicuè conceptum & explicatum? Quere hoc saltem ex Hieronymo qui locū illum sic exagit, ut Paulū etiam videatur nolle ab omni sophistices culpa vindicare: cui tamē cur in hoc ut in multis alijs nō assentiar alibi vbi oportuit nō dissimulaui. Quid si etiā regerain nos in institutionis Eucharistiæ vera explicatione quærēda sequi Apostoli vestigia? Nā ille quid seminis appellatione intelligatur, in his verbis, *Ego tibi Deus, & semini tuo eruit ex altero loco, Et in semine tuo benedicentur omnes gentes*, quod inficiari non potes. Qua igitur in re peccamus, si huius quoq; institutionis verborū sentētiā ex cohærentibus eiusdem authoris spiritus sancti scriptorum locis petendā docemus? Aut igitur nos absolute: aut quod aliter faciamus quam Paulus ostende: aut nobiscū quoque Paulum coargue, ut ab omnibus pijs coarguaris.

Tertium demique longè maximū nostrum est peccatum (inquis) quod sentiamus nihil noni Ecclesiæ legatum à Christo & eius testamento nobis derelictū, quam panis aridi frustulum, & vini pauxillum in sui memoriam.

Imò verò vos ij estis qui panem verè aridum
quotannis,

quotannis, & quidem tantum semel, laicis vestrīs administratis, excepto ipsis calice: in eo manifesti præstigiatores, quod illis persuasisti panem id non esse quod omnes sensus panem esse renuntiāt, ut eius loco inuisibilem carnem quæ nihil sit minus quam caro, id est Marcionis phantasma statueretis: & quotidie vestram miseram & famelicam plebeculam inani solo spectaculo pascitis. At eos qua tandem ratione ista criminatio reos tenebit qui veri illius corporis & sanguinis *nouriar* in Cœna sanciri profiteretur? Sed, inquis quodcumque spirituale per Cœnam nos assequi iactatis, per alia iam donata à Christo & Deo, nos & Patres nostri etiam sub lege assequebamur, & quotidie sine Cœna per Euangeliū auditionē & mētis ac fidei elevationem in Deum assequimur, ut vos inculcatis. Dicis sanè aliquid non tamē omnia, ut suo loco ostendemus. Sed quod hinc vis effici, inutilem videlicet à nobis reddi Eucharistiā nisi per eam aliquid penitus nouum & prorsus aliud quam Verbo & cæteris omnibus Sacramētis nos assequi tecum dicamus, id ego pernengo. Quid enim prohibet quominus res prorsus eadem dissimilitamen ratione & impari efficacia præbeat? Illud quidem certè non inficiaberis, efficaciam Christi eandem nobis in Baptismo & in verbo offerri. Num propterea inutilis est vel nudi verbi auditio Baptismo succedēs ut in adultis, vel hic illi præcens ut in infantibus? Iustificatus est gratuito fœdere Abrahā in præputio, an propterea inanis fuit Circūcisio, an potius fuit illius gratuitæ iustitiae fidei *σφαγία*? Cornelius Messiā in vetere fœdere amplexus quem

venisse nesciebat , ideoque iustus etiam adhuc incircuncisus , an frustra audiuit Petrum ei annuntiantem illum ipsum venisse quem adhuc venturum sperabat? Nam *Venisse & venturum esse* duos Christos non constituunt. Quid? illapso iam Spiritu in Cornelium , an frustra baptisatus est? Si perrexero & ex te quæsiuero , num superuacanea sit Eucharistia baptisatis & fidei iam iustificatis , excipies sat scio , idcirco vanam non esse quoniam ipsa carnis Christi manducatio ad illam spiritualem duntaxat eius energiæ ac beneficiorum perceptionem accedat , quod non rectè abs te dici alio loco declarabitur. Sed ut ita esse tibi largiar , dic , quæso , si inutile est Sacramentum nisi aliquid nouum afferat : quid attinet Cœnam Domini repetere? an quòd existimes Christi quoque carnem ut corruptibilem cibum effluere? Denique negamus ineptam istam consequutionem , nihil eos arbitrari tradi in Eucharistia , qui doceat verbo nudo & Sacramentis tum veteribus tum nouis , rem prorsus eādem (Christum videlicet) nobis per fidē spiritualiter participandum dari. Deinde respondeo non temerè vocari nouum fœdus quod veteri fœderi successerit , sítque eo præstantius: neque noua meritò præ veteribus dici. neque suam cuique Sacramento formam nouam , qua à reliquis discernitur , adesse inficiamur. Idē tuus est pudor in citādo August. loco aduersus eos qui Christi vocē non audiunt: quasi verò nos potius hoc præcipue principiū aduersum vos nō tueamur , standum nobis esse in vno Christi per Prophetas & Apostolos prodito verbo: vel quasi nos

nos ab Ecclesia profugerimus, ac non potius ex Cyclopum antro in Ecclesiam Dei nos receperimus.



A D C A P V T VI.

Finem institutionis Eucharistiae non efficere ut ~~in p̄ntr̄~~
in eius explicatione sit seruandum.

IC ostendere conaris finem institutionis Cœnæ postulare ut proprietate ~~in p̄ntr̄~~
penitus seruata, realē carnis Christi situm in Eucharistia statuamus, & quadruplicem hunc finem statuis, commendationem charitatis Christi, memoriam eorum quæ nostri causa fecit, remissionem peccatorum in rerum oblaturum perceptione positam, intimam denique nostri cū Christo coniunctionem. Concedimus hæc omnia, sed ita ut quod ultimo loco statuis, nos primariū ac præcipuum esse, cæteraque antecedere dicamus. prius enim ordine causarum oportere nos ipsum possidere quām ex ipso quæ in ipso nobis communicātur hauriamus, & prius inesse oportet in memoriarum penū reconditum quod recordando deponitur: prius denique percipi beneficium, quām de eo percepto gratiæ agantur. Deinde per res oblatas nequaquam ut vos (quod tu versutè significatum voluisti) alteram Christi carnis recipia Patri factam oblationem (id est detestandum illud vestrum pro viuis & mortuis sacrificium) sed ipsummet Christum sese nobis magis ac magis in hoc mysterio insinuantem intelligimus. Hæc igitur probamus totoque pe-

Cap. 5. AD REPET. SAINCT.

& tunc amplectimur. Sed quod realem illā tuam
præsentiam inde statuis, absit ut tibi conceda-
mus. Neq; enim huius actionis finis est, ut mem-
bra caput suum quasi in terris adhuc situm quæ-
rant aut manib; complectantur: multò minus
ut ore deuorent, sed ut potius fide ad illum
supra cælos condescendant. Caput enim in cæ-
lis est, membra verò in terris, & cibus iste
non est ventris sed mentis, ut scitè inquit Au-
gustinus. Nostrum, inquam, πολιτεία est in cæ-
lis, quanvis adhuc in terris corpore versemur.
Audiamus tamen quid dicas, *Quum*, inquis,
fide credimus Christum adsistere Sacramento quod
sumimus, mirum in modū flamma diuina dilectionis
cor nostrum accedit, & Christi passi memoriam dul-
cius recolimus, & illic in cælis apud Patrem regnan-
tem adoramus, & hīc in terris manere apud nos non
ambigimus, & gloriāmūr nullam esse tam grandem
gentem, quæ deos habeat appropinquantes sibi, sicut
Deus noster adest nobis. Hæc quoque omnia com-
probamus, modò carnalia cum spiritualibus nō
confundātur, & totus Christus à toto Christi cōtra
Eutychetis dogma discernatur. *An nescimus,*
inquis, *quod Iohannes in Cœna prefatur, Patrē omnia*
illi dedisse in manus, ut nihil sit ei impossibile. Imò
pbcè hoc scimus, Dei beneficio, neq; quicquam
quod vult Filius, ei impossibile ducimus, quū sit
Deus omnipotēs quatenus Deus, & nomine acce-
perit supra omne nomen quatenus est homo.
Sed negamus eū velle aut etiā posse velle cōtra-
dicētia, quoniā mentiri nō potest: neq; propter
ea omnipotens esse desinit. Dicimus hoc quoq;
sententiam articulis fidei & omnibus scripturis
consentaneam

consentaneam quam tuemur, verè videlicet nos
Spiritus sancti omnipotentia & fidei organo
Christum ipsum participare, multò plus omni-
potentiæ Christi tribuere quām vestram, qui
fieri id non posse nisi reali corporum contactu
somniatis. *An ita Christi osores sumus*, inquis, *ut*
corpoream eius presentiam abhorreamus? Nequa-
quam verò, sed eum querimus & inuenimus ubi
est, iam cum eo per spem sedentes in cælestibus
non autem quærentes viuum inter mortuos, &
hac per fidem spirituali præsentia Christi sic cō-
tenti sumus, quandiu à Domino peregrinamur,
ut ad eum sursum magis ac magis contendamus.
Deniq; in Eucharistia mortē eius profitemur
donec veniat. An non igitur quod nobis expro-
bras, vos potius estis sermonis Christi corrup-
tores qui præsentem eam carnem in terris esse
dicitis, quam vltimo demum die venturam è
cælis credunt Christiani?

Sed & istud cuiusmodi tandem est? *pugnant*, in-
quis, *fortius milites præsente duce, sic prælianturn* ani-
mosius Christiani si præsentem suum ducem habue-
rint, *secundumque esse usque ad consummationem secu-*
li crediderint, non solum spirituali præsentia sed etiā
corporea, qua homo ipsis in Sacramento præsto est.

Illud verò nos concedimus, & decertamus
ut in oculis nostri agonothet nos è cælo & qua-
tenus Deus & quatenus homo est intuētis, sicuti
sese non deorsum sed sursum Stephano & Saulo
etiam visibiliter patefecit, nec hominem à Deo
separamus, etiamsi secundum humanitatē eum
ibi demum esse credimus, vnde venturus est. Ne-
mo enim eò loci dicitur venturus ubi iam est pre-
c. iij.

sens. Istud verò corporeæ tuæ præsentia spe-
ctrum idcirco abhorremus quoniam dixit Chri-
stus. *Expedit vobis ut ego abeam:* & testatur A-
postolus nos à Christo abesse peregrinantes, i-
deoque ad eum suspirare.

*Nihil, inquis, sublimius hoc Sacramento potuit
Ecclesia à Deo suscipere, non modo propter substantię
mutationem quæ in eo fit, & alia dona quæ ab eo ca-
pit, sed quod in unum corpus cum suo pastore redigi-
tur non tantum spiritu, quod recta fides & sincera
charitas consequitur, sed ut simus membra corporis
eius ex carne eius & ossibus eius,*

De substantia .i. ipsius panis & vini in ipsum
corpus, & ipsum sanguinem Christi transmuta-
tione quod nugaris, quam idoneis argumentis
probes postea viderimns. Nos autem non modò
Christi beneficia tum nobis imputata tum intra
nos collata consequi, sed imprimis Christum i-
psum nostrum fieri oportere, quis vñquam no-
strum est inficiatus? & magnum illud esse con-
iunctionis Ecclesiæ & Christi arcanum dicenti
disertè Apostolo quis nostrum non assentitur?
Sint igitur hæc diuersa, modò nunquam sint de-
iuncta: & corporis quidem sit munus verbum
externū audire & symbola terrena sumere:men-
tis autem fidelis opus ipsa Christi apprehensio
& omnium quæ in eo sunt ad nostram salutem
comparata. Denique noris hoc semel oportet,
non hoc esse argumentari, sed conuihari, quod
refutationem nullam meretur. Sic autem uno
verbo respondemus. Neque ipsius Sacramen-
ti, id est, carnis Christi veritatem, neque finem
cuius causa est tota hæc actio instituta (spiritua-
lem

Iē videlicet Christij ipsius ad æternā obtinēdam vitam adēptionem) magis posse cum vestra reali& corporali corporis Christi in hoc Sacramēto in terris præsentia , quām mendacium cum veritate, & lucem cum tenebris cohærcere.



AD CAP V T VII.

Non posse ex institutionis textu, & figura veteris Agni probari verba institutionis absque tropo villo esse accipienda.

DR OMITTIS hoc capite excussio-
nem institutionis textus, quem tu sāne
verè succutis & excutis , vt ex re ipsa
apparebit. Commendas Euangelistarum miram in circumstantijs designandis diligē-
tiam mira cum verborum breuitatē , & rerum
ac misteriorū copia, quasi videlicet ea de re am-
bigatur, aut Spiritus sancti scripta collaudatio-
nibus tuis egeant. Hinc exorsus dicis tria tu-
m fuisse à Christo instituta & inchoata, nouum pascha,
nouum testamentum & nouum Euangeli regnum,
quorum unumquodque figurarū nebulas depellit ne
in eorū institutione figurās substitutas somniernus. At
tu quæso, annon somniabas quum hæc ipsa figu-
ratè enuntiates? Nam Paschæ nomen neq; Chri-
sto neque his mysterijs aliter quām figuratè tri-
buere possis. Sed ad rem. Si per nouum Pascha
intelligis nouum ritum , tu videris cur tunc in-
choatum tam ambiguè dicas. Nec enim suspicio-
vana est vsum esse te hac voce, vt quę postea illis
mysterijs à vestris pontificibus adiecta sunt &
quotidie adiiciūtur , adijcere licuisse significes

quasi tum videlicet Christus inchoarit quæ vobis perficienda relinqueret. Deinde tum institutum & inchoatum fuisse nouum testamentum nunquam tibi concessero ob eas causas, quas aliquoties repetij. Postremò quòd in figurarum vocabulo ludis, qua conscientia nobiscum agas ostendis. Si figuræ appellas ea quibus venturus Christus adumbratus est, annon ad vos id propriè pertinet, qui maximam rituum vestrorum partem ex Iudaismo hausistis? Sin verò sic vocas Sacra menta, tú ne audebis negare veteribus Sacramentis noua successisse, & quidem re paria, vt testatur Augustinus, quanuis faciliora, pauciora, felicia? Sin (quod potius arbitror) quas Grammatici figuræ, & quos tropos appellant sic intelligis, quis te vsque adeò impudenter mētientem ferat? Sed audiamus cætera,

Euangelista, inquis, his verbis Ante diem festū Paschæ. ostendit causam institutionis fuisse Christi erga nos charitatem immensam, cuius potentia quoq; amplificat. Temporis denique circumstantiam attingit, veteris Cœnæ ac paschatis adimptionem.

Atqui ne de istis quidem inter nos quæritur. Quod si hinc colligis retinendum τὸ πντὸν in institutionis verbis, quis te sic argumentantem non deriserit? Saltem verò quid sit *Abire ad Patrem* expendisses, vt eum qui secundum carnem à nobis abiit, quærere secundum carnem inter nos desineres. Quod autem subiçis de loco, id est, de cœnaculo illo superiore, vbi Apostoli liturgiā celebrarint & vnde virgo Maria mortua sit asportata, quorsum quæso à te dicitur? quem etiam miramur non adiecisse fuisse istam dilecti discipuli

discipuli domū vt ex Papis fortassis Eusebius, & ex hoc alij postea, ne verisimiliter quidē descripserunt. Sed ista, mi homo, quorsum nisi vt tibi indulgeres? Ais etiam lotionē pedum à Christo adhibitā ante Eucharistiæ confectionē, vt docceamur non esse ad illam illota cōscientia accedendum. Et hoc rursum quorsum abs te proferatur? allegoricum profectò & præter Christi institutum. Dicis postea consentientibus nobis Christum triplicem Cœnam peregisse, typicam quam stando & calceis non detractis festinanter iuxta legis præscriptum manducarit cum Apostolis: alteram communem quum mensæ accubuisse, in qua poculum libatorium propinavit, à qua surrexit vt suorum discipulorum pèdes lauaret: tertiam mysticam à duabus alijs prorsus differentem & alienam. Sunto sanè vera hæc omnia, quorum te velim meminisse, vt in his quæ subiiciis manifestè calumniæ conuictus tenearis.

Iam ad insignem stultiā tuam accedo. Cogor, inquis, duabus de Christifac̄to opinionibus occurrere, antequam progrediamur.

Imò tu nondum controversiæ nostræ vel limen ingressus es. Et quæso, quid te hīc coegit hanc quæstionem non mouere modò, sed etiam tam verbosè & quidem cum maledicentiatanta persequi, An cū cæteris Iudæis, an verò post vel ante alias Iudæos Christus Pascha celebrarit? Nam siue illud siue istud verum sit, non magis hoc pertinet ad id de quo inter nos quæritur, (sítne videlicet nativa singularum institutionis Eucharistiæ vocū significatio retinenda, an verò sacramentali metonymia mysterium explican-

Cap.7. AD REPET. SAINCT.

dum) quām si vestri Antichristi principatum ex eo colligeres quōd Christus sit natus in Bethlehem.

Quid ergo te impulit ut in hanc questionē vlt̄rō te ipsum dares? ambitio nimirum & nostri odium, quibus ducibus fretus non potuisti non à verō aberrare. Age igitur, quandoquidem tu nos cogis ab instituto tecum digredi, quid hoc rei sit videamus.

Cūda (inquis) placet, Pascha Iudaicum nō fuisse à Christo celebratum, quod tardius venerit quam ut ab ipso posset agnus immolari & apparari. Caluino contrā & Bezæ placet Christum uno die anteuertisse Iudeos, qui Pascha eo anno in quintamdecimam lunam procastinarunt. quoniam coincideret Sabbathū magnum, & ex traditione habebant ut duo festa in unum diem conferrent, quoties unum alteri succederet, quam sententiam scio Nicephorum, Munsterū Osiandrum & alios nō indoctos sequi. Verāne an falsa sit non pugno, tantum nego ex Evangelistis liqueare quod uno die Iudeos anteuiererit.

Dic igitui sodes, cur tantos de hac re clamores excitas quæ vera an falsa sit non pugnas? Dic & istud cur Caluinum & Bezam, quos illius sententiæ non authores, sed ab alijs acceptæ approbatores duntaxat esse confiteris, hac occasione arrepta ut arrogantes, ut imperitos, ut impudentes ut stultos accusandos tibi putaris: annon ut egregij istius commenti obtrusione magnam aliquam ingenij & iudicij singularis famam aucuperaris? At vide ne tibi tam facile hæc larua detrahatur, quām tu temerè illa personatus in hæc scenam, omissa de Cœna Domini controuersia, prodiisti

prodiisti. Prioris illius sententiæ quòd Christus Iudaicum Pascha non celebrarit, authorem edis ad libri tui marginem, poliphemum illum Vilaguanonem, quem quum non in hac re modò, sed in alijs plurimis insanientem vltrò fouveritis vos boni Parisienses Doctores, vt & ipsum Postellum adhuc fouetis, vt nobis malediceret, tu videris qua nunc ratione mortuum exagites. Hoc quidem ego testari possum, nisi fortius oppugnetur illa ipsius opinio quām facias, non facile illius adstipulatores, inter quos aiunt esse quēdam Benedictum vestrum sodalem & illius familiarem, tibi hac in re cessuros. Sed illum insanum vestrum alumnum omittamus. Causam Caluini & meam nunc ago quandoquidem illā tu nostram esse vis.

Pugnant, inquis, Christum Pascha Iudaicū cum patremfamilias celebrasse, & uno dei anticipasse Paschatis apud Iudeos celebritatem. quis enim credat patremfamilias contra morem gentis traditionibus addictissime Christo acquieuisse?

Respondeo nō vrgere nos quod ais de patremfamilias, quia neque tale quicquā narrant Euangelistæ, neque id necessarium fuit. Sed vt ita esse demus, cur non potius ex verbis Euangelistarū contrarium colligerimus? Apparet enim ad notum quempiam, & qui Christum valde reuersetur millos suisse discipulos: Is vtrò quum contra interdictum Synagogæ cuius fit méto Ioan. 9.22. non vereretur Christum domum admittere, cuius etiam illa hebdomade ante quam caperetur quanta fuerit authoritas ex historia liquet, cur non meritò credatur Christo hac in re quo-

que libéter obsequutus? Nec certè frustra Christus hoc illi inter cætera dici iussit. Tempus meū prope est.

Putant etiam, inquis, Christum defunctum fuisse agni paschalis officio stando antequam cœnaculum ascenderet: & tamen de eodem agno dici, desiderio desiderauit hoc pascha edere vobiscum antequam patiar, quod dictum ab illo fuit postquam discubuerunt in cœnaculo.

Respondeo totū istud Antequam in cœnaculum ascenderet, à te esse excogitatum, ac proinde te in manifesta falsitate deprehendi. Deinde ineptè hīc à te statui repugnantiam quæ nulla ēst. Quid enim obstat quominus illa vox, Desiderio desiderauit, &c. etiam ad Cœnam typicam recens peractā tam commodè referatur, quām ad peragendā aut quæ co ipso momento perageretur? Postremò quum fatearis triplicem Cœnam à Christo peractam, aut nobis assentiaris oportet, aut ostendas accubuisse Iudæos quū agnum comedenter. Quod autē adiicis mirari te quinā Iudaicas traditiones agnoscamus, mandato Dei expresso contrarias, nullas tamen Christianorum, etiam scripturis concordes, admittamus rursum abs te cōfingitur. Tantūm enim abest ut hanc Iudeorum traditionem approbemus, vt contrā meritò à Christo neglectam tueamur. Tu verò, sycophanta, perinde nobiscum agis ac si Iudæos quidem excusaremus, Christi autem Filij Dei factum reprehenderemus. Deinde ubi tandem inuenies ullam Ecclesiasticā traditionem Dei verbo accommodatam & Ecclesiæ Dei utilem à nobis reprehensam?

Pugnant itidem, inquis à Christo Pascha Iudai-
cum cum patrefamilias fuisse perfectum quartadeci-
maluna, priusquam in cœnaculū sui ministerij causa
secederet: & eundem Christum iam profunda nocte
cum solis suis duodecim accumbentem inter duas ve-
speras Iudæorum pascha fecisse, quod utrumque do-
cet Caluinus, & perinde est acsi diceret Christum bis
agnō paschali operam dedisse.

At tu demonstres oportet ubi illud prius scri-
pserit Caluinus. Ad posterius quod attinet ma-
nifestè corrumpis Caluini verba Matth. 26.10.
Nec enim profunda iam nocte, sed primo ve-
spere Pascha celebrasse Christum tradit, vespere-
ras duas statuens cum Iudæorum doctissimis.
Nam Christū quoque vix probabile fuerit pro-
funda iam nocte in hortum extra urbē exiuisse.

Itaque quod ineptè quoque Caluinum ais,
duas vesperas decimæ quartæ lunæ definitiisse à Solis
occasu eiusdem diei ad primam lucem consequentis.
quasi prior vespera à Solis occasu eiusdē diei usque
ad obscuram noctem produceretur, & posterior cum
Solis subsequentis ortu coniungeretur, ut inter duas
vesperas probet Christum vacasse agno immolando
& manducando: nihil autem fingi posse stultius quam
vesperas decimi quarti diei quas occasus Solis exclu-
dit nocti decimi quinti attribuere, hoc inquam im-
pudentiam rursum tuam prodit, quum hac de-
re ne verbum quidem apud Caluinū extet. Ita-
que non ego Caluini errorem studui commendare
qui nusquā est, sed hīc rursum tuam extremam
impudentiam patefaciam oportet. Nec enim
scripsi ego Christū quartadecima luna celebras-
se pascha, quod cōtra legē fecisset, sed Mattheū

Cap. 7. AD REPET. SAINCT.

dixi decimum quartum diem vocare primum Azymorum diem ex Romanorū more , qui noctem præcedenti diei accensent , quum alioqui ab occasu decimiquarti diei , ex lege & more Iudæorum , qui noctem subsequenti dici annumerant , numerandus esset primus Azymorum dies , nempe decimus quintus . En quo nos iure (bone vir) vt arrogantes , impudentes , imperitos , ineptos , stultos appelles . Quid tu verò doctissime Domine Doctor hac de re arbitraris ?

Nihil verò , inquis , tot argutij opus est , quum adiō Christi prorsus cum lege conueniat . Ergo nobiscum hactenus tu quoque ineptis . Quid enim aliud diximus ? Immolabatur , inquis , agnus quarta decima luna mensis primi ad vesperam , id est , usq ; ad vesperā quæ ingruebat nocti decime quartæ , qua tota nocte licebat agnum edere , ita ut celeritas agni paschalis diem decimum quartum & noctem decimi quinti occuparet : sed illam ad immolationem , hanc verò ad esum .

Imò verò Moses agens de immolatione siue præparatione ipsius agni , iubet id fieri non ad vesperam sed inter duas vespertas , edi vero vespere : quorum locorum collatio ostendit nō totam diem sed postremam partem , nempe à nona ad duodecimam exactā horam siue ad occasum Solis immolationi & præparationi datam fuisse , esui verò horam primam noctis , à quadecimus quintus dies , qui primus erat Azymorum incipiebat : & ita intelligendum esse illud Inter duas vespertas potius quàm de crepusculo vespertino & plena nocte didici non tam ex Kimhi quàm ex collatione loci Exod . 29,39. de iugis sacrificio

crificio inter duas vesperas peragendo, cum loco
 Actor. 3.1. ubi horam nonam (tertiam videlicet
 ante occasum) vocat horam precationis , quod
 eo tempore accēsis lucernis fieret suffitus Exod.
 59. 57, foris stante populo Luc. 1.10. Itaque tri-
 pliciter hīc peccas , nempe quod quartam diei
 partem pro toto die accipias, & in vespere; pro
 usq; ad vesperam interpreteris , nec quid sit illud
Inter duas vesperas , intelligas. Et quod aiste ex
 Rabinis & Iosepho intellexisse de duplice vespere
 festorum, imperitè vel abs te dicitur, vel ab
 illis traditur. Neque enim ista formula *Inter duas*
vesperas fuit duorum festorum propria , sed sin-
 gulis diebus communis, vt appareat nō modo ex
 tempore quod erat iugi sacrificio quotidiano
 destinatum, sed etiam ex loco Exod. 16. 12. ex
 quo & illud liquere potest, tempus illud diei fe-
 ré fuisse apparatu cœnæ & cœnationi , quotidianæ (sicut & apud nos) destinatum. Sed tibi
 homini acutissimo non fit verisimile tribus
 horis potuisse trecenta millia agnorum immo-
 lati, & eorū viscera adoleti, quot ferè in Paschæ
 festo solita fuisse mactari scribit Iosephus. Atqui
 (vt tibi concedā in templo à Leuitis solitos fuisse
 agnos singulares paschæ iugulari, quod fortassis
 non ita facil è euiceris) vt tantūm tria millia Le-
 uitarum fuerint (fuisse autem sāpē illos multo
 plures ex historiis sacrī liquet) quid obstat quo
 minus tribus horis singuli iugulare centū agnos
 & interanea decerpere altarique imponere po-
 tuerint? consumi autē tribus horis illa minimē
 necesse fuit. Viden' igitur quantō sit facilius ho-
 minibus arrogantibus & odio percitis alienare

d. j.

prehendere, quām sua defendere? Sed quid hoc
rei eīt quæſo? vt nostram imperitiam , arrogan-
tiā, stultitiam patefaceres, tibi necesse fuit non
tantū Christum ostendere secundum legem
Pascha celebrasse , qua de re fruſtrā disputasti
quum in eo minimē diſſentiamus, ſed ostendere
quā inām ſit falſum quod diximus, Iudæos videli-
cet non decima quinta die, vt oportuit, ſed de-
cima ſexta nocte deīnum ex traditione, Pascha
eo anno celebrasse : quod vt eludas contendis,
quod etiam amplecti videtur Stapulensis, quōd
dicuntur Iudæi non ingressi prætorium ne con-
ta minarentur , ſed vt manducarent pascha , de
Azymis panibus dictum: & totos etiam illos ſep-
tem dies Paschæ quoq; nomine appellari cōſue-
tū fuſſe. Hoc posterius tibi cōcedo , illud prorsus
nego, vel consueuisse Israelitas alio tēpore quām
nocte decimum quintū diem inchoante Pascha
manducare. At enim, inqui , Lucas ſic explicat .
Inquit enim, Appropinquabat ſdies festus Azymorū
qui dicitur Pascha. Imò hoc testimonio iugularis.
Nec enim ſeptem illi dies erant festi, ſed primus
duntaxat & vltimus: neque ipsos Azymos panes,
vel eorum eſum vocat Lucas Pascha, niſi forte
ſic ineptis vt illos quoque velis immolari con-
ſueuisse: Nam ſubiicit Lucas, Aduenit autem dies
Azymorū primus in quo oportebat maſtari Pascha.
Primum autem diem Azymorum illīc vocari
decimum quartum diem, quum tamen Azyma-
les illidies à nocte decimi quinti inciperent: idq;
idcirco fieri quōd nox quadam vulgi conſuetu-
dine antecedenti diei non conſequenti (vt fa-
ctu m oportuit) accenſeretur, num tu inficiari au-
ſis?

sis? Certè ut arbitror, ut qui ita etiam ineptias ut
 celebritati Paschæ diem decimum quartum &
 noctem decimi quinti tribuas, quod esse falsissi-
 mum vel illud arguit quòd die primo Azymo-
 rum erat conuocatio sancta, erant autem Azy-
 morum dies omnino septem. Quod si septem
 illos dies ab ipso decimo quarto numeres, ter-
 minaretur festum vicesimo die mensis Nisan.
 At contrà ultimum diem Paschæ quo & ipso sa-
 cra erat cōuocatio terminat die vicesima prima
 Moses Exod.12.18. & quidem ad vesperam, à qua
 videlicet incipiebat dies 22. mensis Nisan, ex
 Iudæorum more. Sed quid ad hæc Ioannis ver-
 ba respondes, *parasceue autē erat Paschæ hora quasi sexta?* nempe ita es impudens ut illic quoque nō
 agnum, sed Azymos panes velis significari, adeò
 ut me in hoc quoque reprehendas quòd malue-
 trim apud Matthæū vertere, *Scitis intra duos dies Pascha fore.* quām cum vetere interprete, *Scitis quia post biduum Paschafiet.* Quasi verò inter esse
 & fieri, aliquid hoc loco intersit: & ipse Marcus
 14. 1. non scribat ἦν τὸ πάσχα μετὰ δύο ἡμέρας, erat
 autem pascha duobus post diebus: & quasi non o-
 ptimo iure barbarū illud quia vitarim: quasi de-
 niq; res ipsa non ostendat, Latinè dici post biduum
 fieri quod tertio demum post die eueniat, quum
 hīc de ipso altero die mox consequente agatur,
 ut omnino vel intra duos dies, vel biduo post, non
 autem post biduum conuertere hoc loco oportue-
 rit, quemadmodum illud μετὰ τρεῖς ἡμέρας, quum
 de Christi resurrectione agitur, non post tres dies,
 sed tribus post diebus interpretandum esse docui.
 Sed ad rem. Dic tu nobis censor acerrime, cur
 d. ij.

non dixit ibi Iohannes simpliciter *parasceue*, vel
parasceue Sabbathi? nempe quia non de septimo
vulgati Sabbatho, sed de magno & extraordina-
rio Sabbatho, die videlicet Azymorum primo
agebatur. Nam de totis illis septem diebus id in-
telligi non posse ex eo liquet, quod etiamsi in-
gressu in prætorium fuissent contaminati, nō du-
rasset tamen totis septem diebus immundities:
neque nomen ~~parasceue~~ aliò quam ad præpara-
tionem agni & diei festum respicit, in quo de-
mum ab omni seruili opere abstinendū erat. At
prius parari quam edi pascha oportuit. Quoto
autem die fuit hæc parasceue? nempe quinto de-
cimo, quo crucifixus fuit Dominus. Efficitur
ergo quo die passus est Dominus Iudæos agnum
apparasse, quem ea demum nocte quæ decimam
sextam inchoabat comederint, ac proinde ex
traditione proculdubio, festum diem in proximè
cohærens Sabbathum (sicut & vos in vestris ve-
stra autoritate introductis festis factitatis) trā-
stulisse. Aut igitur Christus Pascha non celebra-
uit omnino, aut uno die (quod nos defendimus)
non traditionem Iudaicam, quæ irritum facie-
bat Dei mandatum, sed legem, cui se propter
nos subiecit, sequutus, uno die integro Iudæos
anteuererit. Et sanè si hoc Sabbathum ordinariū
erat, ac non potius (ut vestro quodam Iudaismo
loquimini) festum duplex, cur magnum voca-
tum esset? & cui persuaseris passuros fuisse Iu-
dæos iudicium fieri, & sumi supplicium tam (ut
ita loquar) exolum die primo, grandi illo festo
Azymorum, si eum, id est, decimum quintum ex
lege celebrassent, quum ne corpora quidem eo
die

die remanere in cruce sustineant, nō modò quia lex in genere vetabat, sed imprimis propter sabbathi illius magni diē? Restat ergo falsum esse ex Euagelista non liquere quod uno die Iudaos Christus anteuenterit. Hinc autē disputationē quū his verbis concludis, Ne renocemus in dubium de quo ut opinor, nemo antiquorum Patrum dubitauit, An Christus Iudaorum Pascha cum suis discipulis tanquam paterfamilias fecerit tempore & ritu legitimo, cui post expletas de more epulas communium ciborū sacrosanctæ Eucharistiae institutionem subiecit, prodid rursum quod usque te odium nostri, vel pseudoepiscopatus ambitio abduxerit: qui postquam nos dixisti multa arroganter, ineptè, stultè, imperitè, repugnanter de Paschate Iudaico dixisse, tandem id ipsum concludis quod nos sentimus, nempe Christum neglecta mēritō traditione Rabinica, hīc quoque ut in cæteris præscriptam cui se se vtrō nostri causa subiecit, legē seruasse. Sed agè tecum tandem expatiati tandem domū redeamus. Subiicis hīc demum, vt te ipsum videlicet vendites, verbosam collationem & analogiam agni paschaloris cum sacra domini Cœna ex Caluino & aliis nostris penè ad verbum descriptam, in qua vtrō tibi, sicuti par est, assentior. Addis postea frustra iugulatum fuisse agnū à Patribus nisi etiam fuisse comesus, imò idcirco iugulatum fuisse vt comedetur, quod & ipsum extra controversiam est. Ergo, inquis, ad impletandam figurā, sicut non satis fuit occidi Christum spiritualiter, sed corporaliter debuit vitam profundere, sic etiam non satis est ipsum spiritua iter, sed etiam corporaliter oportet manducari. Et ut ho x̄nigma in-
d. iiij.

terpreteris, subiicis. Christus occisus est ab origine mundi fide tenus & spiritu, nec ea occisio potuit agnus Iudaici explere veritatē, nisi reipsa agnus ille fuisset occisus. Itidem manducatus fuit ab origine mundi, sed fide tenus ac spiritu & multò minus talis manducatio potuit exhibere agni Iudaici veritatē, quam spiritalis occisio quandoquidem ratio agni paschalis non propriè consistit in mactatione agni, sed in esu quadā cærenomia prescripto, Hæc tua verè, mihi quidem ænigmatica experiar an planius possim explicare. Tu videris an à me satis sint percepta. Duplex esse mihi videtur tuum argumentum, & quod posteriore loco statuis fuisse priore collocandū. Esse autem arbitror eiusmodi. Non satis fuit Patribus fide & spiritu occisum esse Christum, sed eū corporaliter & reipsa quoq; occidi oportuit. Ergo non satis etiam fuit manducari spiritualiter Christum sed corporaliter quoque edi. Itaq; in agno paschali reipsa quoque & corporaliter agnus tum occidebatur tum manducabatur. At qui si spiritualis seu fidei esus ille Christi reipsa & corporaliter tandem venturi & occidendi, nō satis fuit Patribus ad salutem, sed corporaliter illum quoque comedи semper oportuit: aut Patres nunc quoque beatæ vitæ sedibus excluseris aut ostendas oportet ubi & quo tandem tempore corporaliter quoque Christum manducarint. Quod si corporaliter quoque non manducarunt sed tantum spiritualiter, & tamen (quandoquidem tandem id factum esse velis) seruati sunt: nempe falsa fuerit, quod ad illos attinet, illa quam ponis manducationis corporalis necessitas, quæ si illis non fuit necessaria: cur nobis potius fuerit

rit, ut grauius sit nostrum quam illorum iugum? Res autem ita se habet, Quanvis nondum reipsa existeret Christi caro in sese, erat tamen fidei Patrum præsentissima, quod fides esset illis rerum etiam quæ nondum extabant hypostasis, sicuti mors Christi quæ iam præteriit, nostæ quoque fidei præsens est: sed vana tamè & mendax fuisset Patrum tuum ante legem tum sub lege fides & spes in veterum & passurum Christum, nisi reipsa corporaliter tadem Christus venisset & passus esset. Corporalis autem manducatio & perceptio inde statui nec potest nec debet, quia ut corporaliter & reipsa extare tandem oportuerit fidei obiectum, & reipsa ac corporaliter præstari pœnas quas alioqui corporaliter ac reipsa lui à Patribus ipsis necesse fuisset: tamen non efficitur corporalem esse quoque oportuisse illius obiecti apprehensionem & perceptionem cui significandæ nomen manducationis tum demum inditum est quum Sacraenta manducabilia instituta sunt: ex quo etiam illud colligendum est manducationem propriè quidem signis rei autem significatæ translatitiæ conuenire. Ratio est, quia manducatio est propriè corporis actio non animi, & huius unius vitæ usi accommodata: Christi autem ipsius perceptio, quum ad spiritualem & æternam vitam spectet, spiritu quoque & animo, fide denique fiat oportet, quæ tamen fides, sensibus quoque corporeis per Sacramentorum obiecta commotis, ad energiam excitatur. Alterū autem tuum argumentum sic accipio. Corporaliter & reipsa occidebatur & comedebatur agnus tipicus, adeò quidē ut potissimæ essent

d. iiij.

esus partes, ut poteretur cuius causa instituta erat immolatio. Ergo ut figuræ respondeat veritas, sicut oportuit verum agnum corporaliter quoque & re ipsa occidi, sic oportet quoque à nobis corporaliter & re ipsa comedи, quamobrem etiam Paulus quum dixisset Christum Pascha nostrum immolatum esse, addit επτάζων, id est, solenni ritu epulemur in Azymis synceritatis. Ego vero concedo sicut agni typici, sic quoque agni veri corporalem ac realem mortem esse oportuisse. Concedo & illud carnem Christi crucifixam non magis prodesse nisi verè à nobis sumatur, quam prodest famelico cibus optimè preparatus, quo tamen non vescatur, Sed quod tu analogiam eò usque virges ut corporalem quoque modum istius sumptuonis esse velis, sicut copotali modo typicus agnus edebatur, id ego, ob eam causam quam ante retuli, pernego. Nec enim ut sua signis ac figuris veritas constet, hæc inter se per omnia sed haec tenus comparanda sunt quatenus fert eius consilium & voluntas à quo signa & figuræ instituuntur: & quatenus tum signorum tum rerum significatarum natura patitur. Locum autem Pauli ineptissimè ad paschatis & Eucharistiae epulum detorques, quanvis eò alluserit. Epulum enim ad quod nos adhortatur, vniuersæ vitæ Christianæ cursus est, id quod ex Azymorum allegoria apparet. Itaque ex hoc quoque Pauli loco statuitur quod illam tuam consequitionē aperte conuelli, nempe in ipso Eucharistiae solenni ritu nō alia ratione à nobis Christū quam tota nostra vita, syncera nimis fide sese per opera bona exerente comedì.

Disputas postea multis verbis aduersus eos, qui ut figuræ respondeat veritas tempus etiam vrgēt, ideoque contendunt sicut agni caro post mætationē demum apposita est, sic Christi carnem non debuisse nisi post passionem apponi. Quod enim rursus per obscurè tuo more scripsisti, sic planius scripsisse. Respondes inter cætera: *in agno typico antecessisse mortem, quoniam ei communis caro nisi mortua nequiuuit ab homine: nos autem credimus & edimus carnem Christi viuam & viuificatricē, cui mors tantum sit dominata quandiu voluit.* Fateris ergo hactenus vrgendam analogiam istorum tituum cum re significata, quatenus rei significatæ natura & finis ipse institutionis patitur. Rursum igitur nobis hoc responsum pari ratione suggeris, agnum figuram corporali modo fuisse (ore videlicet) comesum, quia communis caro nisi ore comedì ab homine non potest: nos autem credere & edere viuam & viuificatricem carnē Christi non in istam animalem, sed in æternam vitam ac spiritualem, ideoque fidei esum hunc esse non oris, neque véntris sed mentis cibum. Istud verò de quo disputas, ad nos quidem nihil pertinet. Instituis rursum verbosam Cœnæ dominicæ & esus agni paschalis collationem, ex Caluino & nostris maxima ex parte desumptā ideoque minimè à nobis repetendam. Sed quod inde colligis, age expendamus. Si spiritualiter tantum, inquis, & perfidem Christus percipitur in Eucharistia Cœna, neque loquutio qua instituitur Eucharistia, alia est quam Sacramentalis & eadem qua dicitur agnus esse pascha, Christus operam perdidit. Benè est sanè quod conditionem & quidem du-

plicem apposuisti, sed vereor ut tuo more id facias siue inficitia, siue improbitate. Nam si tibi illud *Spiritualiter*, & *per fidem* idem declarat atq;
Sola energia & *efficacitate*, aut *imaginatione quadam*,
exclusa ipsius Christi communicatione, nobis iniuriam facis. Nam istud *Spiritualiter* non ad id
quod percipitur (ipsū enim Christū totū oportere nostrum fieri dicimus, quoniā neq; diuisus,
neque sibi non insitos nos seruaret) sed tum ad
ipsum perceptionis instrumentum (nempe, quod
ad Deum attinet) ad *Spiritus sancti* potentiam:
& (quod ad nos spectat) ad fidē, animi habitum
gratis nobis datum: tum ad ipsum perceptionis
modum, atque adeò ad totum hoc mysterium
minimè imaginarium quanuis merè spirituale,
referimus. Deinde si comparationem harū duarum
formularum *Hoc* siue *Hic panis est corpus
meum* &, *agnus est pascha* perinde interpretaris
ac si panem illum non aliter esse corpus Domini
diceremus quam agnus fuerit pascha, syco-
phantam agis. Citari enim à nobis hoc exemplū
non ignoras ut idem in utroque dicendi genus
esse probemus, non quod sententiam utriusque
parem, ac multò minus eandem esse arbitremur.
Agnus enim dicitur esse Pascha, id est, trāsilatio,
ut & panis corpus sacramentali metonymia: sed
non consequitur Pascha idem valere atq; Cor-
pus traditum pro nobis. Postremo nesi verum
quidem esset quod aīs, consequeretur quod tu
contendis, nisi putas operam iussisse Deum, quū
figuras figuris ad eundem penitus scopum colli-
mantibus cumularet: aut quum eadem iisdem
aut aliquantulum variatis verbis inculcauit tar-
dis

dis diseipulis. Sed age probationem istius paradoxi audiamus. Si sic est, inquis, nec rerum nec verborum figuræ desierunt, nec noui testamenti ut noui regni Christus in Cœna initium fecit. Mira certè narras, mi homo. Si vis rerum figuræ desijssse Christi aduentu, id est, sic exhibita regni cœlestis mysteria ut nullis iam figuris tectū sed prorsus nudum mysterium nostrę salutis nobis exhibeatur, tolle igitur ex Christiana religione Sacra menta, nec Baptismus saltem succederit Circuncisioni, nec amplius Deum per ænigma cognoscamus, sed sicuti est aspiciamus. Et quorsum vos igitur pro duobus Sacramentis tot adiunxitis Sacra menta, & Sacramentis tot sacramentalia quæ vocatis, de quarum rerum figurata significatio ne garrire nunquam desinitis? Iam verò quod ad verborum figuræ attinet, si sublatas illas esse vis, expungas sanè omnium Euangelistarum & Apostolorum scripta necesse est. De initio autem noui testamenti & noui regni quod ab Eucharistiæ institutione ducis, quod toties dixi iterum dico, nimiùm esse te hoc in delirio inceptū ac importunum. Nam siue promulgationem ipsam primam Euangelij, seu noui fœderis respiciamus, extra quod nemo vñquam seruatus est, ad primam Euangelicam promissionem mox peccatum subsequutam, ac deinceps ad promissionem Abrahamo factam retrocedendum est, vt facit Apostolus ad Galatas de vtrōque testamēto disserēs: siue ipsam realem Christi exhibitionē, & corū præstationem per quæ reconciliatio facta est, spectemus, à Christi cōceptione exordium facere oportet: sin ad com-

pletionem mysterij salutis nostræ, ad resurrectionem venire oportet, quo tempore demum se à Patre potestatem accepisse Christus ipse testatur, quod tamen plenissimè per assumptionem in cælos ad dextrā Patris re ipsa completū in ipso fuit, & in nobis ultimo demum die complebitur. Quid igitur, inquires? an non hoc est nouum illud testamentum in sanguine ipsius? nempe quod ad nouam eius fœderis σφαγῆδος institutionem, non quod ad ipsius fœderis initium ac præstationem attinet. qua de re ut tandem aliquando tibi liqueat, Age Apostoli vestigia, deinde Sorbonicam ipsam doctrinā sequamur. Negare nō potes quin Circuncisio fœderi appensa, Apostolo authore sit iustitiae fidei sigillū, quæ contigit Abrahamo, in præputio. Vos quoque Scholastici quum veteribus cæteris Sacramentis omnem gratiæ collationem detrahatis, Circuncisioni tamen idem in genere atque Baptismo tribuitis. At Circuncisio, quum fœdus illud gratuitæ salutis per Christum venturum imò etiam eius effectum, id est, iustificationem in Abrahamo non præcesserit, sed aliquot post annis sequuta sit, certè fœdus ipsum nō inchoauit, sed Apostolo teste obsignauit: ideoque sic fœdus vocatur, ut addatur idcirco fœdus vocari quia sit fœderis signaculum. Quātò minus verò Baptismus tot post annis Circuncisionis loco introductus, ipsum fœdus inchoauit? Quod si velis noui fœderis exhibitionem à Baptismo inchoatam quò videtur Ieremias cap. 31 responxisse, ergo Cœna Domini 34. post annis sequuta, non fuerit Noui testamenti initium. Quod enim

nim nonnulli vestrūm Baptismi institutionem primam referunt ad missionem postremam Apostolorum , ne refutatione quidem indiget. Et ne obiicias in infantibus saltē fœdus inchoari à Baptismo ne id quidem ego concessero. Aio enim idcirco baptisari sanctorum liberos quod sint in patrum fœdere ex hac formula comprehensi , Ero Deus tuus ac seminis tui : nec minus vos ineptè facere dico quum Iudæorum aut Turcarum infantes insciis , aut non postulantibus parentibus temerè baptisatis , quām si puræ chartæ sigillum apponeretis. Audiamus cæterā.

Quid alioqui Eucharistia affert aut præ se fert quo Cœnam typicam excellat sive quo ad rem sive quo ad sermonem? Certè Christus significantius & expressius per agnū assum& eius sanguinem postibus illitū representabatur quām per panē aridum aut vivum purū: & spiritualiter pro mensura fidei tā participabatur Christi caro in mandatione agni, quām pro eadem mensura participatur spiritualiter in Eucharistia. Et sermo Christi in sua Cœna idem esse ab aduersarijs defenditur, atque is quo agni Iudaici Cœna comprehenditur, quoniam in re utraque aiunt parem esse loquitionem,

Respondeo tibi verbis ab Augustino sæpe, quod tu non ignoras, inculcatis , re paria videlicet fuisse veterū Sacra menta cum nostris, id est, rem eandem eodem perceptionis modo, quāvis sub diuersis figuris sacramentaliter, id est, minimè vanè aut inaniter significasse , sed pari nequaquam mensura & effectu ; nisi quidem per nos steterit. Nostra enim sunt multò significantiora & efficaciora , qua de re suo loco pleniū

Cap.7. AD REPET. SAINCT.

differam, ut omnes intelligent quām falso dicas
expressius significatam Christi participationem
in Iudaica Cœna quām in Christianorum Eu-
charistia. In summa dico insultam esse hanc con-
sequutionem, Res eadem in typica & Domini
Cœna datur eodem modo nempe spiritali, &
pro mensura fidei participanda, ergo nihil am-
plius datur in Eucharistia quām in Iudaica Cœ-
na. Nam & hoc paucis dico quod postea ple-
nius, vbi ad discrimen istorum Sacramentorum
ventum erit, Deo fauente, explicabo. Res eadem
tradi impari in se se ratione potest. Plus enim est
rem ipsam existentem tradere, quām ius in rem
nondum existentem quanuis certò futuram tri-
buere, etiamsi interea fructus ex ea re percipias,
quam iure tantūm non ipso factō posseideas: &
idem instrumentum quanuis in genere similiter
motum, tamen non pari semper motu mouetur,
ac proinde non pariter semper agit. Quod ad i-
psum autem dicendi genus attinet, quid obstat
quominus de rebus etiam diuersissimis, nedum
κτι τὸ πλέον ἡ τὸ θηλον duntaxat imparibus, eadem
dicendi formula differam? Inanes autem illos
clamores quos in reliqua huius capitinis parte
profundis, ut id de quo minimè ambigitur, id est
Eucharistiæ dignitatem ostendas, cur tandem
repetierim? per me igitur ad rauim usque voci-
fereris licet.



AD CAP VT VIII.

Neque ex verbis Christi quibus Eucharistia instituitur,
neque ex inchoatione ac proprietate Noui testamenti
euinci retinendum nō p̄t in institutionis Eucharistiae
explicatione.

VSCEPISTI in primis hoc capite demonstrandum quām multis modis contextum institutionis Eucharistiæ in Latina translatione corruperimus.

Primam nostram depravationem in eo ponis, quod verba ἀλατεῖν & ἀλογεῖν ex verbis transituis reddiderimus absoluta. Vnde verò de verbo ἀλογεῖν istud coniicis? Num enim illi aliquem casum in Eucharistiæ verbis expressum ademimus? num aliter quām tu ipse verbum hoc conuertimus? Nam tua hæc est interpretatio, Cœnantibus illis accepit Jesus panem, & benedixit (sive gratias egit) ac fregit deditque &c. Alteram autem partem sic tu ipse conuertis. Accipiens calicem gratias egit & dedit illis, &c. Quis tuus igitur hic pudor est, quum per tuam interpretationem nobis liceat ipsum benedicendi verbum ex priore parte expungere (quod tamen minimè fecimus) & tu ipse in posteriore expunxeris: quum denique illud tu quoque nullo addito casu expresseris, audere nos tamen accusare quod illud ex transituo absolutū reddiderimus? Quod si non de ipsa huius vocis in Latinum sermonem conuersione, sed de explicatione conquereris, fateor quidem à nobis vestrum illud magicum consecrationis commentum damnari, sed ut di-

Cap.8. AD REPET. SAINCT.

iudicetur an propterea benedictionem ac consecrationem aboleamus , perinde acsi benedictio sacramentalis à communi & vulgata gratiarum actione nihil differret, æquum est ut quum tu sis actor , ego verò reus, ex meis potius quam ex tuis scriptis statuatur. Mea verò hæc totidem verba sunt in illū locū Pauli 1.Cor.10,16. τὸ ποτή-
ειν ὁ ἀλογοῦμεν. Luto ἀλογεῖν idem hic declarare atque infinitis locis veteris testamenti ψ̄p, id est, ἀγιά-
ζειν καὶ θρησκευτεῖν i.e. sanctificare & consecrare, quia ni-
mirum recitata & exposita Dei ordinatione , panis
& vinum huic usui sacro destinantur, ut sint veri &
naturalis corporis & sanguinis Christi Sacra menta,
id est, symbola & tesserae , & ita quidem ut id quod
significatur , verè nobis spiritualiter per fidem parti-
cipandum offeratur. Hæc mea verba sunt ex qui-
bus cōstare iam arbitror quo pudore nobis im-
pudentiam & mendacium attribuas. Iam verò
quod ad verbum ἀλογεῖν attinet, annō tu quo-
que conuertis per Gratias egit? Ergo absolutè
non transitiuē. Nec te pudet id ipsum nobis ob-
iicere , quod agas, & quidem vel inuitus? Nec e-
nim aliter conuertit etiam vester Canon , in al-
terius partis consecratione. Nos verò etsi Euan-
gelistas sequuti ἀλογεῖν & ἀχαιεῖν pro eodem
sumimus , tamen sic explicari à nobis hanc gra-
tiarum actionem ut à vulgata & communi cibo-
rum sanctificatione discernatur, & ipsam sacra-
mentalem consecrationem includat , quæ cum
peculiari Dei collaudatione sit coniuncta: à no-
bis denique probari illam Oecumenij explica-
tionem ἀλογοῦμεν , id est, ὁ ἀλογοῦμεν καταστά-
ζειν, ut benedicere idem valeat atque cum gra-
tiarum

tatum actione ad sacramentalem vsum præparare, ne tu quidē nisi impudēter inficiari potes.

Alterum hoc in nobis reprehendis quòd pronomen *Hoc* interpretemur *Hunc panem, omnium vt inquis, nostrarum fallaciarū fundamentū. Quintetiā ais, sic à nobis Lutheranorū oculos quasi cornicū configi.* Isti certè quos Lutheranos vocas, panem vestro more nusquam ex Domini Cœna excludent, etiamsi de huius pronominis vi à nobis discrepant. Tibi itaq; cum illis non minus quam nobiscum certamen est. Sed tu libens nimirum, vt tuam illam non sanè bellam transsubstancial Helenam serues, nostris, vt olim Troiani Agamemnonis & Achillis, dissidijs delectaris, quæ te spes (vt spero) tandem fallet. Ad nos autē quod attinet, quoniam te alibi probaturū polliceris neque textum ita habere (quod vltro confitemur.) nec pati scripturas vt ita habere possit, quum dictū potius à te oportuerit. Ut ita explicari possit, age nos in eum locum istam disputationem differamus.

Audiamus iam grande & inexpiable Bezæ facinus, qui τὸ τὸ αἷμα με vertit, Hoc est sanguis meus, quoniam Lucas τὸ ποτήριον nomen ipsi pronomini τὸν adiunctum expressit. Quid tu vero contra? Si, inquis, apud Lucam τὸν demonstrat ποτήριον sine poculum cui affigitur, quare non demonstrabit αἷμα sine sanguinem, cui similiter annexitur? Atqui mi acerrime censor, ne si quidem meam versionem seu interpretationem sequaris, præ iudicium attuleris identicæ quam mox statui, enuntiationi. Nec enim adieci apud Matthæum aut Marcum poculi nomen, quia mihi summa

religio fuit contextū vlo modo violare. Istaverō si tuo sensu accipiantur, annon idē valent *Hoc.i.* *Hac res, est sanguis me⁹, & Hic est, vel Ecce sanguis meu⁹?* Sed heus tu bone vir, cur hīc non valeat quod tute ātea dixisti, Euāgelista videlicet mutuas inter se operas tradidisse? Quod autē factū negabas in Eucharistiae institutionis verbis qua-
si per se penitus perspicuis, ecce falsum hīc esse conuincitur. Prospiciens enim Spiritus sanctus fore vt ambigeretur non tā ab hominibus quām à stipitibus, quid per pronomen $\tau\bar{\nu}\tau\bar{o}$ demonstra-
retur (quauis id satis non penitus insanis lique-
ret ex eo quod dixerat Christum videlicet po-
culum manibus suis accepisse) ipsum antecedēs
 $\pi\bar{\nu}\tau\bar{e}i\bar{o}r$ expressit. Affers hanc alteram quoque in
me rationem. *Quum Moses dicens $\tau\bar{\nu}\tau\bar{o}$ τὸ αἷμα
τῆς διαθήκης Hic est sanguis testamenti, nihil aliud
voluerit indicare, quām sanguinem ipsum, qui tamen
hyssopo ceu vasculo continebatur, cur eodem prorsus
stilo utens Christus, existimabitur vasculum aliquod
præter sanguinem indicasse?* Agnosco Illyrici illius
infelicis memorię discipulum, fortassis à vobis
quoque ad turbandas Ecclesias conducti: & si-
mul agnosco iustū in te excēcando diuinū iu-
diciū. Obscro enim, si pares sunt istæ formulæ,
ea quidē quam tu vis ratione: & Moses nihil nisi
illum ipsum sanguinem in hyssopo contentum
demonstravit, quid etiam demonstrauerit Do-
minus? nempe sanguinem solum suum, in calice
cōtentū. Ergo plurimū à Mose dissentit Chri-
stus. Nam ille duntaxat signum, Christus rem
ipsam significatam duntaxat expresserit. At cur
ille quidem rem significatam (illum videlicet
Christi

Christi fundendum sanguinem , vt author epistolæ ad Hebræos ostēdit,id est, illud ipsum quo fœdus sanciebatur , & quò respicere Israelitas oportuit) sciens præterierit : Christus verò signi quod eo ipso tempore instituebat , nullam fecerit mentionem? Res autem ita habet. Nec Moses nec Christus signum aut rem significatā prætermisit. Nam ille sanguinem fœderis nominans , sacramentum à re communi discernit , & quanuis obscurè (vt sub lege) tamen satis innuit hunc sanguinem quem fundebat , esse alterius nō communis fundendi Sacramentum , quum sanguis ipse taurorum & hircorum conciliare homines Deo nunquam potuerit : Christus verò tum signum demonstrat pronomine τὸν , tum rem Sacramenti quū illi sanguinis sui nomen attribuit. Inter Mosis verò dictum & Christi verba illud interest , quòd apud illum vnum sanguis signum est alterius : in Christi verò sententia vnum est sanguinis Sacramentum. Cæterum tertiam quoque rationem profers eiusmodi : *Poculum*, inquis, pro vase aut vini potionē non potest esse nouū Testamentum, neque tessera noui Testamenti quod exigit sanguinē Filij Dei. Ideoque non aliud quam ipsem sanguis designatur per poculum. Respondeo quod vas ipsum dicis neque nouum Testamentum esse, neque tesseram noui testamenti, in eo me tibi assentiri. Quis enim hoc vñquam dixit aut dixerit? sed quod inde concludis planè inferior , nempe nihil hīc præter ipsum sanguinem demonstrari. Etenim si nullum signum hīc est neque rei significatæ ἀνάλογον , nullum est Sacramentum. Quòd si signum hīc aliquod esse

dixeris, quæram nimirum cur nulla sit eius à Christo facta mentio. Denique scito non deesse editum istic exemplar, ac etiam manu scriptum Cypriani apud quem Epist. 63. totidem verbis legatur. *Hoc est sanguis meus*, quomodo vertenda esse græca illa contendō.

Accedo ad tertium accusationis tuæ caput longe grauissimum, nempe quod in his Lucæ verbis, τὸ πολὺ εἷς οὐκέτι καθίστηται τῷ αἰματί μου τὸ ἄρδενόντες, an si sim eum solœcissimi accusare, quasi dictum oportuerit τῷ ἄρδενόντες : & contra omnium exemplarium fidem conueterim. *Hoc poculum est nouum testamentum in sanguine meo qui pro vobis effunditur,*

At ego rursum quæro qua conscientia hæc in me scripseris. Fateor me ita (vt tu dicas) conuertisse, sed an textum ipsum Lucæ corrupi, ac non potius testatus τῷ ἄρδενόντες in omnibus nostris exemplaribus scribi, & , allatis meis coniecturis, omnia lectori salua & integra reliqui? Hoc cíneverò est agere quod librorum corruptores solent? Quid si protulisse codicis cuiusdam manuscripti mei Græcolatini lectiōnem, adeò vetusti, vt ipsius Irenæi fuisse videri possit? Est autem in monasterio quod Irenæi dicitur Lugduni repertum, in quo totum istud quod apud Lucam de poculo dicitur posteriore loco, non inuenitur. Tibi ne verò impium aut blasphemū nō videtur dicere in Luca esse solœcophanes aliquod, quū Hebraicè potius quam Græcè sacri illi scriptores sæpe loquantur? Oblitusne es illā duram Hieronymi vocē, Paulus solœcismos loquitur? Atqui meæ coniecturæ eò inclinant,

inclinant, ut potius quam solœcophanes sit à
 Luca admissum, vel hanc particulam τὸν ὄμοιον
 ἵκχωρεμον ex alijs Euangelistis insertam esse in
 Lucæ contextum contendam, vel casum pérpe-
 ram à librarijs, quanvis consentiant exemplaria,
 mutatum. Illius coniecturæ hanc rationem ha-
 bui, quod apud Paulum, qui probabiliter puta-
 tur hunc ex Luca locum totum desuipuisse,
 illa particula tota omittitur: quæ ratio ma-
 ximi est momenti, quanvis à te negligatur. Cur
 enim Apostolus hoc præteriisset? & vel vñica
 oratio Dominica qualis in veteribus codicibus
 apud Lucam legebatur, ostendit multa ex E-
 uangeliis fuisse (nulla tamen sensus iniuria)
 interiecta, quæ probabile tamen est ex albo li-
 bri in ipsum contextum irrepsisse. Adieci alte-
 rius scripturæ nempe τῷ ἵκχωρεμῷ testem locu-
 pletissimum Basiliū cui τὸν δικαῖον attribuuntur,
 qua in re quum me dicis aut falli, aut impuden-
 tissimè fallere, audeo multò verius dicere, te po-
 tius omnem pudorem exuisse. Non enim inquis,
 Basiliū sic afferit legi in Euangeliō, sed textus E-
 uangelici textum explanat. Audi accerrime cen-
 sor, Aio te vel Basiliū locum non inspexisse (ex-
 stat autem in Ethicis ὅφε κα.) vel omnium homi-
 num in hac mei criminacione impudentiam su-
 perare, quum in toto illo libello, exceptis quæ-
 stionibus ad quas singulis definitionibus ex me-
 ro Dei verbo respondeatur, ne vocula quidem
 nedum explicatio aliqua ipsius Basiliū, vel scri-
 ptoris illius, quicunque tandem fuerit, inuenia-
 tur. Negas? librum saltem inspice ut te tui pu-
 deat. Cur verò sit solœcophanes si recepta lectio

seruetur, idcirco dixi, quod *τὸ πόλεμον* siue pro ipso vase, siue pro vino intus contento dici non possit pro nobis effusum. *Imo*, inquis, *poculum effusum pro nobis denotat sanguinem qui in poculo pro nobis effunditur*. Saltem vero potius infusum dixisses. Quin enim hoc dicatur de illo ipso sanguine pro nobis in cruce fusso, ambigia sanis hominibus non potest, a te fortasse potest: qui tot locis & momentis creari sanguinem propriè acceptum censes, quot locis illa vestra sacra peragit. Nam sic quoque Cyprianum de veracissimo corpore Christi verbum Creadi fateor usurpare, sed sensu a tua transsubstantiatione mult diverso. Sed dic, quæso, bona fide, si iam tum in illo poculo ipsam et illius sanguinis materia & substantia continebatur; certè intra venas ipsius Christi non erat. Bis itaque fuerit effusus, ac proinde bis passus Christus, semel in institutione Eucharistiae, ac denuò postridie in cruce: & hic certè infusum potius quam effusum dicere debuisti. Denique ponamus id verissimum esse quod tu ais, potio, inquam, illa fuerit ille ipse sanguis. Igitur pro *Hoc poculum substituamus*, *Hic sanguis est nouum testamentum in sanguine meo?* nisi vis fortasse repetitum esse antecedens pro referente pronomine, ex Hebræorum idiotismo. Et rursus quid ineptius est quam Testamentum propriè & sine tropo dici velle testatoris sanguinem, aut id quo fœdus sanciatur? Nec enim ignoras Hieronymo in Epistolam ad Galat. magis placere pacti seu fœderis nomen.

Accedis postea ad vocem ipsam *τὸ πόλεμον*, quam ineptè dicis a Calvinio & a me pro vasculo ac-

cipi, ut inducenda metonymie rimam inueniamus, & trāsubstantiationem magis ineptam reddamus, quasi vasculum afferamus in sanguinem conuerti: quum tamen nemo nesciat τὸ ποτήριον Græcè, & poculū Latinè, tam potum complecti quam vasculum, quam obrem etiam Paulus & Lucas ne erraremus, addūt. Quod pro vobis effunditur, sicut etiam Iohann. 18, II, eadem vox accipitur.

Atqui (quod obiter hīc dictum sit) rursus hīc te ostendis codicem non inspexisse. Neque enim apud Paulum istud postremū inuenies. Sed hoc est duntaxat ἀμαρτητικὰ μηνύματα. Ad rem autem ipsam quod attinet, non ita certè ineptimus vt tu somnias. Nusquam enim diximus τὸ ποτήριον hīc accipi pro vasculo per se. Sed hoc diximus & dicimus, cogi vos ad alterutrum istorū duorum, nempe vel transsubstantiatum ipsum poculum dicere, vel per metonymiam continēs pro contento accipere. Nam vt in omnes partes te conuertas, & omnes Grammaticos consulas, nunquam probaueris τὸ ποτήριον Græcè, siue poculum Latinè (quæ nomina sunt πεπικτηρά) rem contentam propriè significare. Nec rursum unquam euades extremæ peruicaciæ crimen, si cōtenderis potionem poculo contentam, quæcumque tandem illa sit, vel fœdus ipsum, vel confœderationis actum, vt ita loquar, declarare. Si hoc non agnoscis, age, nega etiam Solem meridie nondum exortum.

Postremò, inquis, Beza contra morem suum abstinuit ab exprimendis articulis ne cogeretur fateri quòd ex emphasi & excellentia denotata, verū Christi corpus, & verus sanguis demonstretur. Quasi e, iiiij.

verò aliud in hoc mysterio corpus, quām illud ipsum traditū pro nobis, aut aliū sanguinē quām illum ipsum pro nobis effusum ponere mihi vñquam in mentem venerit. Sed tu nimirum excludi putas à nobis quicquid eo loco non est situm vbi nos versamur. Sed quod ad articulos attinet, si illos non expressissē flagitium est, quis est potius quām vestri Canonis interpres accusandus? Quanquam hīc rursum in manifesta calumnia deprehenderis. Sum enim interpretatus ~~in rebus~~ Nouum illud testamentum, vt tu ipse alibi agnoscis, nempe vt à vetere nouum istud apposito articulo Euangelistam distingue-re voluisse ostenderem, quod cur in corporis vel sanguinis vocibus facerem causam nullam iustum habui, vt iampridē improbo illi Illyrico respondi, ex quo mirum est excerpere te istas rācidas calumnias, quām culpa carere maluisse.

Et haec tenus, inquis, de corruptelis illatis Euangelistarum textui, &c. At tu (si placet) nunc audi quæ tibi sic obiiciam vt illa negare nullo modo possis. Dico igitur vestri illius Canonis authorem, à cuius syllabis pendere miseras tot hominum mentes iubetis, hæc addidisse Euangelistarum textui & literæ in priore parte, Eleuatis oculis in cœlum ad te Deum Patrem suum omnipotentē. Et iterum duorum istorum,

Gratias agens benedixit *Et*

ex hoc omnes. *In altera verò parte,*

Hunc præclarum calicem in sanctas ac venerabiles manus suas.

& æterni testamenti mysterium fidei.

vt taceam de vocabulo μοδ, id est, Meus in Mei conuetsa

conuersa qua de re vester Bielus valde laborans tandem in hanc vocem erumpit, *Magis videatur, inquit, quod forma præfata verborum quam seruat Ecclesia, fuit forma tradita à Domino, quam alia posita in Euangelijs, quæ postscripta sunt & narrata secundum diuersitatem traditionum & translationum: NEQVE IPSI EVANGELISTÆ IN FORMA CONVENIVNT.* Aut igitur (boni magistri nostri) istum ut hæreticum damna te, aut nos nihil istorum ausos absoluere, aut tantam in singulis voculis vim verborū vrgere, aut denique tantum per omnia Euangelistarum in verbis institutionis consensum (nā alioqui summam in re ipsa consentiēt esse minimè dubitamus) iactare desinere.

Postea polliceris te de verborum significatiōne & re ipsa dicturū ac imprimis quæreris quid detur. Si consulas, inquis, sensus externos, non poterunt aliud respondere, quam dedisse Christum discipulis suis panem & vinum: Sed ncn est actio muta, & declarauit Christus disertis verbis mentem suam his verbis, accipite, edite, *Hoc est corpus meū, quod pro vobis datur.* Idem probas postea à communi hominū de verborū significatione iudicio, & scripturarum communi loquendi usu, & Christi apud Ioannem facto promisso de carne sua in esum præbenda.

Quorsum autem aut aduersum quos ista? nempe aduersus eos qui verum & vnicum illud Christi corpus negarent nobis in Cœna tradi, ex quo numero quum tu ipse Caluinum expungas, vt qui minimè ferat eos qui dicāt figuram tantum corporis à Christo nobis in Cœna dari, tū quidem certè præuaricaris *Verum,* inquis, nec dici-

tur, Hæc est efficacia sola, aut fructus, aut quid aliud corporis mei, ut valeat Caluini opinio. Quasi verò centies millies hoc non sit à nobis inculcatum, causarum ordine prius oportere nos cum ipso Christo vnum fieri, siue Christum ipsum participare, quām ex ipso quæ ipsi ut subiecto insunt, id est, omnia ad salutem necessaria, hauriamus. Tu verò sicut Sophistam decuit, quæstiones permisces. Aliud enim est quærere. Quid detur, quām quomodo detur: item quod datur, quo obiecto percipiendum detur. Dari nobis reuera verum illud corpus traditum pro nobis, Christo id afferenti planè credimus, sed dari quomodo panis & vinum res naturales & reipsa situ loci præsentes (nimirum in manus) consueuerunt, aut ore corporis percipi, id verò inficiamur Id enim merè spirituali cælestique modo fieri, & mentis non ventris opus esse illam perceptionē dicimus. Negamus etiam idcirco nos Christo vel per verbum simplex, vel per Sacraimenta incorporari, ut realiter corporum substantiæ se se mutuò coniungentes, non mysticum sed monstruosissimum corpus reale conflent, sed ut vitæ succum cum cæteris donis ex Christo hauriamus. De his igitur quæstionibus controuersis, non de illa prima (de qua quantum intelligere, possum inter nos conuenit) laborare te oportuit. Falsum est ergo, vna saltem ex parte quod dicis, primam inter nos esse controuersiam quodnam suum corpus Christus à se tradi intellexerit, & in qua re ipsum nobis porrexerit. Nā etiamsi dicimus corpus non nisi sacramentali metonymia de pane illo dici, ac proinde id quod in manus datur quum

quum dicitur corpus non esse illud ipsum reale corpus, sed ipsius duntaxat realis corporis Sacramentum: tamen non consequitur ita nos insanire, ut plura corpora Christo tribuamus. Quod si unicum est Christi corpus, ut certè est, cuius amentia quæso fuerit, quod Christi corpus nobis in Cœna detur disceptare? per illa quoque in qua re si signorum duntaxat externorum adhibitionē, & per verbum porrigidispiritualem ipsam præbitionem intelligis, rursum tibi assentimur. Si vero externam in manus vel in os traditionem corporis intra ipsa signa contenti sic significas, hac in re planè à te dissentimus.

Subiicis quadruplici significacione legi Christi corpus in scripturis: primum pro corpore naturali nato de Maria virgine: deinde pro corpore mystico sive fidelium cœtu: tertio pro veritate Euangeli antiquis umbris respondentे. Adde quartum, inquis, si placet, pro qualitate & proprietate corporis Domini: aut gratia & merito ab eodē corpore effluente, quæ significatio licet naturalis corporis significacione includatur, attamen eam per me liceat distinguerе. Eo sensu Apostolus negat iam cognosci Christum secundum carnem: eodem plerisque videtur apud Joannem commendari cibus & esus carnis Dominicæ.

Inīò plenius multò & enucleatus corporis appellationem distinguinuīs. Nam corpus illud naturale interdum declarat totam humanam naturam à verbo assumptam: interdum alteram tantum eius partem, corpoream videlicet ab anima distinctam: interdum etiam huius corporis partis alteram scorsum à sanguine, cogita-

tione seiunctam, quæ significaciones etiam Carnis voci tribuuntur. Est autem nominatim obseruanda vltima illa significatio ad, refellendum vestræ concomitantia commentum, quo sacramentum illud ingens, creptam videlicet populo alteram Eucharistiæ partem, obtegere consuevit. Sed & in ea significatione quam quartam constituis plurimum peccas. Primum in eo quod qualitatem & proprietatem corporis Domini eandem facis, dcinde quod hæc eadem esse vis atque gratiam & meritum ex Christi carne effluens, itemque quod utrunque hanc significationem dicis naturali corporis acceptione includi. Nam quod ad primum istorum attinet, si indefinitè qualitas corporis naturalis est eiusdem proprietas, efficietur mutatione qualitatis corpus exuere corporis naturam, quum sua proprietate quemque natura constituatur. Neque hoc temerè dico. Nam hoc tuum figmentum eò spectat, ut corpus illud naturale doceas corpus esse non desinere, etiam si proprietas corporis, id est, loci circumscrip^tio ei adimitatur: quod etiam illum Pauli locum detorques, quod Christum amplius non cognouerimus secundū carnem. At nos qualitates accidentales, tū naturales & inseparabiles tū per peccatum (peccato tamē excepto) inuectas à proprietatib⁹ distinguimus. Illas enim in Christo nostro capite per Resurrectionem & Assensionem in statum infinitè excellentiore communatas, alteras proorsus abolitas, istas in æternū retentas dicimus. Deinde qua tandem ratione, quæ so, gratiam & merita & quæ ex ipso Christo dona haurimus. cum illa siue proprietate siue qualitate

litate cōfuderis? & rursum à eūsa m̄ loqueris quū corpus naturale dicas hēc intra se includere, quū tamen existimes hēc posse absque ipsius corporis perceptione percipi, sicut in non negas plerisq; videri accipiendum carnis esum & sanguinis potum apud Ioannem. Nos igitur hanc significationem facimus quintam, & à prima quidem distinguimus ut ab antecedente consequens, nunquam autem separamus. Sed videamus quomodo hēc in nos contorqueas. *Sacramentarij* (inquis, quam vocem libenter amplectimur) ad funditus abolendam Eucharistiam & resistendum Dei verbo expresso, in duobus peccant. Super his conuicijs Deus inter te & nos iudicet. Nam quum in Cœna aiūt Edere corp⁹ Christi nihil aliud esse quām Christo vniri per fidem & fieri membrum corporis eius, tum corpus capiant oportet pro mystico & non naturali. Imò te oportet mentis compotē non fuisse, quum hēc in nos scribere te non puderet. Etenim qui sentiunt ex esu & spirituali apprehensione ipsius Christi pendere corporis mystici Christi constitutionē, siue fideles edendo Christi corpus, euadere corpus Christi mysticum, quomodo dici possunt sentire corpus Christi quod edunt, illud ipsum esse quod ex illo esu efficitur? Deinde Edere Christi corpus nō dicim⁹ idem esse atque vniri Christo, sed ita significari sacramentali loquutione, fideles ritè vtentes panis & vini illius esu, sibi Christum magis ac magis adiungere, vt fiant os ex ossibus eius & caro ex carne eius. Aliud autem est ipsa actio, quām quod illam consequitur. Sed alterum errorem audiamus. Rursum, inquis, quum verba

Christi de Cœna explicant, nouum significatum nusquam in scripturis repertum imponunt corpori Christi, & suadent pro figura siue pro Sacramēto & signo corporis accipi: quum nusquam in Scripturis corpus Christi absolute positum occurrat nisi pro substantiali & naturali. Respondeo rursum, quum panis ille dicitur à nobis esse symbolum corporis Christi siue sacramentaliter esse corpus Christi non aliud corpus à nobis quàm illud verum & naturale intelligi: neque hīc controuerti quódnam corpus dicatur esse panis, sed quo sensu potius ille dicatur esse verum illud corpus, recipia videlicet & ipsa panis existentia, aut substantia panis in substantiam corporis transmutata, an verò sacramentaliter duntaxat, siue propter usum sacramentalem, sicut res naturales ad res prorsus alias quàm natura & substantia ipsarum ferat, significandas, ex pacto siue institutione Dei vel hominum, accommodātur. Sic exempli gratia, vox illa *Agnus* propriè animal illud quadrupes & lanigerum declarans, si ad Christum significandum adhibeat, ut si dixero Pauli vestigia sequutus & agnum paschatis intelligens. *Agnus paschatis erat Christus*, neque in Agno subiecto, neque in Christo attributo vlla fuerit significationis mutatio: sed Agnus ille verus non fictitius, non reali sed sacramentali attributione Christus ille verus fuisse intelligetur. Hinc apud veteres Theologos non duplex unius Christi corpus, sed duplex erit istius vocis *Corpus* acceptio: una videlicet qua in se se consideratur naturale illud & essentiali corpus

pro quod pronobis in cruce prependit: altera verò
quatenus relatè illud ipsum spectatur , siue qua-
tenus de pane illo dicitur , velut quum corpus
Christi creari, in terrā cadere, consumi dicitur,
sicut ex Patrū penè omnium disertis verbis suo
loco demonstrabitur. Ac ne longius abeam, quū
vester Lombardus contēdit in Eucharistia cor-
pus esse & rem Sacramenti & signum , id est, &
rem significatam & rem significantem , etiamsi
(perperam id quidem ac prorsus inceptè) velitis
esse corpus sui ipsius signum , tamen agnoscere
cogimini quod hic in nobis reprehendis, nempe
Corpus quoque pro signo in Eucharistia intel-
ligi. Nec te, quæso , istarum inepiarum vnquam
pudebit? Nam ne id quidē quod tu ais nusquam
corpus Christi absolutè positū nisi pro naturali
Christi corpore sumi si *Absolutè & Relatè* abs te
opponuntur,in nos dicitur. Sed & ista quām ab-
surdè scribis? *panem quidē saepe inueniri pro Chri-*
sti corpore, ut in illis Jeremiæ verbis, Mittamus pa-
nem in lignum eius, & saepe apud Ioannem: sed nus-
quam legi corpus Christi pro pane. Nam vt omittā
illam nō literalem sed allegoricam loci Ieremiæ
interpretationem, planè indignam quæ à te re-
poneretur quanuis à veteribus non vno loco sit
inculcata) quoties panis dicitur corpus, annon-
tories corpus dicitur panis , si identicæ sunt illæ
enuntiationes , quales omnes illas esse vultis?
Imò etiam in attributione sacramentali, quan-
uis non identica , sicut signo attribuitur (te-
stibus Theodorito & Augustino) rei signi-
catæ nomen: ita quoque reciprocè rei signi-

ficate tribuitur signi nomen ut tam dicere licet
Christus erat illa petra, Christus erat Pascha,
Christus est ille panis quam petra erat Christus, Pa-
scha erat Christus, Panis ille est Christi corpus.

Vrges postea illam adiunctionem. *Quod pro*
vobis datur, & qui pro vobis effunditur, ut doceas
de vero & naturali corpore & sanguine accipiē-
da institutionis verba. Concedo, sed ita ut sacra-
mentaliter attribuantur, quam attributionem
antea ostēdi nullam in rē ipsam quæ attribuitur
mutationem inuochere.

Magnos postea clamores excitas de articulis
 à me prētermissis, quod ex Illyrrici fœtida cloa-
 ca hausisti. Velles igitur, sicuti me apud Lucam
 & Paulum conuertisse fateris. *Hoc poculum est*
nouum illud Testamentum, ita etiam me inter-
pretatum esse Hoc est corpus illud meum, & Hic est
meus ille sanguis,

At enim si articuli hoc loco non exprimi sine
 tanto piaculo non potuerunt, cur non potius il-
 lum vestrum sanctissimum interpretem à Con-
 ciliabulo Tridentino, cæteris expunctis, com-
 probatum flagellas? imò cur in vestrum illum
 sacratissimum Canonem non insurgis? Res au-
 tem ita habet. Articulos credidi & adhuc cre-
 do non semper necessariò exprimendos excellen-
 tiae significandæ causa, & idcirco non ubi-
 que expressi: quod ad *διάκρισιν* autem attinet,
 nunquam facile prētermisi: ideoque non im-
 prudens (ut tu calumniaris) neque quòd ad
 nostram hæresim non faceret (ut tu conuiutaris)
 articulum adiunctum Testamenti vocabulo ex-
 pressi apud Lucam & Paulum, sed ut vnum te-
 stamentum

stamentum ab altero sic discerni indicarē : quod in alteris illis de corpore & sanguine enuntiationibus necesse non fuit , quoniam sufficit ad discrimen significandum illa adiunctio , *Quod pro vobis datur, & Qui pro vobis effunditur,* tantum abest ut istarum adiunctionum vim & pondus non animaduerterim. Quæ verò subiicis de articulis quoties pronominibus demonstrantibus subiiciuntur, ut sic euincas per se non posse aliud demonstratū videri quām hoc ipsum corpus, ita ridiculum est ut ne refutatione quidem egeat quam tamen si quis requirat, ex nostra aduersus impurum illum Illyricum apologia petat licebit. Denique ut semel de hoc transigā, quum ex articulorum expressione effici velis non posse corporis vocem aliter quām de vero illo corpos pro nobis tradito intelligi , habes reum contentem, at non tamen erroris conuictum , nisi si tutem in eodem versaris errore.

Sed hæc tua consequutio falsissima est, *Si proprium corpus significatur, orationem quoque istam, Hoc est corpus meum, propriam esse ac minimè translatitiam.*

Quid enim obstat quominus in eiusmodi enuntiationibus non modo attributum sed etiā subiectum, nedum eorum alterum , propria natuāq; significatione accipiatur, & tamē translatitia sit oratio, qua vnum de altero dicitur? Neq; enim ex attributi duntaxat aut subiecti aut alterius istorum significatione, sed etiam ex ipsa attributionis natura , diiudicandum est , totāne ipsa enuntiatio figuratè sit an propriè accipienda. Sumamus si videtur hoc exemplum. *perra illa-*

erat Christus. Hic dico petram propriè significare rupem illam naturalem, siue naturalem fluuium inde profluentem, Christi autem appellatione non aliū quām ipsummet Christū nobis in Eucharistia propositū declarari, quū idem illorū potus fuerit qui noster. Dicitur tamen non substancialiter sed typicè Christus naturalis de petra naturali, quū teipso iudice petra nō sit transsubstatiata, petra verò & Christ⁹ sint disparata, vt vnu ppriè de altero dici nequeat. Sic Circuncisio realis est reale fœdus, sed sacramentaliter significans. i. quia fœderis realis signū est. Sic Christus ipsemēt erat illud ipsum Pascha, sed sacramentali significatu nō propriè. Sic verus Christi sanguis dicitur de vero vino, sed sacramentali metonymia. Denique tam frequentes hæ loquitiones translatitiæ quām alteræ propriæ occurunt.

Ex hoc etiam liquet quām impudenter & inscienter in nos torqueas quod in Marcionē scribit Tertullianus. Verba Tertulliani hæc sunt integra nec decurtata, sicut à te versutè proferuntur. *Christus acceptum panem & distributum discipulis corpus suum illud fecit, dicendo Hoc est corpus meum, id est, figura corporis mei. Figura autem non fuisset, nisi veritatis fuisset corpus.* Ceterum (id est, Tertulliani idiotismo, quoniam) vacua res quod est phantasma, figuram capere non posset. Confutat hīc eruditissimus sed obscuris argutiis plenus scriptor, delirium Marcionis, non verum sed phantasticum siue imaginarium corpus Christi asserentis: & sic argumentatur. Panis ille quem Dominus corporis sui figuram effecit, dicens, hoc est corpus meum, figura est corporis. Ergo corpus Christi verum est corpus, non ima-

ginarium, Nam figura nulla esse queat rei merè imaginariæ. Et ne regerere posset Marcion voluisse Christum figuram visibilem & verè corpoream imaginario & non existenti corpori illi suo affingere, excipit Tertullianus. Si propterea Christus panē corpus sibi finxit, quia corpus carebat veritate, ergo panē debuit tradere pro nobis. Faciebat enim ad vanitatē Marcionis ut panis crucifigeretur. Id est plurimū faceret ad cōmentū Marcionis stabiliendū, vt spectrū illud in cruce potissimū panis substātia tegeretur, ac sic panis traderetur & crucifigeretur p nobis. Subiicit deniq; Tertullianus hæretico iā cōuictō insultans, *Cur autem panem corpus suum appellat, & non magis peponem quem Marcion cordis loco habuit, non intelligens veterem fuisse figuram?* Nam pepones, prouerbiali dicendi genere, dicuntur vecordes & stolidi, etiam apud Homerum. Dicit ergo irridens Marcionem Tertullianus, tam potuisse peponis quam panis figuram Christum illi corpori suo phantastico affingere, quod fuisset ipsi Marcionis ingenio conuenientius. Addit demū in eo quod panem potius, quam aliud aliquid delegerit ut corpus suum figuraret, impleuisse Deum quod iam olim prædixerat per Ieremiam quo tamen testimonio (quod sine tanti viri contumelia dixerim) planè abutitur. Hæc igitur ille, quæ quum in nos citares, quis te non animaduertat iusto Dei iudicio fuisse excæcatum? Nam ut hæc argumenta sibi constent, primū oportet panem manere panem, quoniam alioqui retorto arguento dixisset Marcion, non esse panem sed mera accidētia qui panis esse videbatur

Deinde corpus audis exponi corporis veri figurā quum panī attribuitur in his ipsis verbis, Hoc est corpus meum , contra id quod paulò antè dicebas in Scripturis non inueniri. Audis etiam veritatem corporis eo astrui quòd vera & substanciali figura repræsentetur , ut sublata panis substantia efficiatur corporis quoq; veritatem in Sacramento destrui. Et quinam , obsecro, palam Marcionisant? Annon vos qui panis substantiam, solis manentibus sine subiecto accidentibus, in nihilum redigi & in corpus non quantum transmutari somniatis? & ad tegendum realis απροφαγίας horrorem , accidentibus panis & vini tegi quasi figura & ve-lamento reale Christi corpus docetis? quod delirium ne Marcion quidem ille præstigiator, opinor , tolerasset. Sed illud planè omnem impudentiam superat quòd pro verbis Tertulliani quibus contendit quod propheticè prædixerat Ieremias , panem dicens in lignum mittendum , reipsa impletum quum Christus iam crucifigendus & Eucharistiā instituens corpori suo nomen panis inderet: pro verbis, inquā, illis Tertulliani perīpicuis (quibus non panem in verum corpus mutatum , sed è contrario corpori suo nouam panis appellationem inditam significat quoniam panis sit corporis illius figura seu Sacramentum) substituis, intelligens figurā præterisse quo nihil dici minus ad Tertulliani consilium appositè potuit.

Pergis postea & , inquis, Allusit Christus ad veteres hostias quæ reuera ad edendum tradebantur sicuti reuera offerebantur: quamobrem significatur tam verè exhiberi Christi corpus ad esum, quam verè repro-

rèpro nobis est oblatum. Item, in mensa sacrificiorum eadem caro reuera apponebatur in esum, quæ offerebatur in sacrificium. Ergo idem Christi corpus tam verè præbetur à Christo in edulium, quam est sacrificatum in cruce. Concedimus hæc omnia, nec magis nobis prodesse crucifixam quidē, sed spiritualiter & fide non comesam carnem Domini dicimus, quam appositas dapes quibus tamen non vescaris: neque de carnis magis quam de signorum panis & vini veritate, & licet spirituali, vera tamen perceptione dubitamus. Sed quemadmodum aliud est cibus significās ideoque corporis sensibus præbitus, quam cibus significatus, ideoque menti & fidei porrectus, idcirco illorum quidem corporalem, istius verò spiritualē præsentia, dationis, & receptionis modum per fidem statuimus: sic ferente & ipsa rerum ac signorum corporalium natura & corporis Christi veritate, fideique analogia & spirituali sacramentalis ritus fine.

Reponis postea nobis rancidum hoc argumētum. Si omnia ferè vocabula contenta in Cœne historia proprie & de externis actionibus à vobis ipsis accipiuntur, ut panis, vinū, accepit, fregit, dedit, accipite, comedite, bibite: cur quæ sunt potissima, idest, ipsa demonstratio rei quæ traditur, à suo genuino significatu transferetur? Quæro ego verò primum cur particula ferè à te adiiciatur. Certè si verū fateri sustines, hoc adieci ppter verbū fregit, qđ vel inuitus cogeris fateri, ex proprietate panis ad corpus sic translatū, vt tamē ipsummet nō frangatur. ne sitis scilicet illis ipsis carnificib⁹ Christi immatiiores. Atqui ne sic quidē elabimini. Nam præ-

f. iij.

terquam quod accidentia diuidi nisi ipsius substantiae subiectae ratione non possunt, dic, quæsoliter vtrum minus conuenit carni Christi, an in aliquot frusta diuidi, an verò minutatim infixis etiam (ut vester Nicolaus loquitur) ipsi carni reali realiter dentibus, sub dentium mola communius? quod scelus ut vitaret eos ille συλλογιζόμενος, cuius stercora tu studiosè collecta nūc depalcare velle videris, maluit solidum corpus vorari. Nec vos istorum saltem deliriorum vñquā pudebit? Sed ad rem. In Sacramentis aliud videri, aliud intelligi negare non potes Signum quoque fatearis oportet illud esse quod sensibus externis obiectum facit ut aliud quam quod natura est in mentem veniat. Hoc, inquam, est discriminus specificum, quo omnia signa etiam Sacraenta, à rebus significatis differunt. Túne verò corporis & animi actiones confuderis? Quod hīc autem videtur, certè oculis videtur: quod autem intelligitur, mente intelligitur. Quid si verò vtrique actioni significandæ vnum & idem verbum adhibeam? Nam & videre oculus & animus quoque dicitur, sed ille quidem propriè, hic verò translatitiè. At quod de vno sensu de cæteris quoque eadem ratione dici usque adeò consuevit, vt vix visitatior sit propria, quam translatitia significatio. Nam & gustare, & olfacere, & accipere & pungi dicitur animus. Quid si igitur, inquam (ut in hac narratione factum est) vno eodemque verbo & id quod corpore geritur, & id quod mente intellectu apprehenditur significaro? nempe propriè simul & translatitiè diuerso respectu, eandem vocem usurpauero. Sic igitur concludo.

Quum

Quum ut sua Sacramentis constet ratio, etiam si duæ res extantes præbeantur, tamen earum una corporis sensibus, altera menti fide præditæ obiiciatur, institutionis verba ita cõcepta sint ut vnis iisdemque vocibus præcipue corporeis rebus conuenientibus cuiusmodi sunt Frangere Dare, Accipere, Comedere, Bibere, vtrunque declaretur, illud quoque necessariò consequi, ut cædem voces, quum ad signa in sensu incurritia & corpoream actionem referuntur, propriè intelligantur: quum autem ad res significatas & fidei actionem accommodantur, translatitiè accipientur. Cur verò vnis & iisdem vocibus rebus corporeis conuenientibus, intellectuale etiam arcanum illud significetur, causa duplex est. Vna quod Sacraenta corporea idcirco sint instituta ut à corporeis ad spiritualia, sic natura nostra ferrete, assurgamus. Sic enim etiam inuisibilia Dei in rebus aspectabilibus ordinario modo docemur contemplati, & ipsi Philosophi docet prius in phantasia esse oportere quæ intellectu percipimus. Altera causa est (ut inquit Theodoretus) quodista cõmutatione vocū, docemur nobis esse res illas corporeas Sacmentorum usui dicatas, & sacramentales actiones contemplandas, non ut res naturales, sed quasi res illas ipsas spirituales, quarū veluti sensibus ipsis præsentium conspectu fruamur,

Eadem ratione refellitur vestrum illud *ἀλητον*
scilicet argumentum quod tam verbosè exponis
Mutua est inter Dationem & Receptionem conuenientia. Datio illa facta est Christi manibus in os & manus discipulorum, Ergo & receptio. Quod
f. iiiij.

autē fecit Christus faciunt & nunc sacerdotes. Sanè ita est. Itaque ut dantur signa corpori, sic corporerecipiūtur, & ut mēti dantur res significatæ ita mente fidei percipiuntur. Sed signorū dationem cum diuersæ rei receptione tum deīm iure comparaueris, quum id quod videtur, & id quod intelligitur in Sacramentis, rem vnam & eandem esse euiceris, id est, falsum esse, aliud in Sacramentis videri, aliud intelligi. Rides ista fateor, sed quæ quò magis ridebis, eò sanè magis te deridendum propinabis.

Expendamus autem & tuum istud. *Quum negatis Christum vobis amplius polliceri quam verbis institutionis contineatur, & Cœna ipsa non plus eroget quam constituentis verba testentur: si ipsa tantum metaphoricum aut metonymicum Christi corpus sive nihil aliud quam veri & naturalis corporis Sacramentum & signum enuntiant, nihil amplius ex Cœna reportatis.*

Respondeo corpus attributione metonymica (nam metaphoræ commentum tuum est) pani attributum, nō esse aliud quam verum illud corpus, quoniam attributio nihil in re ipsa variat quæ attribuitur. Respondeo & istud, quum Sacra menta minimè inania sint spectacula aut nuda μημέσωνα, sed (quod ad Deum quidem promittentem attinet) nunquam signum absque re significata præbeatur, ineptissimam esse con sequitionem quam nec sis. Dico postremò vos eos esse ex quorum Cœna nihil reportetur. Accidētia enim sine subiecto, & corpus quantitatis expers, quid aliud sunt quam renatum Marcionis phantasma?

Progrederis

Progrederis deinceps ad alteram vocabuli Testamenti significationem pro pacto seu fœdere, ex qua etiam conuincere nos studies violati diuini pacti, nisi reipsa ore comedи corpus ipsum Domini & bibi eius sanguinem fateamur, ac primùm sic definis illud fœdus de quo agitur ut dicas esse pactum quod Deus contraxit cum hominibus ut ipse promissa faciat, hi vero debitam præstent eius mandatis obedientiam, ex illis Exodi verbis, Omnia quæcunque fecit Dominus faciemus & erimus obedientes. Nos vero didicimus præsertim ex Paulo, duplex esse pactum Dei cum hominibus, Vnum legale qđ est ad mortē, vt pote quod conditionem contineat impossibilem præstande legis quam perfectissimè. alterū Euangelijs quo gratis in Christo reconciliati seruamur: Hoc autem fœdus partim vetus dicitur, sub quo videlicet Patres in Christum venturum & obscurè adumbratum respiçientes seruabantur: partim nouum appellatur, in quo nobis Christus verè exhibitus, reipsa præstitis quæ ad reconciliationem nostram requirebantur, fide amplectendus præbetur. At tu contrà neque vetus neque nouum istud, sed legale nobis pactum definis. Vtriusque autem fœderis tum legalis ad mortē, tum alterius ad vitam, tessera fuit diuersis respectibus lex cæremonialis, vtpote quæ & chirographum fuerit mortis, & Christum simul cum omnibus ipsius beneficiis veteri populo adumbravit. Sic igitur de vtroque illo fœdere sentire & loqui ex Dei verbo didicimus. Quoniam autem inter vetera Sacra menta tibi visum est tria feligere, nempe sanguinem, agnum pascha-

Cap.8. AD REPET. PSAINCT.

Iem & victimam illam fœderatam cuius sanguine partim altare partim populum Moses aspergit, age videamus quām bellè ad tua illa, id est, ad oris esum ac potum, illa traducas. *Vetus testamentum*, inquis, requisiuit verum sanguinem præsentem, Ergo itidem ad noui confectionem in Cœna verum & præsentem sanguinē adhibere necesse fuit. Respondeo ut veterum Sacramentorum cum nostris comparatio(cuius ob causam illa vocantur *ἀντίτυπα*)ritè fiat, oportere signa cum signis non cum re per nostra Sacraenta significata comparare. Nam & illa vetera & nostra re paria immò eadem sunt, vt pote quæ, teste Apostolo I. Corinth. 10. totaque ad Hebræos Epistola, eundem Christum illa quidem venturum adumbrarint, ista verò exhibitum ostendant. Itaque re non possunt nisi *κατάτι* inter se conferri. Est igitur ista consuetanea consequitio vestram illam panis & vini destructionem planè iugulans. Verus præsens sanguis adhibitus est in vetere fœdere sancteido, sanguinis videlicet Christi symbolum, & Cœnæ Domini *ἀντίτυπον*. Ergo verū quoq; vinū præsens adhiberi Cœnæ oportet, eiusdē veri sanguinis Christi effusi Sacramētum illi *ἀντίτυπον* correspondens. Sic cataclysmi typū cum nostri Baptismi aqua Petros, sic Paulus maris transitū cum Baptismi nostri ritu, Mānnam cum illo pane quem frangimus, petrā fluuium effundentem, cum poculo ex quo bibimus confert, ut signis diuersa, quæ tamen re sint eadem esca & idem potus. Viden' igitur quām incepit veteris Sacramenti symbolum cum re noui Sacramenti conferas? Quid si hoc ipsum in te liberet

beret retorquere? Sicut sanguis ille pecuinus erat veri illius Christi sanguinis verum Sacramētum, quanuis reipsa minimē cum sanguine pecuino realiter sed fide tantūm præsentis, necdū in rerum natura extantis: ita etiam quum mystrium re prorsus idem in Eucharistia celebretur, vinū nunc esse veri illius sanguinis, nunc quidē in rerū natura existentis, sed tamē sola itidē fide efficacissimē præsentis, Sacramentū? Sed & in eo valde falleris aut fallis, quòd vel sanguine Christi vetus fœdus sanctū putes necesse est (vt sānè fuit) vel inānēs fuisse figuræ patribus institutas arbitreris, quasi ipsis patribus nihil sed nobis duntaxat Christū representarint. Id autē sentire non potes quin patres aut regno Dci excludas, aut absq; Christi ipsius metcōmunione seruatos constituas, quod vtrunq; nefariū esse arbitror.

Alterum argumentum à victimarum oblatione simul & esu sumis, vt concludas quemadmodum in veteris testamenti sanctione pars sanguinis Deo fuit oblata, pars in populum sparsa, & agni paschalis pars sanguinis applicabatur adiūm postibus, agnus autem ipse primum Deo immolatus & oblatus populo edendus exhibebatur: sic decuiisse in nouo testamento fœderalem victimam, id est, Christum partim offerri Deo, & partim populo, ut mutua fieret promissio, obsignatio, & obligatio. Idcirco sanguinem Christi realiter externo ritu crucis exhiberi necesse fuisse, ac proinde externo quoque ritu Cœna eiusmodi sanguinem tam verè populo præberi quam fuit oblatus Deo.

Respondeo rursus hīc à te vt in superiore collatione peccari in eo quòd antitypum vetus

Cap.8. AD REPET. SAINCT.

non cum nouo typo correspondente, sed cum
re per vtrunque significata non recte comparas
Fuit igitur primū antitypi & nostri Sacramen-
ti talis sic instituenda collatio ut omnia ad amus-
sim quadrarent, Sicut victima Christum adum-
brans Deo prius immolata postea à populo e-
debat: sic panem quo Christi corpus pro no-
bis in ara crucis macatum & Deo Patri oblatū
repræsentatur, à nobis edi ex ipsius Christi in-
stitutione oportet. Item sicut fœderalis illius
victimæ sanguine verum sanguinem illum Christi
adumbrante partim altare aspergebatur, par-
tim etiam populus: sic vinum illud verum illum
sanguinem Christi, quo pro nobis aram crucis
aspersit, à nobis ex eius instituto bibi oportet.
Deinde vtrumque tum antitypum vetus, tum
Sacramentum nostrum nouum cum ipsa re &
veritate sic fuit comparandum. Sicut in veteris
fœderis obsignatione victima iugulata offereba-
tur Deo à sacerdote, quo ritu vera illa Christi
in ara crucis ab ipsomet facienda oblatio a-
nimis credentium repræsentabatur: sic panis il-
lius fractio & vini illius effusio, factam illam à
Christo cruentam in ara crucis oblationē quasi
oculis nostris subiicit. Item ut illi sub vetere
fœdere, victimæ fœderalis sanguine exterius
aspersi, & agni carnem edentes, simul spiritua-
liter per fidem intus Christi ventuti & passuri
fiebant participes: ita & nos sub nouo fœdere
quod est veteris impletio, panem illum ritè e-
dentes, veri illius Christi corporis pro nobis ob-
lati, & vinum illud ritè bibentes, veri illius pro
nobis effusi sanguinis per eundem spiritum an-
démq;

démque fidem participes sumus. Nihil ergo te ista comparatio ad corpoream illam & Cyclopicam σαρκοφαγίαν statuendam iuuat , quæ neque sub vetere neq; sub nouo fœdere locum habuit, sed spiritualem illam Christi κοινωνίαν qua & illi seruati sunt & nos seruamur , mirificè illustrat. Imò etiam eadem planè vestram illam detestandam & sacrilegam audaciam coarguit , qua sublato poculi v̄su non minus in Deum & Ecclesiā peccastis , quām si sanguinis aspersione sustulisset Moses aut ipsius successores in cuius enim aspersione locum (ad quam etiam alludit Petrus secundæ Epistolæ initio) vini potio est à Christo omnibus mandata. Bibite enim, inquit, ex eo omnes, Christo iam tum scelus illud, quod multis postea seculis ausi estis , prædicente , ac simul etiam sic ostendente, eandem quidem fidem & eundem Christum patrum olim fuisse, & nostram nunc esse. (vidit enim Abraham diem Domini & gauifus est: & eandem escam ederunt & eundem potum biberunt , nec fuit unquam extra Christi κοινωνίαν salus) sed tanto tamen significantiora , expressiora , efficaciora esse Sacra menta exhibiti quām venturi Christi quanto plus est intus etiam rigari quām foris aspergi. En inuictum tuum argumentum quo nos conuictos fuisse gloriaris.

Disputas postea contra nos quodd dicamus nonum fœdus non in Cœna, sed in ipso crucis patibulo conflatum (sic enim loqueris) quum sine sanguinis effusione non potuerit coalescere.

In hac autem quam nobis tribuis sentētia rursum vel sciēs fallis , vel imprudens falleris. Dici-

Cap.8. AD REPET. SAINCT.

mus enim fœdus illud reconciliationis inter Deum & homines per Christum vētūrum, mox post peccatum fuisse cum Adamo initū, & deinceps cum Abrahamo, Isaaco, & Iacobo expressius renouatum, cuius Sacra menta varia & multiplicita fuerunt, re cum nostris eadem ut signis diuersa: Patrū autē illorum spiritui ac fidei præsentem fuisse tum Christum ipsum, tum quæcunque pro nobis suo tempore erat impleturus, ac proinde quod ad ius attinet, fuisse illos tū ipsi Christo nascituro insitos, tum re ipsa in eo iustificatos sanctificatos, & seruatos. Hoc idem fœdus (in eo tamen diuersum quod Patribus venturus Christus prænuntiabatur nobis verò Christus præsens exhibitus est) dicimus primū Iudeis Iohannis Baptistæ ministerio, quasi tubæ præconio, promulgatum: deinde recipia per os ipsiusmet Christi cum iisdem Iudeis primò initū, ac eiusdem fœderis tesseris ac obsignationes duas ab eo institutas, Baptismum & Eucharistiā: cuius etiā fœderis conditiones ipse mox in cruce reali sui sacrificio impleuerit. Apostolos deniq; duo humano generi fœdus istud promulgasse, quod itidē veri ipsorū successores quotidie addita illis Sacramentorū obsignatione, faciunt. At tibi, homini scilicet acutissimo, idem valent Fœdus inire, Sacire, Eius sigillum instituere, Ipsum denique obsignare, quæ inscrita certè pudenda est. Sed illa etiā multò est aperitor, quod quum rectè sentias sanguinem Christi illud ipsum esse in cuius effusione fœdus ipsum positum est, tu tamen sanguini, id est ei rei cuius interuentu facta est fœderalis illa reconcili-

conciliatio', tribui posse putas absque tropo ipsius fœderis nomine. Atqui res ipsa clamat aliud esse nativa significatione sanguinem fœderis (sicut Moses loquitur de vetere signo, de re ipsa verò Matthæus & Marcus) quām fœdus in sanguine, quod à Luca & Apostolo non nisi per tropum tribui illi vino potuit. Neque negamus igitur vetus fœdus à Mose per aspersionem illius sanguinis symbolici, neque per Cœnam semel institutam & celebratam nouum obsignatum: sed hæc non magis ad Cyclopicam tuam manducationem facere dicimus, quām veritatē ad statuendum mendacium.

Cuiusmodi verò hic clamor est, & in quos tandem hæc tela dirigis? *Quum à Mose figurarum parēte in promulgatione veteris testamenti sanguis propriè sit vocatus, quis à Christo figurarum illustratore, sanguinem positum cogitabit pro sanguinis figura, in noui testamenti compositione, quod figurarum nebulas disspellit?*

Nemo certè. Quis enim nostrūm alio quām verissimo Christi sanguine nos reconciliatōs: quis poculum quod benedicimus alterius quām dominici illius pro nobis effusi sanguinis ~~coivvia~~ esse dixit? Non de hoc igitur agitur, nō hoc, inquā, quæritur. Sed an signū in rem significatā essentialiter transmutetur, illud ipsum est quod non prius probabis, quām tenebras conciliaris cum luce. Quantò igitur rectius sic in te hoc ipsum telum retorsero? Si propriè sanguinem vocauit in vetere Sacramento Moses sacri noui poculi ~~artivmor~~, propriè quoque Christus, in Eucharistiæ mysterij institutione panis & vini

Cap.8. AD REPET. SAINCT.

nomen acceperit, quod illi ~~avertitū~~ ex aduerso respondet. Denique aliud esse memineris figuræ veteris fœderis illustrare, quæ omnem figurarū usum ex Ecclesia abolere: quem errorē ut alios plurimos & maximos si tueri pergis, quid superest nisi vt pro eo quod septem nobis Sacraenta immò infinita pro duobus quoties libuit, obtruditis, nulla esse Ecclesiæ Sacraenta dicas, vel ipse tibi manifestè contradicas?

Aliud tuum est istud argumentum. Fœdera & Sacraenta ad confirmandas promissiones oculis subjiciuntur, ergo non internis & spiritualibus beneficijs, sed externis notis, ritib⁹ & veluti sigillis ac rebus illa celebrari oportet. Probas antecedens ab absurdo, quoniam alioqui nemo indignus fuisset unquam circumcisus vel baptizatus si spirituali actione credendo perfecta illa fuisset, aut nunc Baptismus perficeretur & tamē illis externis actionibus fœdus inhibatur non autē internis propriè, quā tales nullæ fuerint in parvulis, nec fuerint unquam necessariae nisi in adultis, ad fœderis fructum & finē adipiscendū. Et sic tandem cōcludis. Ergo quā in Cœna sanguis sit qui testetur in terra corā hominibus defēdere Filij Dei, ut aqua in Baptismo? sanguis, inquam, sit tessera qua contrahitur fœdus: oportet ipsum exterius adhiberi & conferri in terra coram hominibus, ut prius contingatur, ac per ipsum fœdus confirmetur, quæm fructus fœderis spiritualiter percipiatur: nec rectè Calvinus (hunc enim facis huius sententiae authorem) quod postremo loco aduenit post confirmatum fœdus primo loco adfert ad constituendum fœdus.

Antequam autem ad hæc tria ordine responderem, quid de hac re tota sentiamus explicari necesse

necessitatem est, ut ineptiae simul & calumniæ tuæ omnibus pateant. Hæc igitur ut Verbo Dei prorsus consentanea docemus.

Christū esse illum unicum in quo, ex gratuito fœdere, iustificati & sanctificati seruamur, ad quæ duo capita reuocamus præcipua quæ in Christo adipiscimur beneficia.

Eos demum fieri beneficiorum illorum participes qui Christum ipsum obtinuerint.

Vnicum esse Christi apprehendendi instrumentum, Fidem.

Hanc fidem gratis creari in nobis per Spiritum sanctum, veram illius causam efficientem.

Sicut verbum prædicatum foris per hominem intus per Spiritus sancti gratiâ audiendo, creaturæ fides: sic eandem in nobis foueri eodem verbo Sacramentis, quæ proinde ritè sumpta sicut Christū ipsum sic etiâ eius beneficia in nobis obsignent.

Hæc Sacraenta duabus partibus constare nempe rebus in externos sensus incurrentibus, quas signa vocamus (cuiusmodi sunt præcipue illa materiata, ut Aqua in Baptismo, panis & vînum in Cœna Domini) & res significata interna & intellectui soli obiecta, quam vocamus Rem Sacramenti, quoties Sacramenti vox angustiore significatione pro sacris illis signis accipitur. Hæc autem res significata est Christus ipse, cum omnibus beneficijs quæ ex ipso deponuntur,

Rem istam Sacramentorum à suo effecto distinguere, id est, Christum ipsum & quæ in ipso & cum ipso nobis offeruntur, ab ipsa eorum perceptione: quod aliud quiddam sit Percipere aliquid & Rei perceptæ fructibus frui, quam sit

psa res quæ percipitur , & fructus qui inde percipiuntur.

His positis quæ prius quam illis argumentis vtereris à te subuerti oportuit (subuertes autem nunquam) quod ad tuarum rationum basin attinet , prorsus assentior fœdera celebrari oportere notis rebūsque visibilibus. Ideoque vestram transsubstantiationem,qua notæ illæ résque visibles in chimæras transformantur , prorsus abominamur. Sed si existimas excludi res internas , & (vt planius quam tu ex animi tui sensu loquar) merè intellectui obiectas eo quod Sacra menta notis externis celebrentur , & quasi sigillo constabiliantur , in eo monstrosam tuam inscitiam patefacis. Nec enim essent Sacra menta si signis , notis & rebus duntaxat ob oculos positis constarent , teste saltem Augustino , signum definiente quod exterius obiectum , faciat vt aliud in mentem veniat.

Quod autem adiçis , si solis internis perficiuntur neminem unquam indignum fuiss' circuncisum aut baptisatum , calumniosè in nos dicitur , qui nunquam Sacra mentorum usum diximus sola vel signorum vel rei significatę receptione perfici , sed è contrario , quæ Deus coniunxisset non posse legitimè separari: atque adeò sacramentalē perceptionē , id est , in qua signa illa visibilia verbo adiuncta sunt , longè maioris (nisi per nos steterit) efficaciæ esse docemus , quam ubi simplex verbi auditus proponitur.

Sed hoc quidem verum est nos tueri ex Dei verbo , idem nos in simplici verbo atque in Sacra mentis fide percipere , ac proinde extra Sacra menta

cramenta quoque Christum percipi: quemadmodum contra & verbum auribus audiri, & Sacramenta sumi possunt ad iudicium, absque illa re eadem quæ & simplici verbo & Sacrementis nobis proponitur. Sed hoc ne tantillum quidem te iuuat. Illud verò quod subiicis de paruulis olim circuncisis, & nunc baptisatis, quibuscum fœdus nihilominus fuerit initum & confirmatum externis ritibus, quanuis internis actionibus puta notitia, assensu, fide caruerint, quoniam proculdubio sic abs te ponitur ut operis operati dogma illud non minus impiū, quam ridiculum stabilias, penitus quoque detestamur neque tamen negamus (illo etiam posito infantes dum baptisantur fide prorsus carere) fœdus in illis obsignari, sed alia prorsus ratione quam tu sentias: qua de re quoque quum voles inter nos disceptabitur. Nunc autem, obsecro, quid tandem tibi in mentem venit ut quæstione de Eucharistia omissa, quam ne tu quidem paruulis dandam censueris, ad paruulorum Circumcisionem & Baptismum fueris delapsus? Mirum hoc certè in eo qui non ferat de Eucharistia aliunde quam ex ipsis vnis institutionis verbis quæri. Accedo ad totius tui argumenti conclusionem qua nihil ineptius fingi potuit, etiamsi tibi priora omnia concederem. Vis enim sanguinem ipsum Christi esse illam fœderis tessera testificantem in terris ut aquam in Baptismo, id est, ineptissimè & inscientissimè signum Baptismi cum re significata Eucharistiæ comparas. Vis loquar apertius? Nego sanguinem Christi esse Sacmentum siue signum fœderis, sed esse di-

co illud quod per tessera^m, signum, figuram, Notam, Symbolum, Sacramentum, σημαντίδα, (per illud vinum videlicet) significatur. Scio fore ut h̄c nobis obiicias illum Iohannis locum de tribus in terra testibus, itēmque de Sacramentis quæ ex Christi latere defluxerint, quod utrūq; ut verissimum amplector, & tōrpiter abste ad probandum tuum delirium dico detorqueri. Negas? De hoc igitur inter nos queritor, ut & de eo si libet quod magister ille vester dicit carnē Christi esse simul rem & Sacramentum: At tu interea ne illud pro concessō assumito, aut te sophistam agere confitetur. Sed illud miror quā fronte scribere ausus fucris oportere sanguinem ipsum Christi in terra exterius adhiberi, conferri, contingi (nam extra contactum nulla est vobis vera rei ipsius novarix) priusquam fœdus per ipsum confirmetur. Nam si hoc verum est, quo tandem loco vestri Laici statuentur, quos à calicis potu prohibetis? Scilicet ad carnis & sanguinis concomitantiam refugies. Sed quum in institutionis verbis corpus scorsim à sanguine, & sanguis à corpore discernatur, cui sanx mentis homini persuadebis vel temerè hoc factum, vel corpus pro carne & sanguine, aut sanguinem pro sanguine & carne citra tropum accipi posse?

Inculcas & illud iam antea refutatum, *Sunt ista reciproca ut qualis sit datio, talis sit acceptio.* Ergo, inquam, talis quoque fractio, quod tamē dicere (vt opinor) non ausis. Et certè omnes ritus sacramentales verbis institutionis declarati, cuiusmodi est Præbitio, Fractio, Effusio, Communionis, Potatio, similiter omnino inter se accipiātur

tur oportet, vt qualis est vna sit & altera: sed ex eo minimè consequitur similiter illa de signis & de rebus significatis intelligi. Nam quum signa externis sensibus, res autem significatæ fidei & menti obiificantur, in illis quidem corporeæ & externæ nativa significatione verborum, in his verò incorporeæ & internæ actiones intelligentur oportet: translatione videlicet facta à corporeis sensibus ad animum, vt visitatè solemus, quum videre quoque & capere, & gustare, & audire, & pungi animus dicatur.

Quæris rursum, quum eâdem forma Moses & Christus dixerint, Hic est sanguis testamenti, quare apud Mosen sanguis de externo vero sanguine accipiatur, in Christi verbis verò nequaquam. Respondi antea & iterū respondeo, & à Mose & à Christo verum sanguinem demonstratum, sed Mosen quidem signum externum suo tempori accommodatum, nempe sanguinem pecuinum, visibilem, & externis sensibus oblatum, demonstrasse ita vt rem significatam, id est, sanguinem ipsum Christi, soli fidei præsentem, vt ferebat legis pædagogia, innueret potius quām indicaret: Christum verò, vt antiquitatum illuminatorem (sicut loquitur alicubi Tertullianus) clarè tum signum (id est poculum externis sensibus propositum) tum rem menti significatam, non corpori (nempe sanguinem illum suum verum) expressisse.

Iterūm eâdem oberrans chorda sic colligis, Si populo, secundum Calvinum, satis fuit spiritualiter sanguinē Christi applicari, satis etiam fuisset ipsum spiritualiter offerri Deo

Respondeo spiritualem perceptionem quam dicimus vnicam esse apprehendendi siue nobis applicandi Christi rationem, minimè excludere Sacramentalis & externæ acceptationis usum quafides ipsa & animus noster ad suam illam actionem exerendam commouetur, sicut externis sensibus obiecta facultates illorū excitant. Respondeo & illud *Spiritualiter ex re ipsa non recte* abs te opponi, quasi spiritualiter idem valeat atque sola quadam vana imaginatione. Itaque ne patrum quidem, qui solo animo & vniqa fide diem Domini nondum reipsa exortum viderūt, inanis fuit illa spiritualis applicatio: vt qui eandē escam edisse & eundē potū bibisse dicantur. Multò verò minus id dici de fide Apostolorum & nostra potest, quæ in rem ipsam extantem sic fertur, vt non magis reipsa nata & crucifixas sit illa caro, quam dunc credentibus reipsa comunicatur. Sed vt illa scilicet, sic etiam ista sensibus externis patere velles, quod fieri nec potest nec debet, quoniam vt vera esset corporis Christi passio, exterius quoque fieri illam necesse fuit: at tu vera sit & ipsius Christi & eius perpetuationum applicatio, nequaquam id requiri, non modò ex eo liquet quod & merè spirituale est hoc mysterium, & spiritualis vitæ causa institutum. ac proinde spirituali ratione, fide videlicet fieri oportet: verum etiam ex eo quod alioqui quoties corporali actione & ore ipso Christum à vobis edi censetis, töties illum quoque non sola spirituali commemoratione (quam certum est vetustiores patres nomine percutientæ oblationis intellectuisse) sed etiam crucifigi

crucifigi & patri re ipsa offerri oportet. Fuerit enim omnibus modis ἀντίστροφος cōsequutio corporalis oblationis ad corporalem e sum, & corporalis e sum ad corporalem oblationē. Quod si excipias illud ipsum esse quod dicitis, nempe ut corporaliter quotidie re ipsa editur Christus, sic quoque corporaliter illum in Missalico vestro sacrificio patri re ipsa offerri, sed oblatione incruenta, id est absque interueniente passionis repetitione, nihil dixeris. Etenim ut in oblationis cruentæ argumento maneamus (quam vnam realem esse certum est) si eius recordatio & commemorationis spiritualis per fidem perinde sufficit ac si vel coram oculis nostris passus esset realiter Christus, aut iterū quotidie re ipsa cruci affixus sese patri repetito sacrificio offerret, si, inquam, spiritualiter pati Christum nunc sat is est, cur non & spiritualiter comed i, id est, sola fide applicari satis est? Nam ne passum quidem Christū sed passurū comederunt Apostoli, spiritualiter id quidem nec multo aliter quam patres quanuis mox passurum: & ut illa consequutio inter realem oblationem & manducationem sibi prorsus constaret, neque passurum neque passum, sed patientem adhuc Christum comed i oportet. Nam neque futura neque præterita passio corporaliter adest, sed sola animi fidelis contemplatione. Christi autem carnis in sese, id est, absque ipsius passione considerata perceptio, siue illā corpoream siue spiritualem facias, nullius prorsus est momenti.

Pudet me verò in eo quod sequitur confutando operam ponere. Comparas nouum fœderis

sanguinem cum victimarum veterum sanguine,
quasi sub vetere fœdere nulla fuerit peccatorū
remissio. Itaque non fuerint seruati patres, quū
tamen beatificationem tot ante Christum secu-
lis definierit Dauid peccatorum remissione.
Concedo igitur non fuisse expiata peccata san-
guine hircorum. Sic neque ipsa nos sacramenta-
lis aqua abluit, sed sanguis agni ynici tollentis
peccata mundi: neque panis ille aut vinum illud
(multò minus vestræ Chimæricæ species) nobis
vitam conferunt. Sed re certè paria fuisse illorū
& nostra Sacra menta, aut inania spectra fuisse
dicas oportet. Quid igitur? nempe *codem san-*
guine, sub diuersis Symbolis licet impari expres-
sione & efficacitate, in eodem Christo & illi
potiti sunt & nos potimus: venturo quidem
illi & solo iure, nos verò exhibito & de facto
quod aiunt. Rursum ergo inscitè signum vetus
non cum signo nouo, vt oportuit, sc̄d cum re
vtriusque Sacramenti comparas: neq; verò nos
ipsius Christi sanguinis reali in cruce effusione
præstitum nobis fœdus nouum diffitemur quod
*patribus erat promissum. Sed quod dicis *Christi**
sanguinem in Cœna fuisse exteriori aetione & Deo &
**hominibus oblatum* tale est vt nihil ineptius dici*
pōssit. Nam (vt de oblationis voce taceam quæ
ἀκύρως prorsus hominibus abs te tribuitur) aut
*Christum quoque facis idololatram qui homi-
nibus & Deo sacrificari, aut Christus non vni-
ca, vt ait Apostolus, sed dupli oblatione sui
ipsius nos redemerit, vna videlicet in Cœna, al-
tera in cruce. Est autem illud perbellum sanè
commentum quod homo peracutus excogitasti*
vt absur-

vt absurdum illud vitares: quèd videlicet unica tamen fuerit oblatio, quoniam sicut Moses unica oblatione partem sanguinis in crateras instillauit, parte verò altare aspergebat, ita Christus partem sui sanguinis in calicem miserit, partem in cruce profuderit. Itaque si tibi credimus, aut penè exanguis ab illa sacra Cœna surrexerit Christus, aut realiter potatum à discipulis suis sanguinem resumperit, quem partim in horto, partim inter carnificum manus rursum cum reliquo effuderit. Sed quid de carne ipsa dices, bone vir? num partem quoque illius pro panis substātia substituit, partem verò reliquam in cruce obtulit? & quis istius quæso, sanguinis substantiam partim à discipulis realiter potati, partim realiter à carnificibus profusi, resumpsit, vt rursum realiter toutes biberetur? Nec vos vñquam, rogo, istarum ineptiarum pudebit quibus Christiana mysteria deridenda propinatis?

Exagitamus abs te postea miris modis quòd Matthæi & Marci verba Hic est sanguis meus (Nam Beza scilicet interpretationem antea vt falsam conuicisti) ex illis Luca & Pauli verbis Hoc est nouum testamentum in sanguine meo interpretanda censeamus. Magnum scilicet piaculum, velle scripturam ex scriptura interpretari, quod tamen tu ipse facis. Vis enim in summa. Euangelistas mutuas sibi operas tradere, & quod Matthæus & Marcus suboscarius indicant, à Luca & Paulo illustrari: & contrà quod illi aperte dixerant, ab his ut satis perspicue dictum, omitti. Clare igitur illos quid detur expressisse, obscure verò significasse dari in eundi testamenti causa: istos contrà clarius docuisse

Cap.8. AD REPET. SAINCT.

quid eo corpore & sanguine fiat, quando & vli-
studi nouum testamentum ineatur. Atqui in huius
tuæ repetitionis capite quarto, ut perspicuitatè
verborū institutionis Eucharistiæ summam de-
monstrares, negabas Euangelistas mutuas hīc
sibi operas tradere sicut facere in obscurè dictis
solerent: quum nunc tamen fatearis in hac Cœ-
næ narratione alias ab alijs particulas adscribi,
quæ ab alijs prorsus omittantur, atque ita alium
aliā particulā vel immutare vel clarius explica-
re. Sed age hoc tibi detur quiduis cōminiscenti,
ut esse perpetuò tot deliriorū memor nō possis.

Sed in hac varietate, inquis, discors hæc concor-
dia non officit veritati, imò magnum affert adiumen-
tum, Nam si aliter fuissent intelligenda quæ omnes
(id est duo) Euangelistæ retinent immutata, Lucas
& Paulus in illo studio variandi detexissent latente
obscuritatem aut tropum. Illud quidem concedo.
Quis enim nisi planè blasphemus, Spiritum san-
ctum dicat repugnantia loquutum: imò cur scri-
pturæ locos inter se ad dijudicandas falsas inter-
pretationes vestras comparamus, nisi vt ex fidei
analogia & sententiarum congruentia falsitatem
vestrā redarguamus? Sed istā tuā consequutionē.
quis ferat? Quedam Matthæi & Marci in Cœnæ
narratione Lucas & Paulus non declarant, qui ta-
men obscuritatem quorundam aliorum dictorum illu-
strarunt, Ergo illa x̄t̄ rō p̄nt̄v absque ullo tropo acci-
pienda sunt. Quid si enim excipiam, idcirco hæc
non esse ab his declarata quod tropus prorsus
esset perspicuus, imò quod sacramentaliter de
Sacramentis loqui sit maximè propriè & diluci-
dissimè loqui? Iam autem videamus an Lucas
illud

illud Matthæi & Marci, *Hoc est sanguis meus noui testamenti, his verbis Hoc poculum est nouum testamentum in sanguine meo sit interpretatus.* Hoc quidem negas *Vis enim de re diuersa Lucam diuersissimo sensu loquitum.* Illos enim de eo quod datur, id est, de ipso sanguine loquutos, *Lucam verò quid agatur, quando & ubi ineatur istud testamentum.* Sed ut hæc omnia tibi concedam, quid hoc ad institutam quæstionem, Sintne verba illa per sacramentalem vulgatam metonymiam an nativa significatione accipienda? Nam siue rem eandem illi, siue diuersa diuersis verbis explicarunt, tam potest vtrinque tropus quam proprietas defendi. Ineptissimè igitur concludis. Sed ad rem, Tu vis apud Matthæum & Marcum pronomine τοῦ demonstrari quod dabatur. Volo & ego. Sed tu solum Christi sanguinem & quidem eiusdem Christi manibus in discipulorum manus datum, ego vinum quidem illud in poculo contentum Christi manu traditum dico, naturali & corporali modo in discipulorum manus: rem autem significatam, id est, verum sanguinem iamiam pro nobis fundendum à Spiritu Christi simul traditum discipulorum menti, spiritualiter, fide participandum. Apud Lucam & Paulum autem contendis per τοῦ ἀοιδῆς pronuntiari hac potionis ceremonia & ritu nouum illud testamentum per sanguinem verum Christi institui. Ergo nomine poculi, si tibi credimus, non vas ipsum, non vinum in eo contentum, non sanguis ipse Christi, sed ipsa bibendi actio significabitur, de quibus singulis videamus. Omnes illos Evangelistas inficiari non potes uno con-

sensu dicere Christum ante benedictionem accepisse, ac deinceps dedisse τὸ πολὺειον. Num verò sic ineptus fueris ut non vasculum ipsum, sed bibendi actionem aut ritum ab eo acceptum dicas? Quod si vas accepit, certè & *Vas* ipsum porrexit, ut illa tua regula quam nobis antea præscripsisti, hīc quoque valeat. Tam enim verum est quod manibus tenebat Christus, id quoque præbuisse discipulis, quām verum est quod præbuit Christus, fuisse à discipulis acceptum. Perridicula igitur est hæc tua commentitia diversitas, & ut obtineat tua interpretatio, poculum ipsum momento oportuerit in bibendi actionem noua & tuę quoque factio니 inaudita μεταμορφώσει transsubstantiatum. Fateor tamen quanuis ipsummet propriè poculum Christus & acceperit & discipulis porrexerit, non tamen ad ipsum vasculum sed ad liquorem sacramentalē in eo comprehensum discipulos propriè attendere iussisse. Nec enim Sacramentum est poculum ipsum, sed vinum eo contentum. Sed hoc neque causam tuam vel tantillum iuuat, neque sine metonymia continentis pro contento dici potuit, neque ullam essentię transmutationem requirit. Imò transmutata illius liquoris essentia, n̄ hil superesse dico quod habeat signi rationem. Iam verò sanguinem ipsum quasi in poculo contentum (ut antea velle videbaris) à Christo demonstratum fuisse per pronomen οὗτον ex Lucę verbis nunquam nisi inepissimè collegaris, ut antea probau. Quid enim fuerit hac oratione absurdius aut certè inusitatius? *Hic sanguis est nouum testamentum per meum sanguinem.* De-

nique

nique quum subiicit Apostolus, *Et ex poculo illo bibat quæso an vocem poculi poteris de ipsa bibendi actione intelligere, aut aliter in hac periodo, quām in ipsa institutione exponere?* Sed age, ponamus veram esse tuam interpretationē & perinde loquitos fuisse Lucam ac Paulum ac si scripisset, *Hic potionis ritus est nouum testamentum per meum sanguinem, quæ stultitia est nullū hīc tropum in ipsa attributione agnoscere?* Nam (ut præteream quod toties iam dixi, non tunc primūm institutum, non etiam propriè tunc primūm initum fœdus, sed eius sigillum nouum institutum est & usurpatum) quis fœderis ipsius nomen propriè competere dixerit aut sigillo iphi, aut eius appensioni, aut ipsi ritui, qui pactis conuentis adhibetur? Concludo igitur apud illos omnes nomine τὸ πότνιος in illa historia significari vas ipsum vini liquore plenum à Christo acceptum, discipulisque porrectum: non tamen ut in poculum attenderent, sed ut ad id animos ac fidem conuerterent quod illis in poculo porrigebat: ad vinum illud videlicet, non iam vinum commune corpori in hac vita fouendo destinatum, sed Vinum, verum veri illius pro nobis effusī sanguinis Sacramentum, nouique illius vitæ æternæ testamenti animis nostris obligandi sigillum.

Sequitur vobis syllabarum & dictionum enumeratoribus planè conueniens disputatio, *Mattheusne & Marcus an Lucas & Paulus formalia* (ut tu loqueris) *Christi verba sint eloquenti, quum semel duntaxat nec diuersis modis loquuntur esse Christum credibile sit:* Et concludis tandem

*Lucam & Paulum pro verborum Christi explana-
toribus habendos in altera, id est, posteriore, institu-
tionis parte. Nobis verò etsi religio est à verbis
institutionis discedere, multò sanè maior quām
vobis qui in vestro Canone (vt antè dixi) ne-
quaquam hoc seruasti : tamen nequaquam ita
vt vobis syllabæ & voces vidēntur numerandæ,
quasi & eas ipsas totidē voces enuntiarit Chri-
stus , & in totidem præscriptorum verborum e-
nuntiatione mysterium istud sit positum. Cla-
mitabis nimirum magnum hoc esse facinus, at-
que nō modò nos obiurgabis quod institutionē
Cœnæ ex Paulo potius quām aliis recitemus
(cui accusationi suo loco respondebimus) sed
etiam illud impudētissimum mendacium incul-
cabis , nihil magis cupere nos quām hominum ani-
mos ab institutionis verbis auocare. Sed quo sæ-
pius hoc repetes , eo maiori te crimine coram
Deo ac sanæ mentis hominibus alligabis. Vin'
igitur Euangelistas siue in hac siue in alia nar-
tione historica non summam sermonum Christi
sed illa ipsa totidem Christi verba religione
quadam certa expresſisse? Dic ergo nullam ha-
buisse concionem Christum quæ vel doctantē
horæ durarit. Quod si in hac saltem narratione
hoc ab eis tam præcisè obsernatum censes
(quum tamen maioris esse momenti constet do-
gmata ipsa quām sigilla fidei) age quomodo
Matthæum cum Marco, aut utrumque cum Luca
conferens , ab omissionis culpa illos liberabis?
Nam hic plura & alia quām ille uterq;, & Mar-
cus rursum plura & aliud quoddam dicit quām
Matthæus. Res autem ita se habet. Veritas hic
mos tuit*

mos fuit vetustis scriptoribus, præsertim sacris, imò etiam profanis historias scribentibus, vt eos ipsos quorum dicta & facta narrant, loquentes introducerent *διάβατην* quodam dicendi genere: in quo etsi nonnulla inesse verissimile est quæ totidem verbis illi dixerint, attamen certum est scriptoribus fuisse propositum summam rerum dictarum perscribere, non autem verba præscripta numerare, nisi fortassis ita peculiarem ob causam factum legatur, vt in decalogo certum est euenisse quod sua veluti manu tabulis consignauit Dominus, ac in legibus fortasse plurimis. Hinc quoque factum non dubito vt Euangelistæ sacræ istius institutionis historiam texentes, non quot verba dixerit, sed quæ quorsū dixerit Christus, præeunte Spiritu sancto scripserint, sic illos vt in aliis historiis gubernante Christi Spiritu, vt mutuas operas hīc quoque sibi tradi derint, & an his potius quàm illis ipsis totidem verbis Christus sit loquutus, querere non modò sit curiosum, sed etiam incantatoribus quàm Christianæ religioni conuenientius. Si tu aliter sentis, tua sententia fruitor. Nos certè tibi subscribere non cogimur, qui perinde Lucæ & Pauli vt aliorum verba, vt diuinitus enuntiata amplectimur.

Ista verò cuiusmodi tandem sunt? *Aduersarij,* inquis non constituunt in potionē sanguinem Christi, sed tantum eius symbolum.

Imò verò tu videris quo iudicio ista scripseris Nam si per potionem vinum intelligis, & credis sanguinem in vino realiter constitutum siue cum vino adesse: planè cum iis facis quos Luthe-

ranos vocas: sin verò sanguinem ipsum potionem vocas, quid absurdius quam in sanguine, sanguinem constituere? sin verò sic intelligis vñi accidentia sine subiecto, quid ineptius tunc sum quam substantiam dicere accidentibus inesse?

Sed in istis præterea quæ totidem verbis scripti vide annon manifestè prævariceris, Sicut Circumcisionis actio vocatur fœdus, sic potio dicitur fœdus propter eandem causam, quia nimurum est tessera testamenti. Euge, igitur, bone vir, si ita est ut dicis, id est, si hæc enuntiatio Hoc poculum (quid autem poculi nomine accipias nunc quidem nihil moror) est nouum testamentum, idem valet teipso interprete, atque Hoc poculum est tessera veteris fœderis saltem vel in Lucæ ac Pauli verbis metonymiam sacramentalē agnoscas, vel à teipso dissentias necesse est.

Agis postea contra nos quasi Cœnam Domini censemus ideo tantum institutam ut memoria passionis animo recolatur, & illa verba. Hoc facite in mei commemorationem hic detorqueamus, quæ accusatio nec vera nec verissimilis est. An enim usque adeò nostri obliti fuerimus? Imò quid aliud potius inculcamus quam Paulinum illud dictum de corporis & sanguinis communione, & illo mysterio quo fit Ecclesia os ex ossibus eius & caro ex carne eius? neque tamen propter ea solennem illam gratiarum actionem propter quam hæc actio Eucharistia vocatur, & publicam veræ nostræ fidei in publico cœtu professionem præterimus, propter quam σωματικης etiam dicitur. Frustra igitur probare studes duo diver-
sa h̄ic

*S*a h̄ic pr̄cipi , nēmpe *Comedite, & Recordamini,*
sive Annuntiate Mortem Domini. Nec enim à
 quoquā nostrū id negatur. Sed quod tu inter
 disputandum recōctum iam toties illud argu-
 mentum nobis reponis de corporali esu agni
 & victimarum , totum illud infior , neque
 noua refutatione egere puto , quum iam semel
 atque iterum ad istud responderim.

*P*lāget tamen h̄ic tua quādam expendere,
Christus, inquis, duo tradit aut vnum ex duobus
conflatum, corpus suum verum & sanguinem, cuius
effectum qui est in remissionē peccatorū apponit, &
signum exterius ac visibile: quod est Sacramentum &
monumentum, exhibens ipsummet corpus cum suo
effectu, & de utroque nos commonefaciens. Perma-
 ne verò , vt in vestris scholis loquimini , in his
 terminis rectè intellectis & inter nos conueniet.
 Nos enim usque adeò minimè vanam aut inanē
 esse sacramentalem coniunctionem arbitramur
 quin penè verius ipsum Christum nobis offerri
 quā illa signa fateamur. Remissionem autem
 peccatorum in illius solius Christi pro nobis
 passi communione ponimus : & signa idcirco
 proponi externis sentibus ut animus eò efficac-
 ius ad ipsius Christi & omnium eius benefi-
 ciorum perceptionem excitetur, credimus. Qua
 in re ergo dissentimus? quòd negatis coniungi
 rem & signa nisi ubi vnum est sit ipso situ etiam
 alterum : quòd sublato corporis nostri cum cor-
 pore Christi contactu reali , somniatis tolli i-
 psius Christi veram communionem : quòd de-
 nique signa visibilia in meras chimeras , nēmpe
 accidentia sine subiecto transformetis. Hæc sunt

Cap.8. AD REPET. SAINCT.

de quibus probandis laborare te oportuit, nec tibi monstra quæ debellares comminisci.

Si Christus, inquis, panem & vinum nudum exterius instituisset & præbueret, longè inferius & obscurius antiquis sacrificijs passionem Domini repræsentaremus in Cœna, inò periret ratio Sacramentorum & analogia inter signum & signatum. Obsecro verò si signum est aliquid in Cœna, quodnam illud est? species, inquies, panis & vini. Credideram quidem hoc te dicturum. Sed audiamus quid ipsa tibi veritas extorserit. Nam, inquis, quæ congruitas est inter passionem Domini & inter PANEM ET VINUM, nisi VNA CVM INSTIS adsit corpus quasi diuulsum à sanguine qui in passione effusus est, quique eam representat quam efficacissime? Ergo, mi homo, ut retineatur analogia signi & signati, à te extorsit veritas, ut panem & vinum adesse oportere in ipsa Eucharistia fatearis, ut verum quoque corpus & verus sanguis Christi in ea verè statuantur, itémque corpus in Eucharistia proponi veluti diuulsum à sanguine in cuius effusione passio Christi efficacissimè repræsentetur. Prius autem illud quomodo cum transubstantiatione, posterius quomodo cum calicis Ecclesiæ Dei erepti sacrilegio conciliare sic possis ut sophistā non agas, tu videris. Sed quod ad rem ipsam attinet, dico tum demum nuda & vacua statui Sacmenta quum vel dūtaxat μνησικα esse, vel externæ tātummodo Christianorum societatis testificande causa adhibita statuuntur, vel talis eis tribuitur significatio, ut quod significatur non etiam verē fruendum detur: quæ quoties nobis obiicis, toties

toties in veritatem peccas. At tu contrà nuda esse vis nisi rerum significatarum ipsa realis substantia simul eodemque loco adsit: quod si verè abs te diceretur, quid tandem, quæso, nobis de Baptismo statuendum esset? nempe aut nudum & inane esse signum, aut aliquid aliud quam sanguinem Christi per aquæ Sacramentum significari, aut in aqua etiam Baptismi, sanguiné ipsum Christi realem adesse. Deinde & illud falsissimum consequetur, nempe nuda fuisse vetera Sacra menta, quæ tamen nisi re paria nostris fuisse cum Augustino, immò re eadem fuisse, cum Apostolo ipso statuas, nihil aut parum admordum inter verum Deum & illū Marcionis præstigiatorem intererit. Quòd si fortè excipias re, id est, efficacitate & spirituali energiā, paria vetera cum nostris fuisse, primùm vide etiam atq; etiam ne à tuorum magistrorum placitis discedens inter hæreticos censcaris: deinde circunspice in quod præcipitum ruas, id ipsum statuēs quod euertere conaris. Nam si absque illa realis situs præsentia (quod sanè verum est) vetera illa Sacra menta efficacissima tamen instrumenta seruandis patribus fuerunt, aut plus illis tribues quam nostris, aut spiritalem quoque præbitiōnem nobis à Deo factā, & vicissim fide credentiū factam ipsius iam existentis corporis & sanguinis Christi perceptionem, sufficere ad hoc fatearis oportet, ut sua Sacra mentis veritas constet. Postremò quum dicis potiorem futuram veterum Sacra mentorum analogiam si corporalis illa coexistentia tua tollatur, vide quanto pere fallaris. Carnis, dices, planior est quam p. a.
h. ij.

Cap.8. AD REPET. SAINCT.

nis cum carne , & sanguinis quam vini analogia cum sanguine. Sed quid hoc ad vestrum dogma stabiliendum attinet, qui panis & vini accidentia sola manere censem? Verum enim illud esse fateamini necesse est , substantiae quam nudorum accidentium maiorē infinitis partibus esse cum altera substantia quavis conuenientiam. Verum alia quoque ratione falsissimum est quod existimas. Neque enim quod crassior & magisterrena eō accommodationior est sacramenti significationi analogia,idcirco instituta ut ad rerum cœlestium considerationem animos nostros subuehat. Alioqui non modò quod crassiora, sed etiam quod plura habuit Sacra menta vetus fœdus , eō præstantius foret nouo. Cur verò crassioribus signis egrent homines ante exhibitum Christum ratio est quod cœlestia mysteria multò minus patribus quam nobis essent patefacta. Quinetiam vide quam sit ineptum quod hīc affers, de corpore quasi à sanguine diuulso. Etenim si hac in re positum est analogiae veteris & nouae discrimen quis non videt illam isti præstare? Victimam enim ipsa coram iugulata, effuso palam ipsius sanguine, quomodo non fuerit expressius exanguis corporis signum? Imò illæ quas remanere vultis species, albedo videlicet & rotunditas, & gustus panis, quidnam habent cum accidentibus corporis humani commune, quod cernentibus oculis faciat ut corpus illud pro nobis crucifixum in mentem nobis veniat? Sic enim, & rectè quidem , Augustinus signa quoque sacramentalia definit. Res autem ita habet. Caro quidem carnem cognatiore analogia quam panis, & sanguis proprius

propius quam vinum sanguinem representat, si in se se simpliciter caro & sanguis spectentur. Sed corpus & sanguis in Cœna Domini, nobis non simpliciter qualia sunt in se, sed ut æternæ vitæ cibus nobis proponuntur. At panis ut corporis alimento, longè accommodator est ad æternæ vitæ cibum significandum quam caro. Et quod ad alterum signum attinet, sanguis plerunque solis oculis à patribus usurpabatur, postibus in unico duntaxat sacro ritu illinebatur, nec semper eo populus aspergebatur, eius autem cibus lege tam seuerè interdictus erat, ut ne suffocato quidem vesci domi liceret, nec eum potare fortassis alia gens unquam sustinuit, quam Satur epoto Sarmata pastus equo: & vos reales ipsius Christi aquanopis. At vinum, verū sanguinis Domini spiritualiter per fidem participandi Sacramentū, non spectandū, non illinendū, non aspergendū, sed bibendū, & quidē omnibus Christianis propinatur. Hæc est igitur congruëtia, quæ ut vera sit, fateor quidem hoc requiri ut verè quoque res significata detur: at nō eo quem somnias modo: & qui si admittatur, non iam erit in hoc duplice esu analogia sed ταὐτότης. Nam uterque corporalis fuerit, & eodem instrumento, ore videlicet ac dentibus, peragetur, eritque in ipso tantum cibo discrimen.

Dicis placere Caluino & Oecolampadio ut apud Joannem per aquam & sanguinem testificantes in terra, intelligatur Baptismus & Cœna Domini, unde colligis sicut realiter præsens est aqua Baptismi sic præsens statui Christi corpus in Cœna Domini. Prouoco ad Caluini commentarium in locum h. iij.

Ioannis ex quo impudentia tua summa redarguatur. Nec tamen propterea inficiamur scitè scripsisse Augustinum , Sacra menta Ecclesiæ ex latere Christi profluxisse. Allusit ergo Ioannes ad legales purificationum & sacrificiorum ritus, significans veram sanctificationem & expiationem ex Christo crucifixo manare : quod utrumque beneficium & veteribus illis Sacramētis significabatur, & nobis nunc exhibiti Christi effectibus, nouisque Sacramentis quasi ob oculos statuitur. Non est, inquam, usus aquæ & sanguinis nominibus Euangelista ut signa nostrorum Sacramentorum exprimeret, quanvis aqua videatur aquæ Baptismi respondere : sed alludens ad veterum Sacramentorum symbola ostendit eorum vim omnem in Christo nobis verè ac re ipsa præstari, quod & ipsa effecta & Sacra menta nobis in terra nunc clarissimè testificantur. Id autem ita esse apparet tum ex eo quod sanguis olim quidem erat signum, nunc vero non est signum sed res significata in Cœna Domini : tum etiam quod alterum quoque signum nempe panem Ioannes alioqui expressisset. Sic igitur sunt refutata illa tria vestra commenta, corporis Christi veritati, ipsiusque in cœlis collocationi, & ipsi Sacramentorum fini ex diametro repugnantia : quorum primum est, panem & vinum non esse Cœnæ Domini symbola, sed in ipsum Christum transsubstantiari : alterum sacramentalē coniunctionem idem esse atque ipsius carnis & ipsius sanguinis Christi substantiam realiter ad panem & vinum re ipsa accedere: tertium meras proponit chimeras, nempe species, siue accidentia

accidentia sine subiecto , corpus quantum non quantum, circumscripsum & nō circumscripsum, præsens & absens, introiens nostrum corpus & mox euangelis , dentes quidem murium at nequaquam hominum euadens & quid non?



A D C A P V T I X.

Ex priore ad Corinthios Epistola nihil minus quam transubstantiationem aut realem coexistentiam carnis & sanguinis Domini cum sacrae Cœnae Symbolis elici posse.

IC verò quoniam acumen ingenij tui venditare præcipue studuisti, age placet tua Enthymemata ordine dispone-re.

Apostolum, ais, non fuisse taciturum Corinthijs verborum institutionis sensum si quem alium à Domino didicisset Concedo ut eius reprobationem querere te minimè oportuerit. Sed hoc addo: quæ luce penè ipsa clariora sunt ijs qui vel prima Christianæ religionis elementa tenent (quod Christus videlicet illud verum suum circumscripsum corpus supra cælos intulerit, vnde non prius sit venturus, quam viuos & mortuos iudicaturus veniat: & quæ de Sacramentis sacramentaliter dicuntur, esse quoque sacramentaliter accipienda) nulla expositione vel illustratione noua indiguisse. Quod autem comminisceris hæreses de Cœna Domini fuisse inter Corinthios agitatas, de quibus etiam Apostolus Dominū consuluerit qui tamen nihil noui ab eo retulerit, quo tandem pudore cogitare nedum scribere ausus

h. iiiij.

es? Nam hac de re ne voculā quidem apud Apostolum inuenies, vnde id suspicari vel leuissimè potueris. Quis autem illum arbitretur tale quidpiam fuisse dissimulaturum? Et tu, quæso, quorū sum ista? nempe ut postquam hominibus persuaseris. Corinthios (ita enim scribis) *in eo errore versatos ut non pluris panem Eucharistie estimarint, quam alium communem, aut saltem alium cibum Deo aut idolis sacratum*, tu nos postea facias illo rū similes. At quo tandem iure?num enim sacrum panem eundem atque communem faciunt, qui illum vocant efficax veri corporis Christi Sacramentum, & nostræ cum Christo veræ consociationis sigillū? Imò quod de Eucharistiæ pane dicis quomodo cum tuæ trāsubstantiationis dogmate consentit, quod nullū pani locū in Eucharistia relinquit? Necesse est ergo ut per panē intelligas panis speciem, sed quaminam tandem? rotunditatēmne an albedinem? at qui non sunt hæc accidentia eiusmodi ut ex iis panem adesse necessariò coniicias? panes autem illos Azymos quos tūc edit Christus, quis te docuit albo colore & rotundos fuisse? Gustum autē miror quem tandem habeant accidentia, sine subiecto, id est, reipsa merum nihil: quo vno cibo si vester clerus pasceretur, næ plerique non tam pingues essent ventres. Hoc scilicet Euangeliū est quod Corinthios Apostolus docuerat. Denique quum ex illa Epistola liqueat inter Corinthios sic fuisse de idolothitis disceptatum, ut corrigendus eorum quoque error fuerit quibus erat religio idolothytis nullo modo vesci: quo iure illis hūc fœdissimum errorem impingis, qui si valeat, nullū inter-

inter Christianæ religionis tanta Sacra menta & idolothyta discrimen ponetur? Sed qua tandem conjectura niteris ut hanc illis immerentibus impietatem obiicias? quoniam, inquis, addit *Apostolus, panis quem frangimus nonne communicatio corporis Domini est?* &, *Non dijudicans esse corpus Domini.* Obscurò verò quæ hæc confidentia est? Vix enim credibile est, in quo etiam aliquoties antea peccasti, locum Pauli à te fuisse conspectū quum hæc tibi exciderent. Comperisses enim Paulo non esse propositum in decimo capite (unde prius illud testimonium depromis) agere propriè de aliquo Corinthiorum in Cœna Domini errore, sed de eo quod nonnullis religio non esset conuiuijs idololatrarum in ipsa idolorum æde celebratis, id est, impiorū sacrificiorum appendicibus interesse, eo prætextu quod idolum nihil esset, ac proinde polluere cibos non posset, quum præsertim ipsi melius essent instituti neq; idololatriam approbarent. Illorum igitur pernicisum errorem corrigens Apostolus, inter alia argumenta hoc etiam nititur longè grauissimo, quod conuiua illa essent partes idolorum cultus, quo sese idololatræ dæmoniis addicebāt. Hoc autem probat ex ipso eiusmodi conuiuorū fine, exemplum sumens à legalibus sacrificiis à Deo institutis, in quibus qui sacrī epulis (parte videlicet oblatæ viætimæ) vescebantur, suam cū vero Deo consociationem sic testabantur & ob-signabant. Et quia in locum illorum sacrificiorum legalium successit Cœna Domini, hoc quoque urget Apostolus, quasi his verbis ytens. *Sacrum autem illud Christianorum*

epulū quorsum & in quē præcipuè vsum ac finē
à Domino institutū est? nempe vt cū ipso Chri-
sto vniāmur & coalescamus. At Christo cum
dæmonijs nulla prorsus est societas. Ergo si vul-
tis in Christo permanere , & communionem cū
eo seruare , necesse est vt ab iis conuiuis absti-
natis , quibus hominum cum dæmonijs socie-
tas sancitur. Quod igitur ait de Cœna Domini
Apostolus , vt concessum assūmit , sicut fieri in
argumentando oportet: nedū vt Corinthios do-
cere velit discrimen esse statuendum inter Cœ-
nam Domini & idolorum epulas. Sic & nos ho-
die nostrorum aliquos eodem prorsus argu-
mento à vestro Idolomanico toto cultu deter-
remus non vt illos doceamus quod satis norunt,
aliud esse sacram Domini Cœnam , quām ve-
stram execrabilem oblationem , sed vt quum
hoc norint , simul attentè considerent illius nul-
lam appendicem esse ἀδιάφορη , nec se posse mé-
sæ Domini , simul & vestrorum dæmoniorum
fieri participes. Iam verò quod ad alterum lo-
cum attinet , Non dijudicans corpus Domini , pri-
mùm deprehenderis corruptarum sacrarum ta-
bularum reus. Nec enim scripsit Apostolus Nō
dijudicans esse corpus Domini , sed , Non discernens
sine non dijudicans corpus Domini . neque verbum
διαφένειν pati potest vt verbum οὐ subaudiatur ,
vt pote quod in ea significatione semper sit trā-
fitium. Sed id voluisti nimirum ad tuum com-
mentum accommodare , quasi Corinthij non di-
judicarent (id est non iudicarent neque apud se
existimarent) cibum illum esse corpus Domini
sed perinde vt cibum vulgarem haberent , adeó-
que

que nō pluris quām idolothyti facerēt. Verūm, præter quām qđ absoluta est à Paulo superiore capite quæstio de Idolothytis , cui tandem sano hominī persuaseris , vel Corinthios , quibus se tradidisse dicit Apostolus quod à Domino acceperat, in illā impietatem decidisse, aut si decidissent, Paulū qui leuiculum præ ista impietate delictū tam acriter in ipsis reprehēdit , vt etiam hoc quod agēbant Cœnam Domini esse neget, istud fuisse penitus dissimulaturum? penitus , inquam. Nam in cōtextu ne voculā quidē inueniri dico vnde hoc coniici possit. Si mihi non credis crede Chrysostomo in hunc locum non aliter scribenti , quām si ad tuas ineptias respondendum sibi putaret. Non minus ineptè factum illud Corinthiorum in eo sitū fuisse scribis quòd sc̄e ad Cœnam Domini non ea qua decet veneratione præpararent. Neque enim hac indecentia quanuis minimè ferenda Apostolus ad tā grauem illam sententiam pronuntiandam esset commotus. Hoc ergo Corinthij non ἀντὶ πεπονιῶν duntaxat , sed contra ipsius Cœnæ Domini institutionem , atque naturam faciebant, quòd & lautitijs indulgerent , & pauperes fratres aspernarentur , quum Cœna Domini non ad paſcendum, nedum ad saginandum corpus , sed ad vitæ æternæ verum & vnicum alimentum percipiendum , & ad mutuam cum fratribus in uno Christo sanciendam coniunctionem sit instituta: quamobrem etiam monet Apostolus ut deinceps domi potius / sublatis communibus Agapis) cibum capiant. Quanuis igitur Apostolus ab hypothesi ad thesin ascēdens generalem in

Cap.9. AD REPET. SAINT.

eos sententiam ferat qui indignè ad Cœnā Domini accedunt, non debet tamen hoc Corinthiis nisi in eo in quo peccabant applicari: ac prōinde quicquid h̄ic profers, præterquam quod falsò in nos dicitur qui nunquam Cœnam Domini cum vulgari cibo aut cum nudis figuris cōparauimus, audaciā simul & imperitiā tuā patefacit.

Sic corrunt quæ tam putri fundamento imponis, Apostolum videlicet in tam magna difficultate, id est, in Corinthiorum dubitatione tollenda de fide Eucharistiae non fuisse fundamentum iacturum à figurata loquutione, sed suo more fuisse præfaturum aliquid, veluti, *Sacramentum hoc magnum est, dico in pane & corpore Domini*, vel *Istud in figura corporis sui tradidit Dominus*. Certè quum his nugis tuum illud ingens volumen farcires, iusto Dei iudicio excæcatum fuisse te oportet: nec alio te responso dignum arbitror.

Subiiciis tot penè calumniarum quot verborum plenam disceptationem de verbo *Frangendi* in illo Pauliloco τὸ ἔργον τοῦ κλάωματος, *Quod pro vobis frangitur.*

Prima igitur hæc calumnia est quod dicas censes nos ex fractionis appellatione, nō nisi symbolū corporis & panem à Christo demonstrari, & tradi, quoniam fractio fuit à Christi corpore in passione prorsus aliena.

Altera calumnia est quod frangere accipiamus pro distribuere ut apud Esaiam, *Frange esurienti panem tuum, unde etiam colligamus non obseruari ritè institutionem Cœnæ Dominicæ*, nisi præterquam quod panis porrigitur, etiam frangatur. *Quod utrumque*

que ex eo confutat quod hoc non dicitur nobis sed pro nobis, id est, pro nostris peccatis dari & frangi.

Respondeo utrunque calumniam ex tuis ipsius verbis patere, qui fatearis Caluinum votum πλώμε pro immolatione accipere. Num enim ita nos ineptire cuiquam persuaseris, ut dicamus symbolum corporis pro nobis immolatum? Te ipso igitur iudice non solum panem nobis frangi, sed etiam pro nobis corpus ipsum immolatum nobis vere dari docemus, quia ne si in manus quidem ipsas millies (ita ut vultis) daretur, nobis tamen nisi semel pro nobis immolatum, nunquam prodeisset. Ideo Paulus Euangelii predicationem paucissimis complexus, quum sese dixisset unicum apud Corinthios Christū nosse, addit & quidem crucifixum & in institutione Cœnæ additum est, *Quod pro vobis datur, & Qui pro vobis funditur.* Manifestus es igitur hac in re calumniator, ut & in altera. Neque enim fractionis ritum sacramentalem ea qua dicis ratione conquerimur à vobis prætermissum, sed quod nos Christus facere quod fecit, ideoque panem cui benediximus, frangere iusserit. Tunc enim hoc negabis? Imò quum in alia repetitione tantopere vrgeas panis fractionem, ut etiam in historia duorum illorum viatorum Emauntē post resurrectionem proficiscentium, pro Cœnæ Domini actione accipi velis hoc in nobis reprehendere audes, quo sublato, Cœna Domini nullo modo possit per fractionē panis intelligi?

Reprehendis quoque Caluinum ut contextus depravatorem, quod existimet ex Hebraicæ linguae proprietate tempus praesens in futurum commu-

tandum, neque Frangitur dicendum sed Frangetur.

Debuisti ergo locum Caluini citare. Nam in harmonia Euangelica & Paulo præsens tempus seruauit. Sed quod ad rem ipsam attinet, quæ hæc rursum impudentia est, quum tu ipse eadem pagina fatearis Latinos maxima ex parte legere futuro tempore *Tradetur*, proculdubio pro *διδόμενον*, ut etiam (quod astutè præteriisti) *Fun-detur* pro *ἐνχωρόμενον*, audere tamen Caluinum ut diuini verbi corruptorem accusare, quòd κλώμενον vertendum censem Frangetur? Hoc quidē verum est, et si non temerè Christus præsentis tempore usus est, ut fidei vim & energiam ostendat, qua olim factum est ut veteres quasi præsentem diem Domini in veteribus Sacramentis viderint, & nunc fit ut rem præteritam (mortem videlicet Domini & corpus ipsius quanuis longissimè à nobis disstium) velut ipsis oculis in nostris Sacramentis intucamur, & veluti manibus palpemus: tamen illud διδόμενον & κλώμενον ad rē mox sequuturam respicere, ac proinde non modo ineptè sed etiam impiè à te scribi, sacrificiū corporis & sanguinis Domini in ipsa Eucharistia eo fundari quòd dicatur corpus in ipsa dari, frangi, & exhiberi pro nobis, & poculū effundi pro nobis. Quid enim est ineptius quām ex Sacramento sacrificium facere? & quid magis impium quām Christum dicere sese Deo Patri sæpius pro peccatis hominum in sacrificium expiatorium obtulisse? Quid? quòd supra capite septimo tu ipse hac quæstione proposita an potuerit Christus apponere corpus suum loco agni paschalis ante mactationem & passionem, non refugisti ad hoc

hoc duplex sacrificium, sed his verbis rectè respondisti, *Respondemus Christum quasi mortuum habitum fuisse & sepultum, ideoque à Magdalena perunctum, atque alia nonnulla per anticipacionem dicta factaque.*

Sed age de ipso Frangendi verbo dicamus. Rides Caluinum (Monachus videlicet vrbanus) qui nouum significatum excogitauit quū frangi declararet accipi pro immolari, quia pro peccatis nostris in cruce sit attritus, aut, ut vult Petrus Martyr, propter animæ à corpore in cruce factā separationē. Hanc autem interpretationē duplicitate refutas, Vna quod in usitata sit scripturis, ipsi s̄q; adeò Grammaticis, hæc significatio verbi κλώψεων. altera, quoniam neque corporis symbolo fracto conuenit, ut pote quod non sit pro nobis fractum neque symbolo corporis fracti, quoniam fractio corpori competere in se nequit, nec ista particula pro vobis pani aut symbolo conuenire. Caluini autem hæc verba sunt, *Ego, sicuti Paulum ad panis fractionem allusisse fateor, ita hic Frangi positum interpretor pro immolari, impropriè quidem, at non absurdè. Nam ut cunque nullum ipsius os mutilatum fuerit, corpus tamen ipsum tot torturis & cruciatibus, deinde crudelissimo mortis supplicio expositum, non potest illæsum dici. Hoc frangi vocavit.*

Cedò verò quid in his verbis meritò reprehenderis? Frangendi verbum bis positum esse ab Apostolo inficiari non potes, ac priore quidem loco pro distributione siue dispensatione accipi non posse, illud ostendit, quod alioqui esset ineptissima ταυτολογία in fregit dedit: propriè denique fractionem ibi intelligi & de ipso

Cap.9. AD REPET. SAINCT.

signo dici res ipsa clamat , & vos ista cantiuncta testamini, *Nulla rei fit scissura, Signi tantum fit fractura*:posteriore verò loco quin de re significata , puta corpore dicatur, ne tu quidem negare possis : propriè tamen id non conuenire corpori tutemet fateris. Translatitiè igitur sumatur oportet. Quid ergo declarabit? Tu quidem his verbis Catholicorum tuorum sententiam explicas, *Catholicorum, inquis, præstat sententia & fides qui credunt in Cœna non tantum nobis sed etiam pro nobis Christi corpus frangi ac dispensari.* Tibi ergo *Frangi* posteriore loco idem valet atque *Dispensari*. At cui tandem dispensari dices pro nobis? Nempe aut nobis aut Deo pro nobis. Illud tu quidem innuere videris , sed paulò post transformans Sacramentum in sacrificium(quæ sanctæ *μελαπόπωσις* dura est, quum Sacra menta instituta sint ut à Deo promissa accipiamus, sacrificia verò ut à Deo mandata offeramus) mauis *Frangi* verbum explicare pro *Dari & Exhiberi*. sed cui? nempe Deo: sed à quo? nempe à Christo ipso , aut à sacrificio, idque pro nobis. Sed quinā à sacrificio nisi quia prius à Christo? Ergo duo unius Christi fuerint sacrificia & quidem realia, duo, inquam, & tempore diuersa: vnum prius videlicet in Cœna , alterum posterius in cruce, Deinde quum certum sit allusione ad signi fracturam facta dici de corpore quod frangatur ; & res ipsa clamet in signi fractura verbum fregit non posse accipi pro *dispensauit* siue *distribuit* (quia scriptum est *Fredit, Dedit*) cuius tandem analogiæ fundamento nitetur illa tua interpolatio , *Quod frangitur, id est, Quod dispensatur pro vobis?*

pro vobis? præterea quinam factum putas ut Frangere pro Dispensare accipiatur? nempe ex patris familiæ more qui non solidos cuique panes discurrēti familiæ, sed frustum cuique suum distribuere cōsueisset, idque fractū potius quam cultro sectum, quod planioribus panibus uti solerent Hebræi. Hoc ita esse si mihi non credis, eruditos istic Hebræos consule. Vobis igitur qui sublatō sacramentalis fractionis ritu, cruxula illa vestra in os ingeritis, quinam constabit illa translatitia interpretatio? Præterea si Frangi pro Dispensari siue Distribui accipitur, quo pudore ausus es omnem tropum ab institutionis Cœnæ verbis paulò antè tam seuerè excludere? Deniq; quum in posteriore tua interpretatione, Frangi accipias de sacrificio, annon eam ipsam affers interpretationem quam in Caluino reprehendis? sic tamen ut in eo plurimam inter vos interficit, quod tu quidem in ipsa quoque Eucharistia Christum reipsa sacrificatum fuisse & quotidie sacrificari contendis, Caluinus verò vnica cāq; semel peracta Christi oblatione cum Apostolo contentus, datum velit in prima Cœna mox sacrificandum, & nobis iant olim Deo semel sacrificatum dari. Quod igitur garris in illis verbis Quodfrangitur provobis, nō conuenire frangendi verbum symbolo, id est, pani, vt qui non possit dici fractus pronobis, sed nobis detur & frangatur, verè à te diceretur de participio πλάψει, nisi in nos à te diceretur perinde acsi non ipsum corpus, sed eius duntaxat symbolum nobis in Cœna dari censeremus. Sed & in eo peccas quod Dari & Frangi ponas tanquam synonima, quum (ut antea dixi) diuersa sit à datione fractura, &

dationi etiam præcat. Et quod demum negas
Frangi conuenire ipsi corpori in se, tuam ipsius
interpretationem conuelli. Es enim illud antea
pro dari & dispensari interpretatus: quod si ne-
gas corpori in se conuenire, te ipsum ergo to-
tum retexe, qui totiesiam affirmaris nihil in
Cœna præter ipsum corpus demonstrari, & sub
speciebus panis dari. Quid quod tandem veluti
superiora omnia expungens, in hæc tandem ver-
ba desinis? Reclamè omnia congruunt, inquis, si hoc
esse corpus Christi dixerimus quod in Cœna pro no-
bis sub specie panis frangatur. Ergo frangere non
iam pro dispensare, nec pro Deo offerre, sed pro-
pria significatione acceperis, nisi fortasse fallor.
Verum hic tibi explicandum illud supererit, quî-
nam tandem partibilia esse velis accidentia que
nulli partibili materiei, id est, nulli subiecto in-
sint. Nam si corpori ipsi Christi inesse dixeris,
fractum imprimis id esse oportuerit. Postremò
irridere quoque nominatim bellissimam quan-
dam (vt tu ait) meam interpretationem, tu sci-
licet bellissimus homo, voluisti, qui *Hoc est cor-*
pus meum quod pro vobis datur, interpreter, *Hoc*
est symbolum corporis, quod corpus pro vobis
datur. Nam, inquis, *Paulus non tantum scribit da-*
tum pro nobis in mortem, sed frangi, quod ei in mor-
te non accidit, quum κλαδες sit proprietas panis &
non corporis. Refellens ego rancidam & centies
millies refutatam illorum calumniam qui sacra-
mentalem metonymiam perinde in nos retor-
quent, acsi inde consequeretur censere nos sym-
bolum corporis, non autem ipsum corpus, pro
nobis esse traditum, dixi in illis verbis *Quod pro*
vobis.

vobis traditur seu datur , relatiuum *Quod* non ad vocem symboli sed ad vocem corporis à nobis referri. Nec enim docere nos panem illum esse corporis symbolum, quod symbolum pro nobis datum sit : sed panem illum esse symbolum eius corporis, quod corpus pro nobis sit datum. Hæc tu igitur quum sic detorques acsi locum Pauli propriè sic essem interpretatus, quid aliud quām sophistam agis? Sed benè est quòd *Frangi* dicis esse *panis proprietatem*, panis videlicet illius. Nam alioqui quid prohibet quominus corpus etiā aliud omne sit partibile? Obsecro enim si ita est, annon fractionem omnē à Cœna remoues , qui nec corpus in sece fractum in frusta fuisse velis (& quidem rectè) nec panis substantiam materiémue vllam in Eucharistia statuas? nos verò sic sentimus, verè ac propriè frangi panem, cuius ritus verè sacramentalis , ac proinde in Ecclesia obseruandi, analogiam vt Paulus declararet maluit pro διδόμενοι substituere κλάωματα , ostendens fractione signi repræsentari ingentes & nobis incomprehensibiles illos cruciatus quos & corpore & animo redemptor ille noster in cruce sustinuit. Addo nunc & illud, allusisse mihi videri Apostolum ad sacrificandi morem; quo victimæ non modò iugulabatur , sed etiam post omnem effusum sanguinem detracto corio in aliquot partes & frusta , ne exceptis quidem holocaustis , dissecabatur. quo ritu dubium non est quin in illa truculenta corporis Christi laniena cum terribili animæ ipsius veluti lacratione coniuncta, fuerit adumbrata. Sed ad scripturam , imò & ad Grammaticos prouocas. At
i. ij:

qui non dixit simpliciter Caluinus *Frangi possum pro Immolari*, sed tormenta & cruciatus quos Christus in crucis sacrificio sustinuit ita significari. Tibine verò durius etiam non videtur quempiam fractum, contritum, attritum, etiam animo dici, quod decem minimū vocibus hebræis significatur? *Quinetiam*, quod insolentius multò videri possit, πόνος ἀποταμεῖν. Apud Latinos verò simili translatione non modò lacerandi vox ita usurpatur, sed etiam secare dicitur podagra, nisi fortasse tibi non satis Romanè loquutus videtur ille tam re spūcissimus quam loquendi formulís terfissimus poeta.

Sed hoc quod subiicis argumentum planè mirificum est. *Paulus*, inquis, recitata Eucharistiae institutione subiicit, Itaque quicunque indignè manducaverit panem hunc. Certè per Itaque aliquid ex præcedentibus auferre voluit. *Quomoda* verò contranatur & suum morem, si figuris & tropis scatet oratio, ex figurato sermone quem antea proprio sensu non reddiderit, aliud probabit? Nouus certè & inauditus disputandi canon, vt ex figurato sermone nisi quem prius proprio sensu explicaris, conclusio nectinon possit. Dele igitur omnes parabolarum non explicatarum conclusiones. Sed minimè necesse est vt huc deueniamus. Tantum enim abest vt tropus Metonymiæ sacramentalis sit inusitatus & obscurus, vt contrà vix aliter homines signis ytentis loqui consueuerint

sueuerint, & sicut ante ex Chrysostomo obseruaui, ideo non fuerint turbati hoc sermone discipuli quoniam multa iam hac de re & magna cum eis Christus disseruerat.

Contendis præterea corporis & sanguinis nomine similiter & eodem significatu, proprio videlicet ac nativo, in ipsa institutione accipiendum atque in his verbis, *Reus erit corporis & sanguinis Domini, in quibus nos fateamur pro naturali & substanciali positum.*

Id ego verò totum concedo, &c, ut omnem tibi semel istarum ineptiarum occasionem præcidam, scito nos, quum panem dicimus siue esse sacramentaliter corpus Domini, siue esse symbolum corporis Domini, non aliud quam verum illud & unicum substancialie Domini corpus pro nobis traditum intelligere, quod tamen neque de parte aliter quam Metonymia sacramentaliter dicatur, neque aliter quam sacramentaliter adsit, neque alio quam fidei organo spiritualiter percipiatur. Scito & illud, *Quum ad Cœnam Domini indignè accedentes dicimus reos fieri corporis & sanguinis Domini, verum illud Christi corpus & verum sanguinem Christi intelligere.* De his igitur tribus non de illo priore quaeri abs te oportuit.

Rectè igitur postea de ipsa mandatione corporis incipis disserere, quam ut duplē in Eucharistia esse probes (vnam videlicet præsentis re ipsa corporis quæ ore ac dentibus, alteram spiritualem realiter præsentis, quæ non nisi spiritu & fide fiat, quarum hæc sit ad illam rectè & utiliter agendam præparatio) hoc argu-

gumento vteris. Si corpus tantum spiritualiter ederetur in Cœna fruſtra requireretur probatio ſui ipſius quia nemo poſſet illud niſi dignè, fide videlicet praeditus edere. At Apoſtulus probationem & dijudicationē regari, proposito grauiſſimo aduersus indignè accedentes iudicio. Ergo alium eſam præter illū spiritualiſter requirit, corpora ēm videlicet, ad quem oporteat utramque ſeſe per illum ſpiritualē diſponere ac præparare, ut iram Domini ex indigno videlicet Chriſti corporis eſu conciliatam vitare poſſit. Denique ſi ſpiritualiter duntaxat edi poſteſt Chriſti corpus, ſi fides defuerit aut vires suas non obierit, non iam indigna erit corporis manducatio ſed nulla. Hoc tuum igitur eſt argumentum cuius nullam à me præterinillam partem opinor. Sed quām ineptè, quæſo, diſputas? Si ſola fide, ſpiritualiter corpus Chriſti eādītur, non edunt illud qui fide carent. Concedo. Ergo non eſt iſta manducatio indigna ſed nulla. Concedo. Non rei ſant igitur iſti corporis & ſanguinis Domini. Nego. Nam qui ne ſumere quidem dignatur, & ſacra quæ ſumere ſe simulat, tanquam canis & porcus conculcat, annon magis peccat quām qui ſumit quidem, ſed non ita pro rorſus ut debuit comparatus? Sed tu præſupponis quod falſiſſimum eſt, nempe, Edere indignè panem hunc atque bibere hoc poculum idem valere atque Edere ipſum reale corpus Domini & Bibere ipſum realem ſanguinem Domini indignè, quod tu Paulo affingis: ridiculè id quidem ac etiam impiè, quum Sacramentum, id eſt ſignum, & res Sacramenti ſignificata, duæ res ſint, ſemper quidē à Deo minimè mendaci, duobus tamen diuersis modis & duobus obiectis, propositæ: ſignum

gnum videlicet corpori, corporeo & externo modo accipiendum, res autem significata menti, spiritu & fide spiritualiter sumenda. Deinde etiam si sola fide corpus editur, non tamen consequitur dignè semper edi à fide præditis, ac proinde superuacaneam esse Pauli doctrinam de sui ipsius probatione, & inanem illam grauissimi reatus denuntiationem. Nam qui ipsam quoque rem Sacramenti, fideli quidem, at non ita ut decuit comparato animo percipit, grauem pœnam meretur: neque ex eo tamen altera ista tua commentitia præsentia vel manducatio idcirco statuitur. Sed tibi videntur quicunque panem hunc edunt, & poculum hoc bibunt, siue dignè siue indignè accedant, corpus Domini accipere, & Domini sanguinem bibere. Ego vero quid tibi videatur non laboro, sed quid Apostolo videatur, id demum probo. Apostolus vero non corporis, non sanguinis, sed panis huius & poculi huius indignè sumpti meminit: ita videlicet significans unde hic reatus promanet, nempe ex eo quod & Sacraenta (panem hunc videlicet & hoc poculum) & rem ipsam Sacramentorum, id est, sacramentaliter oblatum Christum, vel prorsus infidelitate sua sint aspernati vel socordia ac non satis accurata pœnitentia sumentes, Deum non leuiter offenderint. Audiamus tamen quibus pigmentis spectrum istud tuum adornes.

Ex commixtis, inquis, corporis & signi proprietatibus liquet nusquam à Paulo separari signum à corpore, nec contrà, quoties de Eucharistia loquitur. Enim uero mihi homo, vel tace, vel sic loque-

re ut intelligaris. Quas tu verò mihi panis, quas corporis proprietates narras, qui panem quidē sua substantia, corpus verò sua visibili specie, & organici veri corporis humani dimensiones polles? Sed hoc voluisti significatum opinor, sic inter se signum (siue sit illud verus panis substancialis, siue panis in chimæram transformatus) & corpus Domini conflari, vt re ipsa vnum cum altero sit eodem loco inseparabiliter situm, ac proinde vnum cum altero corporeis organis necessariò sumatur. Sed quomodo tandem id probabis? nempe postquam veritate in corporis Christi, & ipsius veram à nobis emigrationem, vique ad alterum ipsius aduentum, Sacramentorum denique finem funditus euerteris. Ne quid tamen hīc tuo more calumnieris, quasi vestra illa reali & substanciali exclusa coniunctione seu ferruminatione, signa vacua statuamus, scito nos vsque adeo veracem esse Christū agnoscere, vt in legitima Cœnæ ipsius actione nunquam corporaliter offerri corporalia signa credamus, quin id quoque quod verbo sacramentali exprimitur, & externorum symbolorum analogia repræsentatur, verissimè quoque menti spiritualiter per fidem sumendum proponatur: quod nostrum responsum quò magis ridebis, eò magis omnibus exercitati in sacris iudicij hominibus deridendum te ipsum propinabis. Pergis tamen & inquis, Paulum dicere in eo peccari, quod panis nō existimetur corpus Domini, sed aliquid aliud ab ipso corpore censeatur. Imò nequaquam fuit vecors vestro more Paulus qui signū pro re acciperet, quod meritò ridet Augustinus: neq; Non discernere

discernere corpus Domini apud Apostolum declarat panem aut panis species pro ipso corpore Domini non habere, sed propositū sacramentaliter Christi corpus, quantæ sit dignitatis munus non attendere : neque Sacmentum , rem tanto usui destinatam, à re aliqua vulgata distinguere.

Quid plura? Contendis etiam aduersum nos multò minus peccare qui Christum repellat , quām qui indignè recipiat. idque probas centurionis exemplo qui Christum repellendo ne peccarit quidem quum multentur ac digni censeantur in quos puluis pedum excutiatur qui admissum hospitem Christum indignè exceperint.

Deus te compescat Sophista. Nam quæ hæc impudentia est? Agimus de iis qui Christum in mensa ad quam accedunt oblatum non sine impietate aspernantur : tu verò nobis Centurionē, quo nullus maiorem in Israele fidem habuit, pro exemplo proponis. Sed diuino planè iudicio factum video ut hoc exemplum sumeres , quo vix ullum profectò ad vestrum delirium redargendum magis appositum deligi potuit. Nam à vobis quidem Christus , nisi realiter præsens eius corpus non modo inter manus & dentes , sed etiam intra vestra viscera , certè non admodum honesta domicilia, statuatur , absens & inutilis existimatur. Quid verò contrà Centurio? Nō opus est, inquit, ut domus meæ tectum corpore subeas, sed quanvis corpore absens , iube tantū quid fieri apud me velis, & mox fiet: quod Centurionis dictum Christus , & verbo & re comprobauit. Et certè tantum abest ut Centurio Christum sic loquens repulerit , ut contrà vera

fide totum sit illum amplexus quæ in nobis hodie quoque requiritur , siue ad verbum nudum, siue ad Sacmenta accedamus. Contrà quum eos dicis pulueris pedum excussione multari qui Christum hospitem indignè receperint, rursum confidentiam tuam summam ostendis, ut qui ne hîc quidem locos illos Euangelistarum consucriunt qui disertè de iis loquantur qui missos à Domino non exceperint, neque sermones eius audierint. Rursum igitur pudendum errorem hîc admittis , ea videlicet conscientia qua miseræ plebi quiduis quasi ex Dei verbo depromptum dictare consuevisti. Ceterum illud ego non infiector tui pius ciici quâm non admitti hospitem. Sed rursum hic fecum facis. Nec enim de iis tantum aginus qui exceptum repellunt ad vomitum reuersi quorum conditio posterior plerunque est priore deterior & quorum fides est ~~adprobata~~ vel fidei potius simulachrum , quique Christum vix in vestibulum ipsum intromittunt; verùm de iis etiam qui vera fide prædicti , domū ipsam usque, at non ita ut fieri potuit ac debuit ornatam Christum admittunt , & postea castigati, agnito errore, domi retentum colunt & obseruant. Quod autem subiicis Caluino authore Sacramentum fieri ex pane & corpore Domini sciuntur quantum cælum absit a terra , per fidem & intentionem sumentis, non autem verbis Christi prolatis ex quo consequatur infideli seu fide carenti ne effici quidem Sacramentum nedum ut ei offeratur : in eo planè Diabolum , id est, mendacissimum calumniatorem agis. Nam docemus quidem ex certissima Euangelii historia , corpus Christi

nunc

nūc alibi nō esse, neque alibi ad alterum vsque ipsius aduentum futurum quām supra omnes cælos, in quos ascendit, siue (vt ait Augustinus) vsq; adeo h̄c in terris nunc non esse (secundum corpus) vt etiā ē cælis venturus speretur, ac proinde si de præsentia locali agatur, tanto nunc spatio corpus Christi , quod in cælorum cælis est, à pane qui in terris adest abesse, quanto cæli cælorum à terris absunt. Docemus & illud , magicæ incantationis esse prolationi certorum verborū confectionem Sacramentorū tribuere. Sed quæ tu calumniator ex istis colligis , nempe seiungi à nobis panem à corpore vt vacua signa sint , & confectionem Sacramentorum siue , vt apertius loquar, mutationem rei communis in Sacramētum, fidei sumentis à nobis tribui vt absque fidei sumentis ne signa quidem sint , abs te impudentissimè configitur. Primum enim , vt de illo prius dicam, ad effectum fœderis vel pacti cuiuscunque vel primūm ineundi seu cōfirmandi vel aliquo modo renouandi , quicquam facit rei de qua in fœdere aut pacto agitur, vel præsentia vel absentia quod ad loci sitū attinet, imò ne rei quidem ipsius existentia necessariò requiritur. Quid enim obstat quominus tam possim' longissimè, imò etiam nondum extans aliquid quām præsens aut iam in rerum natura extans donare? &, vt ad nostram controvërsiam proprius accedam , quid obstat quominus absentem etiam maritum sibi acquirere quæpiam mutuo consensu possit? Nec enim ignoras nostram, id est, Ecclesię cum Christo , coniunctionem mysticam ac spiritualem, cum corporali coniugio sic passim comparari, vt hæc illius esse quædam imago meritò vi-

deatur. Quod si excipias, sicut ad plenā consummationem coniugii, & vt duo vna caro euadant, præter illum consensum à quo pendet ipsius cōiugij vinculum requiritur realis corporum copula, sic ad hoc de quo loquimur Ecclesiæ, atque singulorum eius membrorum & Christi connubium, requiri corporis Christi realem præsentiam & contactum qui externa reali manducatione fiat: respondeo hoc ipsum esse in quo plurimum hallucinatis, vt qui à corporalibus spiritualia non discernas. Cedò igitur, cur illa corporum realis & terrestris coniunctio ad illud coniugium requiritur? non quia corpora sunt, sed quia matrimonii illius finis est per mutuam illam corporum realem copulam genus suum propagare. At in hoc altero coniugio illud spectatur vt mysticum & merè spirituale corpus coalescat: ac proinde vt finis eius spiritualis est, sic spirituum vtrinque organo & instrumento coniunctio hæc fiat oportet, quanvis non soli spiritus, sed ipsi toti homines (nempe fideles) cum Christo homine sic arctissimè connectantur: quemadmodum si nō ex corporum ipsorum sed ex solatum mentium cōnexu hominum corpora propagarentur, copula illa realis corporum minimè ad terreni coniugii consummationem desideraretur, sed ipso solo animorū cōsenſu perageretur. Ad istam autem personarum quæ mente & voluntate fit copulationem nequaquam realis contrahentium eodem in loco præsentia necessaria est, quū longissimè etiam absentes in eā rem de qua agitur (agitur autē hīc de mutua

vnius cum altero verissima quidem sed spirituali ad spiritualis vitæ fruitionem communione) vvere & efficacissimè consentire possint. Verissimā igitur & arctissimam nostri cum ipsomet Christo coniunctionem qua sit ut omnem spirituale sensum ac motum ex ipso sicut membra ex capite hauriamus, & quæ quotidiana verbi auditio ne & Sacramentorum legitima sumptione in dies magis ac magis adstringitur, ipse Spiritus sanctus nullo locorum obstante interuallo, interueniente tum Christi ipsius sese nobis insinuantis voluntate, verbo & Sacramentis testata, tum accendentium fide, illum ad se ultrò venientem amplectente. Deinde quum Christus ille verus sit Deus inseparabiliter simul & hypostaticè cum assumpta carne vnitus, qui proinde nullo loco secundum deitatem abest, concedam quoque tibi non inuitus carnem ipsam Christi à signis ipsius sacramentalibus in terra positis mininè abesse, sed καὶ ἄλλο, siue secundum totum Christum non secundum totum Christi, id est, quatenus cum deitate à qua assumpta est, hypostaticè cohæret, ne me forte vel cum Brentio Eutychianum factum putes, vel nobiscū αὐτὸν ponere, id est, Christi carnis proprietates simul statuere & abolere. Quod si demum excipias sic non aliter Sacramentis quam aliis vbiique locis Christum præsentem statui, concedam ita quidē videri, sed plurimum quod ad finem & effectum attinet hanc ab illa præsentiam differre, adeò quidem ut vniuersalis illa Christi personaliter considerati præsentia sit veluti quoddam

Cap.9. AD REPET. SAINCT.
absentiæ genus. Quamobrem etiam Christus de
Patre & de se loquens, ad eum (inquit) venie-
mus & mansionem apud eum faciemus, quin
tamen propriè loquendo venire aliquò dici ne-
queat qui vbique est præsens. Sed verū est quod
dicit Augustinus, esse quidem Deum vbique
sed in solis sanctis habitare. Sic vbique etiā rei-
psa adest Christus personaliter, non autem se-
cundum humanitatem distinctè cōsideratus, sed
in solo verbo & solis Sacramentis adest electis
suis ut sese illis insinuet. En tibi quomodo, &
quo sensu corpus Christi ab illo pane, & sanguine
Christi ab illo vino seiungamus.

Sequitur alia nihilo minor calumnia. Prædi-
cant, inquis, *Caluinistæ absentia effici præsentia per*
fidem & ob id per eandem nobis reddi præsentijm
Christi corpus toto cælo à nobis dissitum. Infideles igi-
tur quum eiusmodi destituantur fide non habebunt
quo illis offeratur corpus. At tu rursum vide si po-
tes quām calumniosè nobiscum agas. Nam aliæ
sunt profectò offerentis seipsum Christi quām
hominis Christum recipientis partes. Quo igi-
tur pudore quod de hominibus Christum fide
recipientibus dicimus, ad Christum sua potentia
& bona voluntate seipsum offerentem traducis?
Si Sol sese tibi è cælis conspiciendum præbeat,
tu verò oculos clauseris aut aliò conuerteris, ob-
tulerit quidem ille sese tibi, &, quod ad ipsum se
offerentem attinet, quanquam longo locorum
interuallo à tuo corpore dissitus, tibi tamen pre-
sentem sese stiterit: at tibi tamen quod ad eius
perceptionem attinet præsens non fuerit. Sic
Christus cuius corpus supra cælos nunc est & a-
libi

libi nusquam, sese nobis vnico fidei oculo aspi-
ciendum, ac etiam eiusdem fidei manu verè
prehendendum quibusuis velut in speculo. Ver-
bi & Sacramentorum offert. Quòd si quis vel il-
lis fidei oculis careat, vel eos nullo modo adhi-
beat, non magis erit ei præsens quod ipsi offere-
batur, quàm si nunquam oblatum esset. Itaque
quod olim Pissiaci & semper alias sensimus &
sentimus de fidei efficacitate ad hoc ut corpus
Christi sit in Cœna præsens, calumniosè à Spen-
sæo primùm, deinde à te & aliis deprauatum est
quum quod diximus sumentium respectu, ad
Christum offerentē traduxistis. In summa, quid
efficit ut quod verbum auribus & Sacmenta
oculis quibusuis fortis renuntiant, verè quoque
spiritualiter, & cōmunicationis ineffabilis (non
autem loci) respectu præsens præbeatur? sola
Chrtisti nunquam mendacis potentia & volun-
tas, verbo ac signis sacramentalibus testata. Quid
autem efficit ut res in se ita vti diximus quorū-
uis accedentium menti spiritualiter oblata, à so-
lis tamen fidelibus mente cernatur & percipia-
tur, ac proinde, hoc respectu, solis illis sit præ-
sens? fides per Spiritum sanctum donata & per
eundem efficax. Quæ subiicis de diuersis indi-
gnorum speciebus, nulla indigent refutatione,
nisi in eo quòd omnes quātumuis indignè acce-
dentes vis nihilominus corpus & sanguinem
Domini, id est, res Sacramento significatas reci-
pere, quod tu quidem nunquam probabis. Nam
quæ tu citas ex decimo capite nihil ad aliquem
Corinthiorum in Cœna Domini errorem per-
tinere antea ostendimus. Deinde quod adiicis

non posse apud Paulum de pœna tēporatia intel-
ligi Iudicij nomen, si ad id respicias quod pec-
cata etiam leuissima merentur nisi pœnitentia &
fide interueniente eluantur, tibi concedo: sin
verò ad pœnas referas quibus consuevit Domi-
nus suos non ut seuerus Iudex perdere, sed ut pa-
ter castigare, perperam id abs te fieri dico. Nam
quoddam etiam est iudicium quod incipit à do-
mo Domini 1 Petr. 4,7. Illud autem omniū ine-
ptissimè scripsisti, probari nobis vestrā senten-
tiā, qua docetis quādā esse peccata quæ non æternis
tormentis sed in isto seculo (vel etiam futuro) transfi-
turis, puniantur, ne cogamur illa in altero seculo lue-
re. Imò absit ut vel vlla alia quām crucis Chri-
sti pœna tolli peccata dicamus, aut remissionem
peccatorum in Christi sanguine adeptis alias
superesse pœnas in præsenti seculo satisfactorias
luendas somniemus. Et quod ad futurum se culū
attinet, auertat à nobis Dominus insanam &
impiam purgatorii fabulam, vbi satisfactio pro
peccatis vlla persoluatur. Imò peccata omnia
suapte natura mortem æternam mereri ex Pau-
lo didicimus, quam pœnam vnicus pro credenti-
bus Christus totam penitus persoluit: idcirco
nec perituris vñquam electis, nec reprobis ser-
uandis.

Venio ad illud vnde secundo loco tuam illam
externam oris manducationem probari liquidò
posse credis, nempe ex eo quod Apostolus con-
demnationi addicat indignè manducantes, vt grauiſ-
simum hoc scelus esse oporteat: deinde ex eo quod
tam anxiè de præparatione verba faciat, qualis neq;
ad agni paschalis, neque ad panum propositionis e-
sum

sum requirebatur. Imò ne externam quidem illam munditiem & ceremoniam ad manna escam , aut potum aquæ ex petra quæ etiam iumentis profluebat , requisitam fuisse. Quinetiā istam suip̄sūs examinationem ne parvulis quidem baptisandis irrogari , quæ tamen in illis fuisset necessaria , si ut tu nos sentire dicis , Agnus paschalis , panes propositionis , manna & potus aquæ ex petra , tam fuissent efficacia signa corporis & sanguinis Domini quām est Eucharistia & nunc in Baptismo requireretur , si p̄e Baptismo nihil plus de corpore & sanguine Domini contineret.

Sed hīc rursum vide quām vana hæc sint argumenta. Primum enim falsissimum est quod dicis parē à nobis efficaciam veteribus signis & nostris tribui. Deinde ineptè colligis si qua inter illa & nostra est imparitas , eā positā esse in re ipsa significata. At nos è contrario Apostolum ducē ut & Augustinus sequuti , vetera & noua Sacra menta docemus re paria vel potius eadem fuisse , sed significantiora & augustiora : quod omnino statuendum est tum ob mysteriorum salutis maiorem infinitis partibus in nouo fædere p̄espiciatatem , tum ob analogiam Saeramentorum miris modis euidentiore. Collapsa igitur tui argumenti basi , quod superstruxisti corruat oportet : neq; mirū est quò propius & euidentius Rex ipse nobis sese patefacit , eò expressius moneri subditos ut dignè principem suum excipient. Sed de hoc præterea non deest quod appositè , ut spero , tibi respondeam. Obsecro igitur , tam anxie illæ immundorum ad sacrificia accendentium purifications externæ , an vana fuerunt simulachra ; ac non potius totidem vehementissimæ , ipsisque

k. j.

Cap. 9. AD REPET. SAINCT.

externis sensibus repræsentatae eius ipsius probationis, pœnitentiæ, ac fidei conciones, quas ad legitimum usum Cœnæ requirit Apostolus? Quid illæne increpationes aduersus circuncisitos corde, illa horrenda fulmina toties aduersus eos contorta qui ad sacrificia impuris animis accederent, vanâne fuerint terriculamēta? & ne excipias intra verba constitisse has minas, illa filios Aarons deuorans flamma, illa Oziam feriens dextra Altissimi, quod arcā præcipitem ipse ad hoc non sanctificatus fulcire tentasset, non satis demonstrant patres non minore quam nos religione accedere ad suos sacramentales ritus iussos: Quid quod sub Ezechia agnum paschæ à non sanctificatis comesum iisdem proflus pœnis, morbis videlicet ulti Dominus dicitur 2 Paralipom. 30.18, & 20. quibus aduersus Corinthios usum esse testatur Apostolus? De manna verò & aqua ex petra profluente idem non fuisse mandatum atque de rebus propriè sanctificatis, nemo mirabitur, qui res illas sic fuisse spirituales (sic enim nominat Apostolus, id est, sacramentales) expenderit, ut proprius illatum usus esset quotidianus & communis, & Sacra menta non essent nisi καὶ οὐκέτενός. At è contrario panes propositionis propriè erant Sacra menta, ut & victimarum carnes: & corporum alimento καὶ οὐκέτενός seruiebāt. Itaque nulli immundo istas vel contingere citra horrendam pœnam, illas verò solis mundis Sacerdotibus edere fas erat. Denique quod ad Baptismū attinet, in baptisandis infantibus nostris maiorem quam olim in corundem circuncisione non requiri præparationem

tionem nemo sanæ mentis mirabitur, quum & horum & illorum par ætas non patiatur. In adultorum verò, id est, proselytorum circuncisione requisitam fuisse veræ religionis professiōnem etsi non legimus, dubitati meritò non potest. In Baptismo itidem adultorum multò etiā exquisitiorem & accuratiorem probationē quam in Eucharistia requiri consuetam, ex catechesibus veterum, & additis postea infinitis penè ritibus apparet, ut si inde faciendum sit de præstancia Sacramētorum iudicium, Baptismus Eucharistiæ videri possit anteponendus; sicuti certè plus est nasci quam semel natum nutriti.

Tertium tuum argumentum est huiusmodi. Ut is qui purpuram regis aut imaginem violauit, reus alicius culpe agatur qua ad regem referatur, non tamen ei fuerit aquandus qui in ipsum regem manus iniecerit, aut alio qui maiestatem ipsam leserit. Num etiam Iudei, si duntaxat nudam figuram corporis Domini in crucem sustulissent, tot pœnarum rei agebentur quot nunc aguntur, ex eo quod verum & substantiale Christi corpus tam indignis modis excruciantur? Nemo quoque unquam dixit immeditata Manne mandatione aut panum propositionis corpus Christi violari, aut imperfecti Christi crimen à Iudeis admisum, & damnationem certissimam inde sequuntam. At Paulus indignè Eucharistia utentes statim æternae morti obnoxios pronuntiat, & illorum peccato & damnationi exequat, qui Christum ipsum vietæ & Sacramentorum authorem nefarie trucidarunt; aut contumelia & irreuerentia affecerunt. Itaque Eucharistiam apertissime distinguit Apostolus à puris signis & symbolis corporis & sanguinis Domini:

Respondeo à nobis quoque non omnia sacra signa pro Sacrementis propriè sic vocatis haberi: Quædam enim ex illis duntaxat fuerunt typi ut arca Noe, Agar & Sara, transitus maris: quædam etiam rerum præteri tarum μυημόσιωα, vt mannae in vrna asseruatio, Aaronis virga, acerui multi lapidum, altaria quoque nonnulla: quædam futurarum rerū maximarum εἰκόνες, & σκιαζεψφίαι, de quibus copiosè in Epistola ad Hebreos agit Apostolus: quædam denique propriè vocata Sacra menta quæ promissiones habuerunt adiunctas, ut circuncisio, sacrificia, purificationes & quæcunque sunt eiusmodi. Itaque quò sacramentius, augustius, expressius fuit aliquod signū, eò seueriorem pœnam merebatur eius contemptus aut violatio. Itaque contemptor Circumcisio, aut impurus accedens ad sacra, exterminatur ex populis suis: qui sabbatum violavit iubetur lapidari, & huiusmodi terribiles minas horrenda iudicia sunt subsequuta. Quantò maiores igitur pœnas merentur nouorum Sacra mentorum contemtiores, quæ tot modis præstant veteribus, & in quibus ipsem Christus non iam venturus sed exhibitus cum omnibus suis beneficiis quasi oculis ipsis conspiciendum, & quasi manibus palpandum se præbet? Sic enim argumentatum Apostolum non ignoras Hebr. 2, 2. & 10, 28. Itaque Sacra mentorum quoque contemtiores ferit istud tonitru, *Qui non crediderit condamnabitur.* Sed quām est, quæso, ridicula hæc consequitio? Adiudicantur æternis pœnis contemtiores Eucharistiae, distinguitur pœna seueritate Eucharistia à nudis figuris adde etiam si libet, à ceteris Sacramentis, Ergo in panis transsubstantiati specie

corporaliter & realiter adest Christi corpus. Et tam
 men hæc tua est solidissima vel potius stolidissi-
 ma Theologia. Respondeo præterea, quanis
 æternas pœnas sæpe Dominus in ipsa quoque iræ
 vasa patientissimus, in castigationes, pro bonita-
 te sua, cōmutet, interdum leuiores interdū gra-
 uiiores: & futuræ non sint omnes damnatorum
 pœnæ pares, ut testatur Christus Matt.ii,24: ta-
 men vniuersalem esse hanc sententiam Aposto-
 licam, Stipendum peccati mors est. Etenim si o-
 riginalis sola corruptio facit ut filii iræ, ac pro-
 inde ignibus æternis digni nascamur, quanto
 magis id merentur in quibus radix illa amarissi-
 mos actualium peccatorū fructus ediderit? Nul-
 lum ergo peccatum tam leue esse dico cum aliis
 grauioribus collatum, quin propterea quod ad-
 uersus infinitam Dei maiestatem cōmissum est,
 infinitam quoq; pœnam æternæ mortis mereat-
 tur: & illud venialis & mortal is peccati discri-
 men si aliter intelligitis, diabolicū & execrabilis-
 simū esse dogma affirmo. Quemadmodū autem
 omnia peccata natura sui lethalia sunt, ita (vni-
 co illo excepto quod nunquā remittitur) omnia
 in eo per fidem apprehenso qui solus tollit mun-
 di peccata, venialia fieri & gratis condonari do-
 cemus. Christus verò cum suis beneficiis, tum in
 verbo simplici tum in Sacramentis per fidē magis
 ac magis apprehendendus proponit. Ergo
 si quis Christū nobis loquutū, & pro nobis pas-
 sum, ullo modo in verbo vel Sacramētis contē-
 nit, iræ Dei fit obnoxius: & hoc esse dico, Reū fie-
 ri corporis & sanguinis Domini: quod tamē spe-
 cialiter in pfanatores Eucharistię dicitur ppter
 k. iij.

Cap.9. AD REPET. SAINCT.

quòd speciali quadam analogia, corpus & sanguis Domini spiritualiter per fidem participanda præbentur, & mortem Domini cum gratiarū actione profiteri in illa a ctione iubemur. Peccet igitur gravius qui regem ipsum quām qui imaginem eius violant: peccati multo gravius Iudæi Christum ipsum crucifigentes quām si fœneam eius imaginem suspendissent, vtrinque tamen pœna capitalis statuitur. Et quorsum hoc ad tuam illam præsentiam & manducationem stabilendam? Quod autem Chrysostomus præser-tim & Græcus Icholias tes Apostoli verba sic accipiunt, vt qui indignè accedunt similes dicātur carnificibus, qui Christum ipsum crucifixerunt, non efficit rāmen quod tu contendis. Aliud enim est simile esse quām parem, nec etiam quisquis par est, in omnibus est æqualis.

Quarto loco vteris hoc argumento , Si non signum carnis & sanguinis sed caro ipsa & sanguis conferunt vitam, ita quoque non signum ipsum indignè sumptum parit mortem, sed ipsa caro & sanguis, id est, Christus ipse & corpus eius, alijs cedunt in vitam, alijs in mortem: alijs in resurrectionem, alijs in ruinam, propter variam manducantium dispositionē.

Respondeo multiplex esse in hoc argumento peccatum. Ac primum quidem in eo quòd vel hunc panem, & hoc vinum à rebus vulgaribus non distinguas, vel quæ sit dignitas sacramentalium signorum non animaduertas. Dico igitur non temerè sacramentalia signa à rebus communibus distingui, ac proinde in illorum indigna usurpatione duplicem reatum contrahi: vnum videlicet ac præcipuum relatè ex rerum signifi-catarum

catarum contemptu, tanto maiore quanto pre-
ciosiores illæ sunt: alterum verò absolutè ex eo
quod res ipsæ tanti momenti sacro usui diuina
institutione destinatæ, aliter quam deceat tra-
ctentur. Quū autem uterque hic contemptus in
Deū ipsum directè redūdet, meritò Iudicii pœ-
nā hoc utrumque scelus mereri pronuntiat Apo-
stolus, de posteriore quidē agens his verbis, *Qui*
manducarit indignè, &c. de altero verò hac for-
mula, Non discernens corpus Domini. Hoc tuum
igitur non leue peccatum est in eo quod usque
ad eo pro nihilo nunc quidem habes signorum i-
psorum contemptum, ut totum reatum ad rem
significatam referas, sicuti mox ostendā. Neq; id
mirum quum pro signis in Cœna Domini nihil
præter res quæ nusquam sunt, inanes videlicet
species quas vocas, siue accidentia sine subiecto,
constituas. Ex hoc autem errore alter nascitur
multò etiam grauior, quod Christum ipsum ut
vitæ ita etiam mortis causam facere omnino vi-
dearis: in quo dupliciter rursum falleris. Nam &
ad vitam & ad mortem concurrunt quidem Sa-
cramenta ut media quædam, (sicut & verbum
simplex) non tamen quasi vim illam vivificā, sibi
propriam, Deus signis ipsis inserat, quemadmo-
dum (verbi gratia) panis vim habet alendi cor-
poris à Deo inditam (qua in re scholastici
nonnulli vestri valde haliucinantur) sed qua-
tenus & verbo & signis externis, veluti in-
terposito pignore, ad animos nostros certiores
de bona sua in nos voluntate reddendos utitur,
quod beneficium impunè contemni non sinit.
Verum illud interest quod ad vitam profundit
k.iiij.

suo modo, ex ipso signorum vsu, mors autem nō ex ipsis vlo modo, sed ex vna abutentium culpa emanat. Ad rem autem significatam, id est, ad Christi corpus & sanguinem, siue ad ipsum Christum quod attinet, aio nunquam illum nisi ad vitam percipi, nec posse aliud quam vitam & salutem ex ipso in nos emanare: ac proinde ruinam & ultimum exitium non ex ipso Christo indignè percepto proficiisci, sed tum ex signoru abuso, tum multò magis ex eo quod Christi corpus & sanguinem recipere nonnulli neglexerint. Itaque quum ex verbo ~~σταχύων~~ colligis tuam illam specierum panis & corporis coexistentiam his verbis vtens, *Antequām hic panis discernatur esse corpus Domini, oportet ut ita sit, alioqui falso discerneretur, non modo ridiculus, sed etiam falsarius deprehenderis.* Nec enim scripsit Apostolus μὴ σταχύων τὸ ἄρτον τίτος, τὸ Καὶ τὸ ψεύτικόν, non discernens hunc panem esse corpus Domini, sed *Non discernens corpus Domini, id est, neque hunc panem considerans non ut communem panem manducandum, sed ut corpus ipsum Christi sibi apponi: neque rei tantæ, quanta est ipse Christus, præstantiam attendens.* Totum istud igitur τίτος τὸ ἄρτον τὸ hunc panem esse commentitum est glossema à te excogitatum, quod & ipsa à te citata exempla verbi ~~σταχύων~~ transfiūt positi docere te potuerunt. Nec tamen etiamsi scripsisset Apostolus panem hunc esse corpus Domini discessisset à Christi verbis, sed quæ ad tuum stabiliendum commentum nunquam te iuuerint, donec duo falsissima idoneis argumentis confirmaris: nempe vnū & idem esse panem illum &

illū & corpus Domini, & nisi corpus ipsum Domini eo ipso loco situm esse ostenderis vbi est panis ille, & absque hoc suam Sacramento veritatem constare non posse. Descendis tandem ad Pauli locum vbi panem quem frangimus dicit esse corporis Domini communionem quem quum scriberes sic me velle attendi ut Eucharistiae institutio relinquatur, tum in me certè tū in tuam ipsius cōscientiam peccasti, neque mihi longius abeundū est ut hæc tua fœda calumnia refellatur. Mox enim ipsem et subiicis postulare me ut ex illius Pauli loçi collatione, verba institutionis illustrentur. Cedo verò, bone vir, qui vnum locum ex altero exponendum contēdit, an alterum dīci potest expungendum suadere? Sed age videamus plūsne scientiæ quām conscientiæ ad hanc disceptationem attruleris. Tibi non placet Christi verba Paulinis illis exponi. Cedo quamobrem? Äquius enim est priora posterioribus quām ista ex illis explicari: neque facile cuiquam persuaseris, ab Apostolis obscurius dicta quæ perspicuè ex suo magistro audiissent. At enim, inquis, testatur eo loco Paulus se obscurius loqui tanquam prudentibus & mysteriū Christi intelligentibus. Ergo falsum est quod iterum hīc incutas quasi satis non esset semel errasse: Corinthios nimirūm quos hīc compellat. Apostolus putasse Cœnā Domini esse quiddā indifferēs & inter Christi & idolorū cultū claudicasse, nec pluris estimasse quām idolothytum, & quām si nihil aliud esset illa quām alimentū panis Deo dicati, ut cetera obsoniorum genera quæ ante eū immolabantur. Hoccine verò est prudentē jam esse, & mysteriū

Christi intellexisse? Quid quòd ipse Apostolus testatur Corinthios non fuisse tentatione nisi humana captos? atqui non humana sed planè diabolica tentatione fuissent irretiti, si ab Apostolo tam probè & diligenter edocti, in eam quā dicis hæresin essent prolapsi. Imò saltem meminisse te oportuit quid hoc ipso capite scripsisses, *Apostolum*, videlicet, *fundamenta doctrinæ de Eucharistia his verbis apud Corinthios iecisse*, ac proinde figurata loquitione, ut obscuriore videlicet, usum non videri. Itaque te à nobis dissentire minimè miror qui tantopere à te ipso dissideas. Sed & in eorum tursum Sophistam agis quòd quæstiones permisces. Nec enim isto prioris ad Corinthios Epistolæ decimo capite vel tantillum Apostolus de Eucharistiæ negotio, sed de idolothytorum duabus speciebus agit, quarū alteram prorsus interdicens & argumentū à fine & scopo Cœnæ Domini desumens utitur hac præfatione, ut Rom.7, *I. scientibus legem loquor, Ut peritis loquor, Indicare vos quod dico*, sicuti facere mos est, quoties inter disputandum ex iis quæ sunt aduersariis nota, argumentum sumimus, ut velut à seipsis redarguantur. Nihil hoc verò ad sermonis vel perspicuitatē vel obscuritatē probandam pertinet, sed ad repugnantes eò fortius ex ipsomet eorum sensu reuincendos spectat. *Quum autem usque adeò turpiter ut Cantherius in limine impegeris, agè quam pulchrè progrediare consideremus.*

Primùm tibi non placet in his Pauli verbis, *panis quem frangimus est corporis Domini communicatio*, panem pro naturali & materiali positum,

positum, sed propter tantam quæ intercesserit mutationem ut panis naturalis esse desierit, cibū in genere significare: idque dupli ratione probas. Vna quod in altera parte Apostolus non vinum in specie designet sed portionem in genere, & ei interuenire benedictionem significet, ante quam astmetur esse corporis Christi communicatio: altera quod Apostolus mox scribat omnes Christianos de uno pane & uno calice participare, quod quum de materiali pane & calice non possit intelligi (Omnes enim Christiani viuius & eiusdem materialis panis participes nequeūt effici) de uno Christo & corpore eius reali interpretari cogimur.

Nos verò contrà contendimus panem ipsum materialem h̄c & in tota Cœnæ actione intelligi, non tamen absolutè ut panem, sed relatè, ut Sacramentum videlicet, & quidem in suo vsu consideratum, extra quem etiam Sacramenti rationem non habet. Itaque repugnantia quam inter nos à te dissidentes esse dicis in nomine panis interpretando, nulla est: & apertè calumniaris quum panem dicis à nobis perinde intelligi ac si nihil ei immutationis accidisset. Quis enim nosti unū mutationem sacramentalem vñquam est inficiatus? sed tibi nimirum mutatio nulla videtur esse, nisi substantia ipsa rei transmutetur. Verūm age tuas rationes expendamus. Priorem ineptissimam esse dico, ex tua ipsius sententia. Contendis enim Apostoli verba ex institutionis verbis explicanda: At Euangelistas ut panem ita etiam ~~nō~~ ^{non} itidem nominasse ante benedictionem inficiari non potes. Quòd si valeret tua consequutio, nempe non panem naturalem

In specie sed cibum in genere pro ipso corpore Christi à Paulo significari, quoniam vinum postea in specie non nominatur: efficietur hoc quoque, Christum dici ab Evangelistis non panem naturalem in specie, sed cibum, id est, corpus ipsum suum & accepisse & fregisse: ac proinde iam tunc panem esse panem desississe quum illum acciperet. Deinde quum benedicendi verbum ut apud Paulum sic apud Evangelistas quoque præeat fractioni, consequetur rursum, si tua ratio valeat, Christum semetipsum re ipsa fregisse. Nam frangere pro distribuere apud Evangelistas, ut antè dixi, accipere non potes, apud quos distinctè dicitur Christus id quod acceperat fregisse ac deinde dedisse. Præterea quū ex tua sententia cibus ipsum Christi corpus identicè declareret, age p Cibo si Corporis ipsam vocē substituimus & dicamus, *Hoc corpus est cōmunicatio corporis mei*, quid ineptius hoc sermone cogitari possit? Sed age pro his verbis, *panis quē frangimus*, legamus, *Cibus quem frangimus*, an inde identicam esse enuntiationem euiceris, quum verum & naturalem panem à Christo acceptum, & discipulis ad edendum præbitum constet? Relinquitur ergo & panis nomine sacramentalem quidem sed verum tamen ac materialem panem, & poculi voce sacramentale quidem sed verum & materiale vinum in poculo contentum intelligi. Alteram autem rationem, id est, tam puerilem paralogismum miror à te iampridem Magistro in Israel proficisci potuisse. Itaque te ad pædotribas remitto, ubi tibi suggeratur, Vnum non modò ad omnia prædicamenta, sed etiam in singulis

in singulis prædicamentis & ad genus & ad speciem non minus quàm ad singula indiuidua accommodari. Nec te illud iuuat quòd omnes vnum etiam numero corpus esse dicimur, mysticum videlicet, quo modo ~~etiam~~ innumerabiles mystici numero panes, Vnus specie panis mysticus dicuntur.

Non minus etiam lepidè confignis (& quidem citatis in albo tui voluminis aliquot falsissimè notatis testimoniis) inter nos qui à te dissentimus non conuenire, sítne fractio illa, cuius Apostolus seu Christus meminit, signum, an instrumentum, an tessera, an obsignatio, an confirmatio corporis participati, an verò duntaxat conuentionis & fœderis cum corpore participato: quasi videlicet ista non sint ὅμοια, si quis sophisticen seponat. Ut autem istarum tibi ineptiarum occasionem præcīdam, scito nos inter signa ponere non tantùm illa materiata (puta aquam in Baptismo, panem & vinum in Cœna Domini) sed ipsos quoque ritus sacramentales à Christo institutos: ideoque vos in hoc quoque detestari, quòd sublata fractione pulchrè scilicet cauistis ne quis huic quæstioni locus relinqueretur. Fractionem verò panis ut & præbitionem & manducationem propriè accipimus, & à Christo his verbis *Hoc facite* mandatam non dubitamus: qua voce tamen Apostolus in priore parte, ut benedictionis in posteriore, totam hanc sacram actionem significarit.

Sed bene profectò nec absque diuina prouidentia accidit ut hæc tibi de corporis & sanguinis voce, de cuius communione

Cap. 9. AD REPET. SAINCT.

hic agitur, nobiscum disputanti exciderint. Cor-
pui ipsum Christi, inquis, hic à Paulo intelligi o-
mnes aduersarij fatentur, quorum nullus negat nos
reddi participes veri corporis Christi, sed in modo di-
scrpant. Vnde colligis in ipsa quoque institutione
Eucharistia corpus Christi pro naturali scribi & a-
gnosci ab Apostolo, quum hic eadem de re sermo ha-
beatur. Nos verò & hoc & illud tibi concedimus.
ac proinde quoties aduersum nos antea perinde
disputasti, & postea perinde disputabis, ac si po-
sita sacramentali metonymia nudum panem,
aut inane corporis Christi symbolum nobis dari
corruptis noui testamēti tabalis, sentiremus, me-
mineris te coram Deo & hominibus nimium
impudenter nos calumniari. Vos pro signis chi-
meras (species videlicet ipsis idēis Platonicis
multo inaniores) substituitis, nos verum panem
& verum vinum statuimus. Et vos & nos pro re
Sacramenti Christum ipsum (nisi fortasse
in vobis fallor) ponitis: sed vos quidem cor-
pore non corpore, sive quanto non quanto, præ-
ditum, nos autem verum veris essentialibus cor-
poris qualitatibus præditum Christi corpūs in
Cœna spirituali usui & vitæ destinata, spirituali-
ter fidei adesse, & dari, & ab eadem verè percipi
docemus. Vtri igitur integrum Sacmentum
seruant? De modo, inquis, disceptatur. Ita esto. Ne
igitur quæstiones transferro, & magnum ad di-
judicandam totam hanc controuersiam aditum
pateficeris.

Progressus ad vocis κοινωνίας explicationem, va-
riis eius acceptonibus allatis quas aliunde ad
verbum descripsisti, concludis accipi posse κοινω-
νίαν

Vix & pro consociatione cum Christi corpore, & pro traditione sue exhibitione, quæ fit per distributionē panis & calicis, & pro perceptione sue participatio- ne qua donamur per panis & calicis susceptionem.

Vidēris autem maximè approbare Illy-
rici sententiam distributum corpus interpretā-
tis. Caluini verò expositionem maximè planam
ac perspicuam explicas admodum iejunē, ac eō
tandem delaberis ut hīc dicas aduersum nos tria
luculenter decidi. Horum primum esse vis, *In-
dignos quoque corpus Domini participare. Nam, in-
quis, Apostolus alloquiiur Corinthios indignos, qui
putabant Cœnam Domini esse aliquid indifferens,
nec pluris eam estimabant quam Idolothytum. Ita nē
verò oblitus es eius quod paulo antè scripsisti,
Corinthios istos tam fuisse mysterij Christi in-
telligentes? Sed istos quos modò tam intelligē-
tes modò tam imperitos facis quid tandem do-
cet Apostolus? discrimen, inquis, esse inter Eucha-
ristiam & Idolothytum. Et ubi rursum illa myste-
rii Christi tanta intelligentia, si hoc isti erant do-
cendi? Sed quodnam istud est discrimen? quod
Eucharistie panis perceptio, etiam à Corinthiis indi-
gnis & infidelibus (en rursum quos antè tutemēt
intelligentes vocasti) sit corporis Dominici sum-
ptio, idolum verò nihil sit nec Idolothytum, nec quic-
quam aliud secum ferar, quam habitum quendam &
relationem ad dæmones quibus immolatum fuerit.*

Imò verò quis hic stupor est, te non animad-
uertere (quod aliquoties iam repetii & utinam
toties repetam ut tandem aliquando sic inepti
desinas) non de Cœna sed de Idolothytorum al-
tera specie institutam fuisse ab Apostolo qua-

stionem , & ab iis quæ de Cœnæ fine & scopo o-
ptimè didicerant Corinthii , sumere certum ad
illorum idolothytorum damnandum eum ar-
gumentum? annon & illud animaduertis , eo i-
pso quod tu dictū esse ait ab Apostolo , prorsus
eneruari illam qua vtitur consequitionem? Et
enim si idolum nihil est , & tam leuiter idolothy-
tum afficit , quænam fuerit religio idolothytis
vesci? Annon præterea cogitare te oportuit non
temere vt paria conferri sacra Israelitarum sa-
crificia cum profanis illis epulis , in eo quod &
his & illis inita fuit cum eo numine seu vero seu
falso societas cui sacrificium offerebatur? Sed
hic fortasse te offendit tropus in Altaris voce ,
quam necesse est pro ipsis apud altare factis ob-
lationibus interpretari. An non vides etiā quæ-
so , illud quod Corinthii nonnulli suæ illi licen-
tiæ prætexebant , *Idolum nihil esse* , quomodo ab
Apostolo sic illis concedatur , vt tamen euertat
quod ipsi inde extruebant? Hæc enim erat Corin-
thiorū collectio: idola nihil esse quæ mera phâ-
ta smata , quo sensu ab Hebræis נוֹשֵׁחַ נָבָל vocatur ,
ac proinde quum nec sanctificandi nec prophâ-
nandi vim ullam habeant , nihil à cæteris locis
reipsa , sed sola idololatrarum imaginatione dif-
ferre idolæ , neque à cæteris cibis epulas ibi ap-
positas. Contrà verò respondet Apostolus , ido-
la quidem reuera , si per se spectentur , nihil esse ,
sed (quemadmodum in Psalmis ait Spiritus san-
ctus) coli in illis dæmonia quæ aliquid sint , &
quidem eiusmodi vt qui ullum cum eis habeat
commercium , à Christo sese penitus sciungat. I-
taque illa conuiuia solennes esse cum dæmoniis
pactiones

pactio[n]es, sicut ex aduerso præstita ab Israelitis
 sacrificia populum cum vero numine eiusdem
 mensæ participatione consociabant. Hæc est, in-
 quam, argumentorum Apostoli series, & hic
 scopus in hoc capite. Et ut magis etiam noris
 quanto[rum] p[ro]pere ab Apostolo dissentias, tuam & illius
 sententiam comparemus. *Indigni etiam, in-*
quis, & infideles ex mente Apostoli capiendo pa-
nem Cœna percipiunt carnem Domini. Quid contrà
Apostolus? non potestis mensæ Domini communica-
re & mensæ dæmoniorum. Mensæ vero appella-
 tione nō ipsam ligneam siue lapideam mensam,
 non etiam cibos illi appositos simpliciter signi-
 ficari, sed ipsum illorum conuiuorum finem &
 effectum apparer ex eo quod alioqui falsa fuisse
 Apostoli oratio. Quis enim dubitat quin ad il-
 lam utramque exterram mensam, & propositos
 tum ibi tum in Ecclesia cibos, quanvis suo ma-
 ximo damno, accedere potuerint Corinthii, quū
 de eo ipso ab Apostolo reprehendantur? Sed si-
 mul cum dæmoniis & cum Christo consociari
 (qui erat utriusque mensæ effectus) hoc illud est
 quod fieri non posse dicit, monens proinde ut,
 nisi velint illam cum Christo initam in ipsius
 Cœna communionem prorsus abrumpere, ab
 Idolothytorum conuiuis penitus abstineant.
 Hoc ipsum est igitur quod de altera nempe
 corporali scortatione in eadem Epistola testa-
 tur, *Tollens igitur membra Christi, faciam membra*
meretricis? & de impari coiugio in altera Episto-
 la. *Quæ participatio iustitiae cù iniquitate? quæ com-*
municatio luci cum tenebris? *Quis cōsensus Christo*
cum Belial? & *quæ fideli portio cum infidelis?*

Quod si forte excipias aliud esse percipere Christi carnem , quam Christum participare , quod illud de re ipsa, istud vero de ipsius rei fructu dicitur. præterquam quod refellēris ab Apostolo qui μεταχ̄ης & κοινωνίας vocibus utroque (eodem proculdubio significatu) vtitur : incides etiam in aliud impium dogma, quo & Christus ipse à suo spiritu separatur , & à Christo ipso mors emanare statuitur. Vtrunque enim istud concludendum est si posse quoquis nullo discrimine dicamus Christum ipsum intra se recipere , & tamen ab eo non modo non viuificati , sed etiam occidi, quod de instrumentis quidē quibus Deus vtitur (nēpe de verbo & adiectis signis) meritò dixeris , de ipsomet vero Christo ne cogitari quidem sine impietate potest.

Alterum hoc nostrum peccatum hīc dicis à Paulo redargui , quod fide tantum dicamus nos Christo uniri , quum tamen Apostolus Corinthios alloquens , indignos & qui propter incredulitatem nihil spiritale ab eo reportabant , effici unum corpus cum Christo pronuntiet , ex eo quod de Eucharistia sumerent. Inquit enim , Unus panis , unum corpus multis sumus. Omnes enim ex uno pane participamus.

Respondeo , primū quod tu de Corinthiis incredulis nimium impudenter & aduersus temetipsum comminisceris , falsissimum esse. Respondeo & illud , longè aliud esse de Cœnæ effectis ex ipsa re absolute , quam relatione ad homines facta statuere. Sic Euangelium Paulus dicit esse potentiam Dei ad salutem , & scientiam salutis Zacharias , & verbum vitæ passim dici constat , quod tamen alibi dicitur odor mortis ad mortem

mortem ut odor vitæ ad vitam. Sic Christus vocatur qui populum suū redimit ab iniquitatibus, qui alibi positus dicitur in ruinam ut & in resurrectionem. Disputantem verò Paulum præsertim non aduersus merè incredulos, ut falsissimè cōminisceris, sed aduersus φρονιμους, qui ea quæ norant non satis animaduertebant cum iis quæ faciebant prorsus repugnare, quis non videt argumentum sumere à Cœnæ fine & scopo absolutè cōsideratæ, ut eos ab illa fœditate quam ad mittebant, ad puram Euangelij, quod didicerant, professionem reuocaret? Quid igitur Paulus absolute dicit, idcirco videlicet institutam Cœnam ut omnes in Christo coalescamus, vix dici potest quām ineptè & ridiculè eò pertrahas, ut dicere videatur Apostolus omnes etiam infideles qui panem istum accipiunt, ipsam quoque Christi carnem percipere. Sed longè grauius est illud erratum quod tertio loco admittis. Hic enim sodes Christi membrum fieri, an non ipsa est perceptæ carnis Christi efficacitas? Atqui generaliter dixit Paulus *Omnes corpus unum sumus*: Ergo si te audimus, Infideles quoque & quantumlibet indigni, si ad mensam Domini accesserint, Christo quoque incorporabuntur. Itaque temerè dixerit Apostolus nullum esse commercium luci cum te nebris, & nullam Christi cum Beliale communionem. Repetis postea, ne dignè quidem accedentes dici posse unum cum Christo corpus fieri quia ex uno pane comedant, nisi per panem Christum ipsum intelligamus, quum unus & singularis panis non possit omnibus Christianis sufficere, quē paralogismum ut risu quām refutatione digniorem me quidem

rursum attingere puduerit. Nec illud verò solidius est quod tertio loco profers, nempe si personam fidem in unum corpus & in unum panem abeūt Christiani, m. nitum videri Apostolum qui fieri id affirmet per unius panis eum, quoniam non magis id ex Cœna obtinuerint quam extra ipsam quoties fide abundarint. Quasi verò ei qui multum habet non possit etiam amplius aliquid dari: quasi id ipsum quod habet quispiam non possit augeri: quasi denique magis ac magis Christo nos insinuari, & quæ iam nobis donata sunt confisi mari non operat. Et quæso cur non eadem atque tu consecratione conclusero, Si sola Eucharistia Christo nos incorporat, & qui Christi membris non est pereat: necesse est, perire quotquot ante Eucharistæ usum intereunt? Item, si quisquis saltē dignè ex illo pane vel semel comedit Christo incorporatus est, ergo superuacuum esse usum Eucharistæ repetitum? Sed tu nimis oes istos nodos nobis expedes quinta repetitione ubi de indignis plenius disseres. Ibi igitur & nos rursum tibi respōdebimus.

Tertiū nostrum, granissimum scilicet, peccatum in eo situm esse vis, quod corpus Christi non opinamus panis sacramento tanguā uasco ad nos deferri & deportari, sed à nobis aliunde sumi, id est, ut planius loquar, quod nolimus in vanu illa vestra chimera, id est, accidētibus sine subiecto, (quæ ne cuiusmodi quidē esse somnietis effati possitis) nolimus re ipsa & substancialiter, re signatā, id est reale illud Christi corpus contineri, quoniam verum, finitū, & circumscriptū eius corpus non alibi nunc quā supra omnes cœlos esse, nec ante ultimū illū diem ad nos rediturū ex Domini verbo, (inanis-

sima,

sima, alioqui futura spe nostra) didicimus, ac pro-
 inde in cœlis fide quærendū ac verè apprehēden-
 dum quod in terra nobis & verbo & adiectis cer-
 tissimis signis offertur. Quid tu igitur contra cer-
 tissimam hāc veritatē affers? Si Christi corpus, in-
 quis, abesset à sacramēti pane facile mandi posset pa-
 nis sacramētū sine corporis Christi perceptione. Ita-
 que male Apostolus ex panis sacri fractione & man-
 ducatione corpus Christi reuera participari collige-
 ret, si participatio hæc à pane seiungi posset. Illud e-
 go verò cōcedo & præterea dico, etiam si simul
 eodem loco vtrunq; substātialiter adesset, & isto
 tuo merè imaginario vasculo (quid enim cōtineri
 accidētibus etiā subiecto innitētibus nedū subie-
 &to carētibus possit?) corpus Christi cōtineretur,
 non cōsequi tamē vt qui vnū sumit alterū quoq;
 p̄cipiat. Quid enim obstat quominus sicut in ver-
 bo nudo audiri sonitus, imò & vocū significatio
 vtcunq; intelligi, res tamē ipsa significata negligi
 prorsus potest, & simul vasculū ita sumi vt tamē
 thesaurus intus cōtentus nō sumatur sed excutia-
 tur: ita quoq; signa sacramētalia & externa foris
 accipiātur, res tamē signata etiā præsentissima, p̄
 incredulitatē non modò aliter quā decet tracte-
 tur, verum etiam prorsus repudietur? Et quæso,
 quum tibi licere velis spiritum illum Christi vi-
 uificum, ab ipso Christo vsque adeo separare vt
 etiam eius loco vim illam mortiferam substituas
 nobisne persuaseris arctius cohētere rē signatam
 cum signo, quā viuificatē illam virtutem cū ipso
 Christo, qui ipsa vita est? Quod autē attinet ad il-
 lam Apostoli collectionē, iam antea respōdi, dis-
 serere Paulum absolutē de Cœnæ Domini finē

& scopo, quem etiam si non attingant (idque sua culpa) quicunque ad mesam Domini indignè accedunt, non desinit tamen propterea panis quem frangimus (si absolutè consideretur) esse corporis Domini communicatio: sicuti Iesus qualis est in se se consideratus resurrectio semper est *swāμι*, etiam si *συμβεβηκός* & reproborum respectu, rui næ & exitio ipsorum cedit. Sed inquies, *vnum corpus multis sumus*, inquit *Apostolus*, quia ex uno pane participamus. Concedo, & te hinc quoque adiuuabo. Sic enim videtur ille non absolutè, sed relatè, siue hominum ipsorum accedētium respectu, loquutus. Sed illud tibi in mentem venire oportuit, aliud esse Ecclesiam totam in genere & ut *corpus vniuersale*, quam sigillatim & veluti particulatim considerare. Dicuntur & verè dicuntur gentes omnes in Abrahamo benedicendæ & benedictæ: an hoc de singularibus personis verè dixeris, quum ne in ipsa quidem naturali Abrahāmi progenie singuli ex Abrahamo nati comprehendātur? Dominus dicitur aliquoties populum suum repudiasse, an idcirco singulos reiecit, ut nullum sit inter Hierosolymam & Sodomam ac Gomorram discriminē? Sic considerans Paulus in genere Corinthiacam Ecclesiam non ex indignis & incredulis, sed quanuis plerisque nævis minimè carentem, tamen, ut ipsemet initio testatur, ex plurimis omnium donorum spiritualium genere instructissimis hominibus conflatam: & de iis etiam quos contra te disertè testatur non nisi humana tentatione correptos, ex Christiana charitate iudicās, ac proinde de singulis quoque bene sperans, *vnum corpus*, inquit, *multi sumus*.

Sic

Sic Galatarum Ecclesiam , in qua tamen plerique valde aberrarant, in genere & *νοστρού* considerans, Quotquot, inquis, baptisati estis Christū induistis . Itaque vix magis ineptite potuisti quām quum hæc ad tuos illos infideles traduceres. Sed præterea quis hæc tua non detestetur? *Indignos*, inquis, in hoc textu alloquitur *Apostolus*, & qui nihil spiritale referrent ex *Eucharistia*. Ergo ne vnum corpus cum Christo fieri nihil spiritale est, quum Christi simul & Belialis membrum esse nemo possit? Ergo Paulus se istis infidelibus accensens (neque enim ait *Eritis sed Sumus*) nihil quoque spiritale ex *Eucharistia* perceperit? aut si percepit, non hoc expresserit, ut illorum & sui discrimen in re tanti momenti notaret? Item, inquis, si non panis ipsius esus sed fides & Spiritus esset instrumentum quo societas contraheretur cum naturali Christi corpore, non fierent omnes unus panis, sed una fides vel spiritus. Deus increpet te, Sophista: Cedo verò in primis quid h̄ic vocas panis esum? si panis specierum esum, Deo & hominibus manifeste illudis. Sin ipsius substantiæ panis esum intelligis, apertè præuaricaris. Sin per vnum illum panem, vt paulò ante volebas, ipsummet Christi corpus significas, proprietatibus panis (quas ne tu quidem explicare possis) obuolutū, præterquam quod Marcionita, teste Tertulliano, euasisti, fierine potest vt ea, quam h̄ic nobis obiicis vecordia teipsum laborare non animaduertas? Nam, obsecro, effēne Christum censem apprehendendi suimet instrumentum quod inter nos & ipsum collocetur, vt idem sit medium & extreum? quod si etiam ita esse concessero,

Cap.9. AD REPET. SAINT.

tūne magister es in Israel, qui neque causam efficientem ab instrumentali discernas, neque inter instrumenta præcipua & *υπηεπα* distinguas, & subordinatas casas iis quibus substernuntur minime repugnare nescias? Neque igitur Spiritus sanctus, verè efficiens causa magni illius mysterij, id est, sacræ inter Christum & Ecclesiam concorporationis, fidem (apprehendendi Christi verè in suo genere efficax unicum instrumentum) excludit quod ipsemet in credentibus efficit: neque fides rursum, aut verbum, aut Sacra menta, (aliud instrumentorum spiritui subservientium genus) abolet, quum & intercedente verbi auditu oriatur, & Sacramētis obsignetur. Christi vero corpus etsi, quod ad locorum situm attinet, tanto à signis interuallo seiungimus, quanto cœli cœlorum (vbi est, & ad ultimum usque diem cōmoraturum se dixit) à terris absunt vbi nunc sumus & vbi Cœnam Domini ex ipsius mandato ritè celebramus: absit tamen ut propterea vel à signis quod ad ipsum Christum sese fide spiritualiter fruendum offerentem, vel à nobis quod ad ipsius Cœnæ finem & scopum, id est ad verissimam & efficacissimam ipsius & nostri quanuis merè spiritualem communionem artinet, separemus.

Ad caput



AD C A P V T X.

Nullam esse nostræ sententiæ in exponendis
Christi verbis absurditatem.

Onsumis hoc caput in sex nobis exprobrandis criminibus cōdē certè quo in cæteris pudore, neque absimili cōscientia, quorum primū hoc est, *Negare nos in Scripturis spectandam aut exigendam proprietatem.* Quid si dicerem vicissim vobis placere ut quæcunque in sacris literis extant, propria & nativa significatione explicitentur? Népc magnam vobis iniuriam fieri clamitares, & metitò quidem. Quæ hæc igitur tua impudentia est? Reprehendit eos Calvinus proposito Anthropomorphitarum exemplo qui non sinunt ut vel tantillum à scripto in illis institutionis Cœnæ verbis discedatur. Scribit Martyr perspicuitatem non esse temerè obiiciendam, quoniā hanc ipsam multi hæretici quæsuerint: Dicit Matthæus Smalcaldensis non valere consequotionem à *Non sic di-
ctum esse ad Non sic intelligi.* An hīc tibi iusta occa-
sio in nos perinde declamitandi præbetur, acsi,
quoniā hanc enuntiationē sacramentali vſitassis-
ma metonymia necessariò explicandā contendimus, propterea quicquid scriptū est in nescio quæ
ænigmata, in tropos, in figuræ, in allegorias, ve-
stro denique exēplo, in tropologicos & anagogicos sensus trāsformaremus? Imò quid tu ipse hac
de re sentis? *Nequaquam, inquis, tā tenaciter literæ
in hæredū suademus quin ab illa recedatur aliquādo*

Sed Scripturæ proprietatem sine exactiore alia Scriptura quæ de re ipsa ex professo decidat, per figuræ & humanas rationes opprimere, vel in subsidium imaginationis suæ scripturas alienas à re de qua disputatur rapere, breuissimum esse compendium credimus ad Euangelium Christi per astutiam humanam perdendum. Rectè profectò: neque nos aliter vñquā sensimus, ideóq[ue] à te s[ecundu]m iā in eo diffensi quòd ad verborum institutionis veram indagandam explicationem, alios Scripturæ locos, in quibus tum in genere de Sacramentis, tum in specie de nostra cum Christo per Eucharistiam consociatione, tum etiam de ipso Christo in primis differit accersi, neque, quod præcipuum est, analogiæ fidei normam adhiberi patiaris. Non fuit igitur hoc tibi in nos dicendum quod falsissimum est, nolle nos spectari verborū in Scripturis proprietatem: sed hoc tibi potius probandum, nullā nobis causam esse cur in istis institutionis Eucharistiæ verbis à propria vocum significatione discedamus. Et tamē ne id quidem de nobis meritò dixeris, si proprius res ipsa spectetur, vt qui nativam significationē & in subiecto & in prædicato retineamus, tropo in sola attributione constituto, quum vos reipsa τὸ πν̄ν neque in hoc neque in illo seruetis. Obsecro enim an panis nomen (quam vocem exprimi saltem à Paulo, etiam de Eucharistiæ subiecto consecrato, inficiari non potes) propriè conuenire inanibus panis speciebus, seu proprietatibus, seu accidentibus dicere audeas? num etiam corpus verum & organicum propriè vocaueris, quod simul totum pluribus sit locis? Quæ tu porrò postea blateras

teras quasi sacramentalis metonymiæ exempla ineptè congeramus: & Marcionem, Manetem, Arrium ab inferis hoc vno reuocemus quòd panem illum dicamus figuratè vocari Domini corpus, idcirco prætermitto, ne tam videar in illis refutandis stultus, quàm tu in illis nobis obiciendis ineptus.

Secundo loco nobis obiciis quòd censeamus nō magnoperè curanda verba illa Cœnæ concepta. Sed quibus obsecro, testibus niteris? Vestphalo, Schneppio, Iulio Flugio. Miror verò non etiam abs te adiici bonum illum virum Illyricum, qui palam præteriti à nobis totam Cœnæ institutionem audet clamitare. Adiice quoque, si placet, ipsum Pontificem Romanum. Nec te istius impudentię pudet? At isti, inquies, vestrarum sunt partium. Nequaquam id verò, quanuis & ipsi à vobis meritò dissentiant. Præterquàm enim quòd quū omnes cognoscamus ex parte, ne boni quidem inter se per omnia semper consentiunt, ne tu quidem istos pro viris bonis habes. Et quid, obsecro, nobis hīc opus est hominum vel istorū vel aliorum testimonio? Prostant liturgiarum nostrarum formulæ, edita est communis nostrarum Ecclesiarum confessio, Cœnas priuatas ignoramus, Verba benedictionis vestro & Magorum exemplo non missitamus, sed palam, apertè, & eo quod omnes intelligunt idiomate, sacra illa peragimus. Itaque & chartæ ipsæ, & hominum myriades, ipsique adeo templorum parietes summam impudentiam in mentiendo tuam coarguunt. Anabaptistas verò & Schuenfeldium quādām fronte nobis opponis, quos, stertentibus

Cap. 10. AD REPET. SAINCT.

vobis, oppugnamus? At enim, inquis, Oecolampadins queritur sibi tanquam Helenam obijci institutiois verba, & Caluinus illa vocat Aiacis clypeum & unicum Papistarum asylum: Esto id verò, At nū idcirco Dei verbum contemnere quispiam dici potest qui de ipsius abusu conqueritur? Num quæso, Dominus ipse sacrificia à se instituta dannavit, quum apud Esaiam negat se illa requisiuit sc ex populi sui manibus? Sed quod optimo & doctissimo viro Philippo Melanchthoni tribuis, id verò prorsus est inauditum perficitæ vel nullius potius frontis exemplum. Hęc igitur illi ex probas ex ipsius ad Illusterrimum principem Electorem Palatinum Comitem epistola Heidelbergæ excusa, quòd suam de Cœna Domini fidem quam in publicè editis lucubrationibus nunquam ante profiteri voluerit, attamen familiaribus & amiculis suis non reticuerit, se videlicet Lutherum damnare & Cinglio ad stipulari sic tamen ut pro eo quod Cinglius habet, Hoc significat corpus meum, ipse substituat, Hęc est communicatio vel participatio corporis mei. Item quòd consular ne de verborum Christi proprietate tanquam de fidei articulo simus solliciti, sed omissis illis aliām verborum formam proponamus populo, in eāque iuremus, & toti occupemur in amplificationibus & declamationibus de fructu huius Sacramēti. Denique quòd nouam Academiam in Christianismum de Eucharistiā introducat, suadens ut de veritate verborum Christi liberam cuique expositionem & disputationem academicam relinquamus, modōne publica sit & controversia. Itāne verò tibi tantum virum impunè calumniari licuerit? Habuisse quidem locum in Philippo diuītēpas cęvītatis nemo

nemo inficiatur, neque mirari quisquam debet post tam obscuras tenebras à vobis matæologis inuectas, clarum diem ne nunc quidem singulis illuxisse, & illud etiam non vitio sed magnæ laudi tribuendum putamus, sic suo quodque loco etiam in rebus sacris tradere ut & temporum & locorum & personarū ratio tanta habeatur quantum ædificatio audientium requirit. Nam hoc quoque arbitramur esse πὸν λόγον ὄφθοπμεῖν. De mus etiam si voles, hunc de quo agimus nō eum vbiique modum quem par erat tenuisse, & vt erat ingenio æquitatis ac moderationis studiosissimo sæpè non aſsequutum quod sua illa moderatione se impetraturum sperabat: cui tamen persuaseris illum, (quo ne candorem quidem ipsum candiorem fuisse ex tota ipsius vita plus satis constat,) vlla vel astutia vel dissimulatione vsum esse? Et, quæſo, quid attinet hac de re diutius contendere? En Rhodus en saltus. Extat eius epistola in qua ne voculam quidem scriptam esse dico quæ vllam istorum criminum vel leuissimam suspicionem præbeat. Tibi accusatori onus probandi incumbit. Quod si quid tale Philippum pum admisisse probares (quod nūquam certè facies) an non potius quæ sit Ecclesiarum quas reprehendis & sententia & consuetudo non ex hu ius vel illius scriptis, sed ex publicè receptis & usurpatis cōfessionibus ac liturgiis iudicandū fuerit? Dic enim, vir bone, an tu nos tuleris ex singulorū vestrorū aut veterū au recētium doctorum de multis capitibus sententias, de vestro illo quæ iactatis Catholico consensu decernentes?

Tertio loco nobis id obiicis ꝑ parū curemus quo

quisque modo verba Cœna accipiat. Probas hoc ex Philippo qui permittat cuique ea de re nugari: ex Caluino & Bullingero qui multas verbis differentes expositiones, re tamen conuenire dicant. Negat hoc, inquis Illyricus. Et tandem concludis, consentire nos omnes hereticos in opprimendo Dei verbo. Hæc est vniuersa tuæ probationis summa, ex quan-

nos concludimus summè te esse impudētem qui Melanchthoni tribuere id audeas à quo fuit omnium hominum maximè alienus: & valde inscientem, nisi verum dicere Bullingerum & Caluinum animaduertas. Negas? Tu quum probandi partes in te receperis, utere saltem aliqua rationis specie ut vel reos nos habeas confitentes, vel dignum in te quippiam operosiore refutacione inueniamus.

Reliqua tria capita postea quasi tui oblitus in duo conflas, ac primùm quidem à malo genio dictatas fuisse præcipuas ex nostris explicationibus probare te posse putas ex Lutherò, qui quodam loco se quoque dicat fuisse in Spiritu, & nocturnam cum dæmone de Missa concertationem habuisse: ex Carolo studio qui quod docebat, sibi cœlitus patefactum diceret, & cui scribat Alberus nescio quis, dæmonem apparuisse concionanti, triduo priusquam terroribus exanimatus moreretur: Ex Anabaptista quodam qui Lutheri cogitatione, ipso teste Lutherò, diuinariit: Ex Cingilio qui se in somnis dicat admonitum de loco Exodi, ubi Phœnix dicitur transitus Domini: ex his quoque Caluini verbis, *Si ostendero me non aliter loqui quam Spiritus sanctus nos docuit, ulterius me ergo iniquum foret:* Ex Beza qui Caluinum

ne exceptis quidē Apostolis prædicet post Christum fuisse sancti Spiritus organum : ex eorum denique opinione (quos tu nescio cuius sectæ monachus Caluinianos vocas) qui sese dicant sancto Spiritu intus imbui, & ex particulari inspiratione veritatem in Scripturis omnibus perspicere.

Addis pro colophone Vvestphali iactata in nos conuitia, quod præstantissima dona ex Eucharistia rapiamus, & doctrinam dæmonum à nobis tradi concludis ex mortibus quas, repentinæ & violentes appellas, Cingly, Lutheri, Carolstadij, Empseri, OEcocampadij, & ex cladibus damnis & ruinis quas orbi Christiano fuisse per hanc nouam de Cœna doctrinam lapides ipsi testentur. Äquum est autem ut quum tibi tantam maledicendi licentiam arroges, nobis vera respondendi locus concedatur. Illud certè recta conscientia facere non potuisti quod eos aduersum nos testes proferas, quorum dogmata ut à spiritu mendaci profecta primi animaduertimus & vobis cōniuentibus refellimus. Quis enim nostrum Carolstadii dogma probavit? quis Empserum laudauit? quis Anabaptistarum impia deliria acrius quam nos condemnat? Quod si ortos illos ex nobis dixeris, illud regeram quod dicunt Apostoli Act. 15, 24. de Cherrintho & Hebione ut nonnulli putant, Quidam egressi sunt ex nobis labefactantes animas vestras, quibus hoc non præceperamus: & illud Pauli Act. 20, 20, Ex vobis ipsis exorientur qui loquantur peruersa, & illud Iohan. 2, 19, Si fuissent ex nobis mansissent utique nobiscum, ut intelligas nisi prius mendacij nos conuiceris, nihil abs

te in nos dici quod non sit olim in ipsos Aposto-
los dictum ab eodem Spiritu satanæ. Sed & ve-
stra ista Apostatica sedes quid aliud est quam
sentia quædam ; & vos illius metetricis Ro-
manæ lenones & mancipia quo potius nomine
quam Ecclesiæ vomicas à nostris perfectas ap-
pellarim ? In illis autem aliis quid profers quod
tuæ calumniæ patrocinetur ? Affirmat Lutherus
se loqui Christi nomine & spiritu, Germaniæ bo-
no destinatum. Quid igitur ? velles illum loqui
in incertum ? velles vtro more Euāgelium cau-
ponari ? Tu ergo falsitatis illum redargue , aut ei
desine hanc confidentiam obiectare. Absit tamē
ut illū ἀραιά πτηθού , vel in doctrina ipsa faciamus.
Ex hoc autem si colligas illum non fuisse spiritu
Dei præditum , quem mihi vel vnicum inter sa-
cratum literarum interpretés edideris quem ab
omni nævo in omnibus Christianæ religionis
placitis possis penitus absoluere ? Dissentimus,
fateor à Luthero in nonnullis , ac præsertim in
Cœnæ Domini controuersia , nec eius in omni-
bus ardorem ac vehemētiam probamus : seruū
tamen Domini & quidem eximium & valde ex-
cellētem illum fuisse non dubitamus , & res ipsa
manifestè testatur : ac proinde variis modis illum
ab eo qui vos planè regit nec se facile extrudi pa-
titur spiritu tentatum fuisse non inuti credimus.
Cingulum quoque sanctæ memorie hominē ex-
diuurna cogitatione vehementissima id quod
sibi in somnis eueniisse se scribit scripsisse nemo
mirabitur qui vel vnicum Augustini libellum de
cura pro mortuis legerit. O Ecolampadio viro
intergerrimo tunc vitio vertere audeas quòd se-
cum

cum attentissimè ac diligentissimè sit istam con-
trouersiam meditatus, prius quām ab inueterato
errore discederet? Quod ex Caluino citas nihil a-
liud est quā illius aduersus vos prouocatio ad Dei
verbum, ex quo rectēne an secus sentiat, diiudi-
cetur: Maledicentiam in Caluini scriptis nullam
inuenies, & quod ei ex quadam ipsius ad Buce-
rum epistola exprobras, iampridem aduersus il-
lum infelicis memorie apostatam Balduinum,
tuum monitorem, est abundē refutatum. Eun-
dem ego meritò ut excellens in domo Dei in-
strumentum viuum colui & mortuum collauda-
ui, at non ita insanij ut cum illis omni exceptio-
ne maioribus Christi testibus vel per somnium
compararem, nedum ut (quod impudentissimè
commisceris) eum à Christo secundum faceret:
Vobis enim nō nobis visitata sunt ista vestrorum
sanctorū encomia. Mea. n. hæc totidē verba sunt,
abs te non hoc tantum loco sed alibi aliquoties,
calumniosissimè detorta. Quod ad illā tristem de
Cœna Domini exortā controuersiā attinet, quum vi-
deret tantū excitatū incendium Caluinus, hæc ipsius
singularis fuit cura ut perspicue rem ipsam exponen-
do, personas ipsas nō attingens, illud omne restingu-
ret, quod ita dextrè & feliciter prestítit ut eum qui
attente ipsius hac de re scripta expenderit, fateri o-
porteat, illi, secundum Deum, deberi illam huius con-
trouersiæ decisionem quam postea sani iudicij horri-
nes sunt amplexi. Hęc mea, inquam, verba sunt ex
quibus nō recuso quin iudicet quiuis, an id quod
mihi affingis vñquam mihi in mentem venerit.
Sanctis autē illis viris mortes violentas & repen-
tinas qua frōte obiicias tu videris.

m.j.

Obiit Deo simul & patriæ vitam impendens
Cinglius, cui carmen hoc epitaphium à me scri-
ptum hoc etiam loco subiūcere placuit, vt tibi
gratum faciam,

Zunglius arderet gémino quium sanctus amore,

*Nempe Dei in primis, deinde etiam patriæ,
Insolidum fertur se deuouisse duobus;*

*Nempe Deo in primis, deinde etiā patriæ,
Quām benè persoluit simul istis vota duobus,*

*Pro patria exanimis, pro pietate cines. Oeco-
lampadium anthrax, placida tamen & optatissi-
ma morte, sicut nobis sustulit, ita Deo adiunxit.*

Lutherū, vt ex idoneis testibus etiā Principibus
constat, Dominus in patriam remissum, oris ven-
triculi imbecillitate laborantem, ad se cum sum-
ma alacritate anhelantem euocauit. Cum isto-
rum vt vita sic etiam obitu, quos tu mihi Ro-
manos Papas ab hinc annos mille & amplius
mortuos compararis, quorum usque adeo infam-
es exortus, adeo tragicos legimus interitus, vt
nulla ne inter maximè quidem barbaros popu-
los similia portenta extitisse memorentur? Quid
si vestrorum Cardinalium, Episcoporum, Cano-
nicorum historias haberemus perscriptas? Et
tamen isti sunt vestri Sanctissimi patres, qui-
bus (ne si quidem currus animabus onustos ad
inferos pertraherent) non licet dicere. Cur sic
facis? Hæc vestra est representatiua Ecclesia quæ
errare non potest: Hæc est cathedra cui sic de-
uinctum Spiritum sanctum tenetis, vt qui ve-
stro charactere non est signatus omni legitimæ
vocationis testimonio careat. Et tu scilicet egre-
giè nos istis argumentis conuicisti reuelationi-
bus

bus particularibus vti , quos tamen non ignoras de hoc in primis vobiscum cōtendere , quod vos quidem ab vna hominum successione , (& quorum hominum) pendetis : nos verò ex uno verbo per Prophetas & Apostolos scripto , volumus castam Christi sponsam Ecclesiam à vestra mētrice , & vera dogmata Christiana à falsis distingui . Nam quod nobis obiicis docere nos quod Spiritus sancti interiore afflatu tribui necessariò opōrteat ut veritatem agnoscamus , tantum abest ut inficiemur , ut contrà ne dignum quidem te esse dicamus cui vel ementitum Christiani nedum Episcopi nomen conuehiat , si hoc neges . Nam Spiritus sanctus non temerè dicitur veritatis doctor , nec aliter definit Ecclesiam Esaias quām ~~δεσμήσαντων~~ cōcētum : denique illum ipsum discipulum , cuius non doctrinām retinuit sed cathedram fur ille & prædo ac perditus filius vestrūm omnium pater inuasit , testatur Christus fidem quam professus erat non à carne & sanguine , sed à patre cœlesti didicisse . Nam quod excipitis sic futurum , si hæc ratio valeat , ut Spiritum sanctum vnuſquisque iactet , non modò falso , sed etiam ineptè in eos dicitur qui spiritum mendacem à veritatis spiritu discernendi tum alias tum maximè duas istas regulas ut certissimas tradūt . Vnam ut quicquid extra verbum scriptū profertur pro falso habeatur , alteram ut omnes scripti verbi interpretationes seu à veteribus doctoribus seu à recentioribus quibuscumque allatæ , ad certorum & ~~ἀνεπιστητῶν~~ nostræ religionis capitum normam & m.ij.

analogiam collatis scripturæ ipsius locis exigitur. Hoccine verò est phanaticum esse, & entusiasmos captare, ac non vos potius quum istam disputandi rationem refugitis, huius ipsius sceleris rei tenemini quod nobis impingitis?

Postremo tandem loco nos omnes à vobis dissentientes, in octoginta quatuor nō modo diuerisas sed etiam repugnantes sententias discerpis, vt in ista confusanea quam vocas opinionum turba, doceas veritatis spiritum non residere. Respondeo hanc semper fuisse, esse, ac futuram ad extre mam usque huius mundi metam, humani iudicij imbecillitatem, etiam inter eos quos constat Deum sancto suo spiritu afflasse, vt nemo illorum unus omnia in rebus etiam maximè necessariis viderit, iis quidem exceptis quos omni exceptione maiores fuisse constat, Prophetis videlicet & Apostolis, per quos sic loquutum Dominum nō ex hominum (vt vos vultis) consensu, sed ex ipsis eorum scriptis constat, vt si quis illa in dubium reuocet, omni eum ratione carere possit demonstrari. Dico & illud, vix vlli unquam datum fuisse vt animi sui sensa tam commodè vt oportuit explicare posset. Deinde non omnia uno tempore neque in mentem venire scriptori possunt, neque etiam si in mentem veniant, eodem loco sunt pariter explicanda. Ex quibus efficitur rem iniquissimam illos facere, qui vel ex singulotū doctorum scriptis de Ecclesiastum fide & doctrina, vel ex alicuius scriptoris hoc vel illo testimonio, quæ fuerit ipsius de toto aliquo dogmate sententia ostendere conantur, vt vel eos in suas partes pertrahant, vel pro suo arbitrio condēnent. Hæc si forte

si forte ita se habere inficiariis, ipsos tibi vetustissimos quosque sacrarum literarum interpretes, tum Græcos tū Latinos fero. Quid si ad vestros illos patres Scholasticos perueniamus, Deus bone, quæ illic dissidia, quas factiones in hoc ipso de Sacramentis argumento comperiemus? Nam ne magistrum quidem illum vestrum per omnia vos sequi sustinueritis. Sed hæc omnia, postquam accerrimè dimicatum est, vnico verbo sci licet componuntur, si quis quæcunque blaterauit, Ecclesiæ Catholicæ non illius veræ & vnicæ à scripti verbi auctoritate in Christianæ religio-
nis placitis pendentis, sed inanissimæ ac porten-
tosissimæ chimætæ Romanæ iudicio se stare di-
xerit, ad quod etiam asylum Scotus confugit, v-
bi validissimis rationibus vestram transsubstan-
tiationē subuertit. Cæterū quod ad rem ipsam
attinet, (vt taceam̄ qua tu fide partim ex aliorū
nullius fidei hominū collectancis ista descripse-
ris, partim ipsem̄ excerpteris, quum prolatos i-
psorum auctorum locos potius oportuerit) quorū
sum tu, quælo, nobis Anabaptistas, quorsū Schu-
enfeldium, quorsum Carolstadiū, Campanum
& Villagagnonis aduersus Pontanū nescio quem
testimonium, quorsum denique illos obiicis vbi-
quitarios quos nemo sanę mentis non videt cum
Nestorio personam Christi diuidere, cum Eutychete
proprietas naturarum confundere? Itaque quum nos ab illis non minus quam vos, imò
etiam ab illorum quibusdam magis quam vos
dissideamus, quo iure tandem illos nobiscum
committis? Neque enim nostrū est nescio quo-
rum imperitorum vel falsò vel impropiè dicta
m.ij.

præstare, cuiusmodi sunt etiam quæ tu Molinæo
homini furioso apud vos & inter vos mortuo, &
Erythræo nō Theologo sed Rhethori, tribuis. Iā
uerò illius Illyrici quia tu camarinam cōmouisti
ut inde haustum quod tibi saperet nobis pro-
pinates, tenemur scilicet in vestri gratiam, illam
etiā ad fundū vsque scratari. Absit hoc verò à no-
bis, qui vobis potius omnes istas absorbendas e-
tiā, si libebit, sordes vltro relinqaimus. Nec e-
nim aliud ista sunt quā veneni ex fœdæ illius Ro-
manæ vestre meretricis poculo propinati fæces,
quas olim haustas non quibusvis postea penitus
statim euomere cōcessum est. Ergo ex sententiis
ea qua voluisti fide abs te descriptis quoties no-
biscum ages, illas omnes expungas oportet Illy-
rico, Schuenfeldio, Stancaro, Brentianis, Lango,
Hesnusiq, Anabaptistis, Erythræo, Pontano,
Carolstadio, Campano, Molinæo attributas,
quorum sententiā neque tu neque nos vllō modo
probamus. Cætera non reçuso quin expendātur,
si prius hoc vnum præposuero, manifestū esse te
in hoc quoq; calumniatorē quod quæcūq; de ista
controversia sunt ab aliquo scripta perinde acci-
pis, ac si totidem essent ipsorum institutionis ver-
borū interpretationes. Cæterū à Lutherō nos in
Cōsubstātiationis dogmate dīslētire, & cō vsque
dissidiū istud (cuius culpa Dominus nouit) exar-
sisse, ut inde grauissimū schisma sit inter nos, cō-
munes alioqui vestræ Idolomaniaæ hostes, sequu-
tū, inficiari nec possumus nec volumus. Propter-
ea tamē vel illū non fuisse leximiū Dei organū,
vel Ecclesiæ veræ notas & in nostris & in illorū
cœtibus nō extare minime cōsequitur, quū (ve-
lint

lint nolint vobiscū nonnulli discordiarū satores
& fautores) fundamentū ipsum Christianæ reli-
gionis vtrinque idē retineamus, & in ipsius quo-
que Eucharistiaē p̄cipuo fine , veri videlicet cor-
poris & sanguinis Domini cōmunicatione, con-
sentiamus, & à detestando vestro sacrificio pari-
ter abhorreamus. Annotas ex Bucero & Lasco
quod de actione dicūt, quasi videlicet nō panem
sed actionē tenserint à Christo demonstrari: qui-
bus iniuriā facis. Nec enim aliud ita voluisse ip-
pos significare cōstat, quā panē extra ipsum vsum
Cœnæ, nō habere rationē Sacramenti, sicut cera
sigillo publico impresso, nō est tamen sigillū nisi
instrumēto appēdatur. Nec aliter explicare potes
vtrung; illud quod Matthæo Smalcaldēsi tribuis
quū inquit istis locutionibus *In pane vel Cū pane es*
se corpus Christi, nō intelligi locū aut tēpus sed ipsum
externæ Cœnæ quasi subiectū, à quo secundū locū &
tēpus procul remotū est Christi corpus: quod corpus in
*illo vel cum illo edi dicitur, nō tanquam in illo subie-
cto existēs, sed tanquam actionibus Cœnæ obiectum*
*quaē circa panē exercētur. Item, corpus nō esse in pro-
prio subiecto, nec in panis subiecto & materia, sed in*
obiecto Cœnæ & actionū eius. Nulla hīc igitur inter
nos & illos dissensio, sed summa potius inter nos
oēs aduersus idololatricū vestrū cōtrariū dogma
cōsensio. Idem Bucerus ait *corpus mēti demōstrari*
per verbū, sicut panis demōstratur sēsibus: itē ut ore
panē, sic corpus animo cōcedi. Item panē esse symbolū
quo corporis Christi vera cōmunicatio fidelibus exhibetur.
Annon verò nos in hoc quoq; pr̄sus cōsentimus? Eudem vis scripsisse, *panē esse corporis Christi canalem,* cuius dicti quis non videt hanc esse
m.iiij.

sententiam, quòd hoc Sacramento, veluti interueniente quodam instrumento, Deus vtatur, vt spiritualiter ipsius sanguine irrigemur, quod Sacramentalis vini potu menti repræsentatur? Idem ait *Cœnæ mysterium esse protestationem & p̄m̄n̄ōs̄m̄ Chr̄sti beneficiorū*, quod & ipsum verè dici, & idcirco Eucharistiam hoc mysterium vocari, quanuis non huic sit primarius *Cœnæ Domini finis*, tūne ausis negare, quin ipsius Christi voceret darguaris? Eadem Lasco tribuis quòd panem illum dicat esse societatem gratuitò nobis delatam, siue ius & usum Christi in ipsius corpore. Paulum igitur ipsum reprehende: at nos omnes uno consensu isti sententiæ assentimur. Est autem figurata per Metalepsin oratio qua effectū ponitur pro instrumentalí causa interueniente, veluti quum idem Paulus dicit Euangelium esse Dei potentiam ad salutem, & Corinthios esse gloriationem suam. Sic Christus quoque dicitur esse resurrectio, quòd sit causa resurrectionem efficiēs. Idem, inquis, scripsit hanc communionē esse in Christi corpore nō iuxta substantiam ipsius naturalem, sed iuxta meritum passionis & mortis, & gloriam admirandæ resurrectionis, cuius sententiæ testem citas Melanchthonem in iudicio de Cœna Domini. Tu verò videris unde & qua fide istud, ac pleraque fortassis alia, descripsferis. Quod si quid tale Lascus scripsit, certum est noluisse sublatam ipsiusmet traditi pro nobis corporis communicationem spiritualem, sed realem illam substātium σωματίν & (vt tu loqueris) cōtactum ac commixtionem (vt durè interdum loquitur Cyrillus, alibi tamen commodè sese explicans) & Cyclopicum

picum ac impium vestrū dogma damnasse: quod
 etiam alibi qualitatis nomine significat, ut decla-
 ret mysticæ nostræ cū Christo per fidē concorpo-
 rationis fructum in nostri immutatione positum
 esse. In his autem quam tandem inter nos quos
 oppugnas repugnantiā inuenies? Quod enim do-
 gma nobis ex Vnicordio nescio quo tribuis, quod
 videlicet à corporis Christi substantia gratiam & ef-
 ficaciam nunquam separamus, vltro omnes contra-
 vos & vobiscum sentientes uno consensu ample-
 etimur: nec vicissim à Christi energia & benefi-
 ciis ipsummet Christum seiungimus. Itaque con-
 trarium vestrum Satanicum dogma quo non ex
 corporis Christi reiectione & contemptu sed
 ex ipsomet corpore Christi indignè recepto iudi-
 cium promanare comminiscimini, ex luce tene-
 bras & ex vita mortem elicientes: itēmque alte-
 rum vestrum errorem quo Christi beneficia fin-
 gitis extra ipsiusmet communionem tribui,
 abomina mur. Sed & in eo quod ex Vireto
 collega quondam meo, doctissimo & optimo vi-
 ro citas, omnes idem sentimus, totam hanc videli-
 cet Cœna actionem symbolum esse non tantum corpo-
 ris & sanguinis, sed etiam mortis & effusionis pro no-
 bis factæ. Nec enim duntaxat panem & vinū sed
 etiam Sacramentales ritus à Christo instituti
 (quos partim sustulisti, partim immutasti, par-
 tim etiam intollerabili audacia multiplicasti)
 puta fractio, infusio, præbitio, acceptio, mandu-
 catio & potatio inter huius mysterij partes à no-
 bis recensentur: nec esset nobis viuifica Christi
 caro, nisi ut pro mundi vita tradita, nobis fruen-
 da præberetur. Quod etiam scriptum dicis in Si-

Cap. io. AD REPET. SAINCT.

lesiorum confessione Hoc admonere nos de corpore Christi per fidem edendo, pariter omnes profitemur, & haud satis scio an tu ipse inficiari audeas. Quod autem ex Clebicio citas, In ista locutione, Cum pane est corpus, Cum non esse præpositionem sed aduerbiū temporis, & significare capi corpus quando capitur panis, et si cœlè explicatum tolerabile est, sit sanè tamen privati hominis argutiola ex qua multò iniquius fuerit statuere nostram Ecclesiam dissidiis laborare, quam si ex vestri Catarini & Seti contentionibus scissum esse vestrum illum Catholicum quem iactatis consensum collegerim. Iam ad nostros venio, inter quos libenter etiam persuaseris regnare discordiæ spiritum. Nostros appello, magnos illos Dei seruos, quorum opera tot Ecclesiæ sunt ab Antichristi vestri iugo liberatae, quorum spiritus nūc sunt in cœlis, scripta verò in terris tam sunt optimo iure vobis Antichristi mancipiis formidabilia, ut illorum nomina ne ferre quidem possitis, Oecolampadium, dico, Zuinglium, Calvinum, Martyrem, & nuper erectū nobis Bullingerum, quorum sententias à te exceptas, age, perpendamus. Scribit Oecolampadius Cœnam Domini esse commemorationē corporis D:mini, Panem illum esse symbolicum corpus, id est, veri corporis figuram. Item esse signum quo admoneamur corpore Christi pro nobis tradito nos viuificari: item esse symbolum quod testatur nos uno eodemque corpore redemptos. Scribit Zuinglius, panem hunc significare corpus. Item, pane illo & illo vino naturam Christi humanañ significari. Item, diuinitatem & Spiritum Christi eum demum esse qui nos viuificet, ac proinde spiritualiter

tualiter intelligendum esse Cœna mysterium. Et fide ac animo, non ore & dentibus manducandam Domini carnem. Item, mortem & passionem Christi in Cœna mysterio repræsentari & fruendam præberi. Idem ostendens vnius fidei oculo corpus Christi in Cœna mysterio spectandum, ait *hoc corpus esse fidei corpus, fidei, inquam, in ipsum Christum*: quæ tria posteriora dicta quum à vobis perinde torqueantur acli diceret Zuinglius panem hunc vel hoc corpus esse diuinitatem seu spiritum viuificantem, vel mortem seu passionem ipsam Domini, vel esse corporatam quandam fidem, quid vobis impudentius fingi potest? Eundem denique ut & Oecolampodium dicis *vocare panem s̄ymbo/um corporis*, & à Zuinglio adiici *quatenus pro nobis datur*, nempe ut intelligatur corpus illud nonnisi cum sua determinatione (veluti nimirum datum pro mundi vita) nobis in Cœna præberi. Quod si hæc inter se compares, vt ad minimum usque apicem omnia perscrutetis, nullum in illis ne tantillum quidem discrimen inueniri posse dico. Quod enim à nonnullis obiicitur, Zuinglium quidem in Verbo est, Oecolampodium autem in attributo ipso Corporis tropum constituere, ac proinde inter se dissidere, futilissimè concluditur, si rem ipsam non verba spectes: quod etiam non pigebit pluribus explicare, vt tandem (si fieri potest) calumniari tam consentientes inter se homines desinatis. Dico igitur eas esse verè proprias enuntiationes in quibus ipsi, quos vocant, termini tum per se tum relate, id est, quatenus attributum de

subiecto dicitur) considerati, propria significatio
ne accipiuntur, ut si dicam *Circuncisio est signum*
fœderis illius cum Abrahamo sanciti: figuræ au-
tem sunt, in quibus attributum (id enim in sub-
iecto rarissimè contingit) translatitiè accipitur,
vel per se, ut quum dicit Christus de Herode
quod sit vulpecula, & de Iuda quod sit diabolus,
& de Christo Iohannes quod sit agnus tollens pec-
cata mundi, vel propriè quidem per se dicitur,
impropriè verò si relatè consideretur, id est, qua-
tenus non quid sit in se spectatur, sed quo sensu
de subiecto dicatur, cuiusmodi frequentissimæ
sunt enunciationes. Sic, exempli gratia, *Circunci-*
sio est fœdus. Nec enim hīc negari potest, quin &
subiecto declaretur circuncisio propriè accepta
& attributo verum illud ipsum fœdus intelliga-
tur, quod in superioris generis exemplis de vul-
pecula, diabolo, agno non dixeris. Verūm si rela-
tè consideres attributum, comperies propriè id
tribui circumcisioni non posse, quum id ipsum
quod aliquis pepigit & adhibito sigillo obsigna-
tur sit ab ipso sigillo diuersum. Erit ergo figura
in ipsa attributione, siue in attributo, non per se,
sed relatè considerato. Sic in ista enunciatione
non accepta identicē, *Hoc, id est, hic panis est cor-*
pus meum quod pro vobis traditur, necesse esse dico
proprium panem & proprium Christi corpus in-
telligere si per se quid & hoc & illud sit in hoc i-
pso Sacramento consideres: sin verò quomodo
vnum de altero dicatur spectemvs, tunc erit ne-
cessere tropum in attributione ipsa, siue in attribu-
to relatè considerato statuere, quum verus panis
& verum corpus humanum sint disparata. Hunc
autem

autem tropum esse dicimus Metonymiam expli-
 candæ Sacramentorum naturæ, veritati, & effi-
 caciati vsque adeo accommodatam, ut illis com-
 modè explicandis trāslatitia hæc attributio mul-
 tò magis quàm propria & nativa conueniat. Ver-
 bis igitur differunt, re verò prorsus conueniunt
 istæ verborum institutionis Cœnæ Domini ex-
 plicationes, *Hoc est Sacramentaliter corpus meum,*
Hoc significat corpus meum, Sacramentali videlicet
significatione, & Hoc est Sacramentum symbolum,
figura, signum, tessera corporis mei. Ex quo etiam
 liquet quàm ridiculi & inepti sint qui perinde
 aduersum nos disputant ac si symbolicum & my-
 sticum nescio quod corpus pro nobis traditum
 in Cœna pro vero illo vnicóque corpore statue-
 remus. Sed illud addo, ex figurata ista attributio-
 ne prodiisse illud enuntiationū genus figuratum
 quod in ipso attributo per se considerato pos-
 tum diximus, quo sensu Cyprianus de hoc Sacra-
 mento differens, corpus Christi quotidie creari,
 & Augustinus in terram cadere & consumi scri-
 psit, quo etiam modo necessarium esse videtur i-
 psius Lombardi sententiā exponere ubi corpus
 Christi tum signum tum rem signatam esse di-
 xit. Et de summis quidem illis viris, duabus ve-
 rè suo tempore in templo Domini plantatis o-
 leis, eundem salutarem doctrinæ cœlestis liquo-
 rem pretiosissimum uno consensu fundentibus,
 haec tenus dictū esto. Venio ad tres illos istorum
 successores, Bullingerum, inquam, Martyrem &
 Caluinum (quibuscum Heidelbergensem Eccle-
 siam cōiungo) quos ab illis in Cœna Domini dis-
 senisse non prius euiceris quàm Solem ostende-

ris meridie non lucere. Hæc igitur tribuis Bullinger, Cœnā Domini esse symbolū sacrū gratiæ & redēptionis nostræ quod post se 'Dominus reliquerit. Annon verò quod Sacramentū noī fœderis est, signū est gratiæ nobis collatæ, in catus celebratiōne mortis Christi annūtiare subemur donec ipse véniat? & ne clamites signū hoc esse nudū ali quod mortis Christi *umquam*, audi quod ex eodē profers, *Hoc est obsignatio corporis pro vobis traditi*, obsignatio certè intra fideliū mentes ipsum Christū fide participātes. Audi denique & illud à te ipso extcriptū, *Hoc Sacramēto significatur efficiā videlicet Sacramentali significatione passio & mors mea, ac cōmunio cū omnibus sanctis*. Expēde & illud *Hic panis est symbolū quo vera corporis mei cōmemoratio fidelibus exhibetur, quas sentētias nisi agnoscis prorsus cōsentire quid tibi rādē cerebri inesse quisquā credat?* Istud denique abs te ex eo dē prolatū, *Hoc est mysticū corpus meū seu Ecclesia sanctorū, meo corpore redempta*, ostēdit qua fide sint isti centones à vobis consuti. Postquā enim Bullingerus in illo suo de Sacramentis tractatu, de nostra cū ipso Christo cōiunctione differuit, accedēs ad mutuā nostri sub eodē illo capite con sociationē, & illa Pauli verba explicās, *Nos multi sumus unus panis & unus corpus, de corpore mystico id interpretādū docet.* At vos sycophatæ ad institutionis verba perinde hoc trahitis ac hī corporis appellatione in his verbis *Corpus meū quod pro vobis traditur corpus mysticū intelligendū dicebat* Bullingerus: quū hæc altera nostri in unū corpus mysticum confociatio sit illius prioris, nēpe ipsiusmet Christi participationis effectum eā con se-

sequēs, in qua etiā posteriore coadunatione Christus nō corporis sed capitis, Ecclesia verò corporis à capite depēdētis rationē & appellationē sot titur. Et quis vestrā hāc in corrūpendis sanctorum hominū scriptis impudētissimā audaciam ferat? Venio ad Martyrē, cuius incōparabilis & eruditio & pietas, quō magis illā obscurare conabimini, tātō magis ēternū effulgebit. quicum etiā ausi estis cōminisci mihi & collegis meis dissidiū in Pissiaceno cōuentu intercessisse, quū tamē nulla maior animorū & voluntatū coniunctio ne cogitari quidē possit quā tū inter nos aduersus vestrā cōiurationē fuit. Fingis tu igitur illū sic inuertere Christi verba, *Corpus meū est hoc*, quod impudens esse mendaciū affirmo, quanquā si panis est corpus, corpus quoque esse panis necessariō dici potest. Sed hoc ita illū dixisse vt Schuenfeldio asfētiretur nūquā ostēderis. Ex eodē istud citas, *panem esse symbolicum corpus, seu figura veri corporis*, quod & ipsum Zuinglio, Oecolāpadio & Caluinio attribuis, vt te ipso teste constet de horū omnīū cōsensu. Eudem quoq; vis scripsisse, *Hoc est corpus Christi quod dat nobis animo edendū sicut pane ore, q̄ quidē nos oēs & animo & ore pfitemur.* Deuenimus tandem ad illū cuius ne mortui quidē nomē ferre potestis, Caluinū videlicet, selectum Dei Opt. Max. ad euertendā Antichristi tyrannidē organū, cui sentētias istas attribuis. *In Cœnæ actione, nō tamē in pane exhiberi Christi corpus.* Rectē pfēctō. Absit. n. vel vt nō præstet Deus q̄ adiecta etiā obſignatiōe offert, vel vt verū Christi corpus nūc alibi quā vbi est, id est, in cœlis p̄ fidē q̄catur & inueniatur. *Panē illū esse symbolicū Christi corp⁹ (id est, sacramētaliter dici corpus) seu figuram*

veri corporis. Hoc verò etsi verè dicitur, modò adiiciatur minimè inanem esse hanc figuram, tamen falsò à te citatur quasi ex consensu Tiguri inito depromptum. Sed & ista quis nostrum contra vos non agnoscit?

Hic panis est signum efficax corporis mei, & participationis cum eo.

Accipite edite, quod pro vobis datur, est corpus meū.

Item, *Hoc est symbolū quo vera corporis mei communicatio exhibetur fidelibus.*

Item, *Hoc est symbolum promissionis meæ de carnem mea.*

Item, *Adest corpus meum spirituali præsentia & participatione.*

Item, *Hic panis est corpus meum Sacramentali locutione & coniunctione per Metonymiam signi & signati.*

Ista verò quæ sequuntur quum calumniosissimè à te proponantur, vera explicatione indigēt, vt fucum vos imperitis facere ex Caluini libris in pulpito coram plebecula propositis nemo miretur, quos non pudeat illa scriptis committere quæ partim falsissimè partim impudentissimè à vobis esse detorta, ex ipsa locorum descriptione omnes intelligant. Sunt autem ista huiusmodi.

Citas istud ex Caluini §. ad Ephesios, *Hoc est mysticum corpus meum, seu Ecclesia sanctorum redempta corpore meo.* At quæ hæc impudentia est? Extat in hominū manibus liber. Caluini autem hæc ipsa sunt verba. *Quemadmodum Eua ex Adæ mariti sui substātia formata est ut esset quasi pars illius, ita nos, ut vera simus eius membra, substantiae ipsius communicare oportet, & hac cōmunicatione nos coalescerē*

coalescere in unum corpus. Denique eam nostri cum Christo unionem his verbis, Membra sumus corporis eius, ex carne eius & eius ossibus Paulus describit, cuius in sacra Cœna symbolū & pignus nobis datur. Sic ille nostræ cum Christo verè mysticæ consociationis mysteriū declarat, cuius pignus quoddam ait esse Cœnam Domini. An inde verò colligere debuisti institutionis Cœnæ verba perinde à Caluino exponi, ac si panē illū diceret Dominus esse mysticū suum corpus, id est Ecclesiam, ac non potius illud ipsum corpus pro Ecclesia datum?

Istud autē quod aīs à Caluino & Calvinistis, quos vocas, passim dici, *Hac est participatio corporis mei si fides adsit, si minus oblatio, que recusat ab indignis, sanè non inficiamur, imò vno consensu contrarium vestrum dogma detestamur, modò oblationis vox nō ad Deum referatur, cui accedentes Christum offerant: sed ad accedentes quibus tum dignè tum indignè accendentibus Christus in mysterio Cœnæ offeratur, quanuis à solis fidelibus participetur.*

Profers & istud, *Hoc est testamentum in corpore meo, Verba Calvini hæc sunt in 1 Cor. 11. 25. non in hæc verba, Hoc est corpus meum, sed in ista, Hic calix est nouum testamentum.*

Quod de calice prædicatur pari etiam competit, adeoque hac locutione exprimitur quod antea breuius dictum erat, panem videlicet esse corpus. Ideo enim nobis est, ut sit Testamentum in corpore, id est, fœdus quod semel immolatione corporis sanctum fuit & nunc sanctitur vescendo. dum scilicet ex illo sacrificio epulantur fideles. Hæc ille cuius verba quum sic detorques aīsi Caluinus hæc enuntiationem

*Hoc est corpus meum, totidem istis verbis expoussisset, ecquis tuam calumniam non animaduer-
tit? Istam autem sententiam si negas, quid su-
perest nisi ut in solo sanguine fanciator testamē-
tum, ac proinde quum calicis vsum plebi sustuli-
stis, scelus à vobis inexpiabile sit admissum?*

Quod ex Caluino subiicis, & à me in Pissia-
ceno conuentu declamatum dicas, *corpus il-
lud ipsum videlicet quod pani attribuitur, censere
nos tam procul esse dissitum à pane quam cælum, u-
bi nunc est & non alibi, abest à terra, ubi nūc & non
alibi sumus, scito, omnes nostrarū partium Eccle-
sias summo consensu istud profiteri: sed illud abs-
te versutè dissimulatum est, quod videlicet ni-
hilominus credamus fideles, nō obstante locorū in-
teruallo, spiritualiter & tamē verissimè ac effica-
cissimè per fidē, non tantùm Christi donorū, sed
ipsiusmet verè fieri participes, atq; adeo ipsiusmet
Christo verè Spiritus sancti vinculo, inenarrabili
mysterio, vniri, vnde vitę æternę succ⁹ hauriatur.*

Tribuis Caluino hanc quoque sententiam ex
Instit.lib.4, cap.17. num.12. *Hic est canalis Spiritus
sancti per quem quicquid est Christus ad nos descen-
dit. Item, ex eodem libro & capite, num. 9, Hæc
caro est canalis vitæ. In his autem quod ad priorem
locum attinet falsarium esse te dico, nempe & in
citādis verbis, & in re ipsa. Nam verba hæc sunt
Caluini postquam vestrā illam localem præsen-
tiā damnauit, *Hac non opus est, inquit, ut ipsius
participatione fruamur, quandoquidem hoc beneficiū
per Spiritū suum Dominus nobis largitur, ut unum
Spiritū, corpore, anima secū fiamus. Vinculum ergo
istius cniunctionis est Spiritus Christi, cuius noxiū
copulamur,**

copulamur, & quidam veluti canalis per quem Christus ipse & quicquid est & habet, ad nos deriuatur. Aio igitur te falsarium hic esse qui quod de Spiritu sancti virtute & operatione (hic enim est Christi Spiritus) scripsit Caluinus, ad corpus ipsum Christi detorqueas. Non ignoras autem Chrysostomum hac ipsa de re agentem, Patrem quidem fonti, Spiritum vero fluuiio inde emananti comparare, qui carnem Christi compleuerit, ex cuius postea plenitudine idem ille Spiritus accepta dona fidelibus admetiatur. Iamuerò quoniam una & eadē est trium personarū deitas, differens eodem 4.lib.& cap.17,num.9. Caluinus de virtute illa Christi viuifica, quæ in Christi carnē tota redūdat, vitā ipsam cum aqua, Verbi deitatem cum eiusdem vitæ scaturagine, carnem cum fontis veluti quodā conceptaculo comparat, ex quo sit illa nobis haurienda. Quam autē carnem eo loco fontem à scaturagine distinctam vocavit, idem Caluinus, fateor, in Iohā. 6, eodem prorsus sensu canalē vocat, ex quo uno vita ad nos eminet: vnde etiam concludit carnis ipsius & sanguinis Domini communionē omnibus necessariam esse qui ad vitam æternā aspirerit. Itaque & Pater & Filius & Spiritus sanctus sunt ipsa scaturigo vitae, sed aliter Pater, aliter Filius, aliter Spiritus sanctus, sicut in toto salutis nostræ mysterio non tantum hypostases, sed etiam effecta distingui oportet, quanuis ad externum opus inseparabiliter cōcurrant. Caro vero Christi, fontis quidem conceptaculum per se, quatenus autē in nos profluit, canalis rectè dicitur: & Spiritus sanctus quā tenus eius proprium est tum ipsum Christum

nobis per fidē adiungere, tū dona ex hac ipsa car-
ne Christi accepta singulis admetiri, recte quo-
que canalis conceptaculo comparatur, quo aqua
in irriganda loca deuehitur. Non debuisti igitur
ista cōfandere, quasi carnem Christi in spiritum
Caluinus transformet, (quod vos potius Mar-
cionem secuti facitis, quū tuis illam dimensioni-
bus spoliatis, & essentiā eius in se se inuisibilē fa-
citis) vel quasi pro carne ipsa Christi solā eius e-
nergiā siue sola beneficia in Cœnæ mysterio sub-
stituat: aut ut tu ridiculè comminisceris, Christi
substantiam percolet, aut denique Christianam
religionem in canales aut tubos transmotet, quæ
putida menda cia longiore refutatione nō egent.
Illas autem similitudines totidem penè verbis es-
se ex sacris literis de promptas, tū ne inficiari au-
debis? Sequitur istud, *panem esse instrumentum quo*
Christus nobis suū corpus distribuit, quod si perin-
de accipis ac si verba ipsa institutiōis Cœnæ Cal-
uinus totidē istis vocibus explicaret, rursum facis
quod Sophistæ solent. Disserens autem Caluinus
passim de ipsorū signorū vi, aduersus vestū illud
diabolicū dogma, de opere operāte & opere ope-
rato & de virtute intrinseca ipsis Sacramentis in-
hærente, tuetur, in contrariam partem signa quæ
Sacramenta vocantur nullam in se se vim aliam
inclusam habere, quām oculis per analogiam te-
stificādi quod per externum verbum auribus si-
gnificatur, ipsam autem rerum significatarum
præbitionem & perceptionem totam in solidum
ab unius Spiritus sancti virtute se se intus exeren-
te & illis externis rebus tanquam mediis & in-
strumentis ad fidem excitandam ac fouendam v-
tente

tente proficisci: quam sententiam si damnas, re-lego te ad vestrum Durandum in lib. Sententiarum 4. distinctio 1. quæstione 4.

Profers istud quoque veluti ex Caluino in locum illum Math. 26. de promptum, pauperes semper habebitis vobiscum. Hæc est virtus & gratia spiritualis mea. Et istud, Hoc est symbolum & testificatio quæ spirituales gratias figurat, quasi videlicet Caluinus in verbis institutionis Cœnæ per Corpus p̄ nobis traditū intelligat ipsius beneficia in nos collata. Disputās eo loco Caluinus nō de Cœnæ mysterio, sed de illa unctione pedū Christi & de externis illis tantis & tā malè collocatis sumptibus, quibus faciendis domus etiam locupletis simæ à vobis exhauriuntur, tandem in hęc verba erumpit. Clari significat Christus quod tunc semel fieri voluit, sibi in posterum minimè gratū fore. Nam quum pauperes semper in modo fore dicit, inter quotidianum cultum distinguit, cuius vigore debet usus inter fideles, & illum extraordinarium qui cessauit ab eius ascensu. Volumusne pecuniam benè locare in vera sacrificia? pauperibus erogemus. Nam se nobiscum Christus esse negat ut externis pompis colatur. Scimus certè adeo que fidei experientia sentimus virtute & gratia spirituali nobis esse præsentem, sed visibilis nobiscum non versatur ut terrenos honores à nobis recipiat. Quare vesana est eorū oblectatio qui ludicras impensas inuito & recusanti obtrudunt: Hæc ille, quæ quū tu perinde detorques acsi Caluinus verba institutionis explicaret, & pro Christi Cœnæ corpore gratiā eius & energiam spiritualem substitueret, quis te tā impudenter mentientem meritò non detestetur?

Cap. IO. AD REPET. SAINCT.

Nec verò aliū te præstas in eo quod mox con sequitur, *Hoc est abstractum quid ex substantia corporis mei.* Vbi verò tandem hoc Caluinus? in ratione ineundæ concordiæ, inquis. Verba Caluini hæc sunt, *A voce, Spiritualiter, nonnulli abhorrent quod sic potent imaginarium aliquid vel inane notari.* Ergo hic etiam succurrat definitio necesse est. Spiritualis ergo manducatio carnali opponitur. Carnalis autem vocatur qua putant quidam substantiam ipsam Christi in nos trāfundī, sicut panis comeditur. Ex op posito autem dicitur spiritualiter nobis Christi corpus in Cœna dari, quia facit arcana Spiritus sancti virtus ut è cœlo ad nos penetret vita ex Christi carne, quæ vis & facultas viuificandi non incomodè abstractum aliquid à substantia dici posset, modo sane & dextrè hoc intelligatur, manere sci' icet in cœlo Christi corpus, & tamen ad nos qui in terra peregrinamur, vitam ex eius substantia manare ac peruenire. Hæc ille, ex quibus nemo non videt Caluinū verā veri ipsius corporis Christi communicationem primo loco statuere, quam suo more, à fructu & efficacia inde ad fideles emanante distinguat, & illis verbis *Quiddam abstractum interpretationē addere, ex qua intelligatur nihil materiale, sed vim viuificantem ex ipsa carne Christi veluti decerptā significari.* Planè igitur Sycophantā agis, quum de ipso corpore Christi sic aliquid decerptū intel ligī, & materialē aliquam ipsius Christi substantiæ portionē ita fuisse vis à Caluino significatam: quæ deliria vobis potius Sarcophagis Capernaitis conuenire quis non animaduertit?

Citas & istud ex lib. Instit. 4. cap. 17. num. 3. & Comment. in I. Cor. 11. 24. *Hoc est verissimum Christi corpus*

sti corpus ut verba sonant. Inspiciatur vterque locus vt h̄ic quoque insignis Sophista & alter λογικός deprehendaris. Et si enim (qua in re ne vos quidem à nobis dissentiretis, nisi corpus Christi verum in Chimærā transformaretis) vbiique testatur Caluinus verum corpus de vero pane dici: non tamen ait panem illum ita esse verum corpus, siue verum corpus de pane illo (ita ut verba sonant) sed figuratè dici.

Eadem astutia vteris in hac sententia citanda ex eodem institutionis lib. & cap. num. 10. *Hoc est meum corpus ibi, ubi est panis.* Verba Caluinii sunt de vera cum carne Christi quanuis in cœlis manentis participatione, *Quod mens nostra non comprehendit, concipiat fides, Spiritum verè vnire quæ locis disiuncta sunt.* Et mox, *Omnino isthac piis tenenda est regula, ut quoties symbola videt à Domino instituta, illuc certò rei veritatem adesse certò cogitet ac sibi persuadeant.* Ergo, inquis, sibi ipsi repugnat Caluinus. *Etenim si veritas, id est, ipsum corpus illuc adest ubi est panis symbolum, quænam erit ista locorum distantia?* Imò quid hoc est aliud quam syllabas aucupari? qua de re sic pulchrè Chrysostomus alicubi in pneumatomachos agens, Attende diligenter quoties tibi dictum aliquod apparet obscurum, nec statim addicas te dictioni, sed expecta sententiæ finem. Sequitur ergo apud Caluinum.

Quorsum corporis sui symbolū tibi Dominus in manū porrigit, nisi ut de vera eius participatiōe te certiore faciat? Vocat igitur Caluinus veritatē Sacramēti cū Augustino nō ipsum corpus, sed eius cōmunicationē, id est, prēstationē promissionis, cuius causa est institutū Sacramētū. Sic enim Augustinus

Cap. IO. AD REPET. SAINCT.

Corpus quidem Christi in uno loco est secundum veri corporis modum, veritas autem corporis Christi ubique est. nempe ubique sese nobis aut in verbo aut in Sacramētis spiritualiter fcuēdū exhibet.

Pergis præterea & hoc quoq; Calvino & Bezæ & Heidelbergēsibus tribuis, *In hac Cœna quatenus est cœlestis actio & nō quatenus est externa & terrena, est corpus meū. Nos, sicut Sacramēta duabus rebus constāt, una terrena, altera cœlesti, ita duplicitē. Cœnam illam mysticam spectamus: uno modo quatenus externis corporis, altera quatenus interioribus mentis actionibūs, utrinque mutuò se respicientibus peragitur: ac in illis quidem signa corpori corporali modo, in his rem signatam spirituali ratione menti & fidei adesse, itemque dari ac percipi dicimus. In hoc si quid habes quod reprehendas, ostende, vel nos tanquam Cœnam duplē statuentes, aut terrestria separantes à cœlestibus, aut tanquam æḡbatūas calumnias deline.*

Nec hoc quidē præterire voluisti, *Est obsignatio seu confirmatio gratiae iam recepta ex eodem Institut. lib. & capite, numero 14. quem locum falsas citas. Sed hoc verum est, statuere nos unico fidei instrumento rem signatam, Christum videlicet ipsum, in Cœna percipi, ac proinde non incipere à Cœna Domini nostram cum ipso unitionem, sed ea Cœna potius obsignari. Vestrū enim de opere operato dogma ut planè Satanicum toto corde cuncti detestamur.*

Quæ porrò tu mihi obiicis responsione non elegit quum sint mihi cum Calvino, istis quidem pauculis exceptis, communia, quorum.

Primum est, *Hoc est sanguis meus, de qua interpretatione suo loco dixi.*

Alterum est, *Hoc significat corpus meum, quod tamen non ita ieune à me scribi solere satis nosti, non quod id recte nō sic dicatur, sed ut calumniis vestris occurram.*

Tertium, *Hac est communicatio seu participatio corporis, quasi per Apostolum sermo Christi explicetur, Ego scripti Apostoli verbis Christi sermonem illustrari, quo videlicet finis & scopus primarius Cœnæ dilucidè spectandus proponatur.* Sed cur explicationem meam præteriisti? Nam apertè dixi, id quod communicatur nempe corpus, ab eius communicationis instrumento, nempe Sacramento, differre.

Quartum, *Hac unio est cum tota persona Christi, ut corpus significet quicquid est Christus.* Ego certè naturas Christi distinguere didici, separare non item: neque carnem Christi viuificam fore arbitror nisi vt Dei caro percipiatur. Aliud est autem istud quām quod tu mihi impingis. Etsi enim corpus deitatis expers non percipitur, Christo tamen adhæremus, non deitatis ipsius, (ut potest quæ sola mediatoris persona excepta, realiter sit incommunicabilis) sed ea natura secundum quam frater noster est, & nos sumus os ex ossibus eius & caro ex ipsius carne.

Reprehendis denique Gallicam veterem novi testamenti versionem in hac Genevensi Ecclesia excusam, quæ pro *Hoc est*, habet *C'est-ey*, id est, vt tibi quidem placet, *Hic est siue in hoc loco est.* Respondeo ne nostrum quidē vernaculum idioma abs te intelligi. Nam vt hęc esset sententia,

Cap. IO. AD REPET. SAINCT.

dictum oportuit, *Icy est mon corps* omisso pronominē demonstrante, *Ce*, cui si particulam *Ci*, id est, *Hic* siue statim ut *Ceci est*, siue interiecto verbo substantiuo subieceris ut *C'est-ci*, idem declarat atque Græcè *τὸ εἰσιν* vel Græcè vno verbo *τὸ εἰσιν*, Latinè *Hoc est*, & id quod est penes loquentem demonstrat: sin verò particulam *là* similiter adiunxeris, ut *c'est là*, vel *cela est*, tunc idem valet atque *τὸ εἰσιν* & vno verbo *καὶ εἰσιν*, Latinè *illud est*, & id quod penes illum est quem vel de quo loquimur ostendit. Et tamen ut omnis hac de re quærédi occasio semel præcideremus veritus postea & edidimus *Ceci est*

Supersunt tres criminationes siue abs te siue ab aliis ex quibus ista descripsisti (Deus bone qua tandem audacia?) excogitatæ!

Vna est, quod vestris scilicet argumentis, (nugamentis rectius dixilles) oppressi dicamus, Hunc panem esse symbolum qualitatis alicuius & virtutis à Christi corpore defluentis, quæ in Cœna per fidem extra panem recipiatur, Quasi verò centies millies non sit à nostris omnibus ac singulis inculcatum, quum ex una Christi carne petenda sint nobis quæcunque ad salutem & vitam æternam requirantur, ipsimet Christo prius oportere nos spiritualiter ac per fidem vñiri, ac ipsius membra fieri quam eius spiritu vivificemur: ac proinde signa hæc non esse duntaxat ipsius energiæ, sed in primis ipsiusmet corporis ac sanguinis Domini fide participandi symbola. Sed vobis nimirum abesse & imaginaria esse videntur ista, nisi substantia rei signata signorum substantiam re ipsa contingat, aut potius nisi signorū substantia euangeliscat

ne scat, aut in substantia rei signatae conuertatur: vobis, inquam, videtur omnis tolli vera Christi corporis ac sanguinis *κοινωνία* siue *μετοχή* (nam utroque utitur Paulus) nisi realis contactus & Cycopica transfusio & commixtio substantiae Christi cum nostro ipsorum corpore statuatur. Sed an quia tam vecordes estis, ideo heretici sumus?

Altera calumpnia haec est. *Hoc est corpus meum sine diuinitate & sanguine.* Vis enim hoc necessariò sequi, ac proinde Nestorianos esse nos, quoniam neque communionē sub altera tantum specie, neque adorationem in Sacramento admittamus. Quasi verò etiā nusquam separatum est corpus à sanguine, ideo nos oporteat alterā mandati Christi partem ut superuacanē tollere, qui nos distinctè corpus ipsius in panis Sacramento, ut æternæ vitæ cibum, & eiusdem sanguinē ut æternæ vitæ potū sumere, & quod fecit hoc facere disertis verbis, & una eadēq; actione præcepit. Sed pulchrè scilicet vobis istiusmodi captiuncula cauistis, quoniam posita transubstantiatione realique in terris præsentia, quum separatae sint rei ipsa species panis & vini, separari quoque corpus à sanguine oporteat, nisi concomitantiam istam, non quidem Christi personæ, sed tamen institutioni Cœnæ Domini repugnantem poneretis. Sed vobis evenit profecto quod ait Flaccus,

Dum vitant stulti vitia, in contraria currunt.

Duo enim præcipitia vos hīc circunstant, nempe quod nec corporis appellatione sanguis in priorre institutionis parte, neque poculi voce corpus in altera intelligi sine tropo Synedoches, poterit, Vos autem omnem tropum ut scopulū refugitis:

Cap. IO. AD REPET. SAINCT.

deinde quòd si hoc valeat , certè sublato poculi
vſu, nullæ proſus species ſupererunt , nec ullum
ſignum quod ſanguini ſubſternatur.

Tertiā criminatiōnē Melanchthoni impin-
gis, quod nihil interſit ſive corpus ſit ſi ne nō ſit,
nec eſſe de eo diglađiandū. Os impudēs. Qui pro-
pter infirmos, nec dū in doctrina Ecclesię institu-
tos, imò in erroribus cōfirmatos, optat iuxatōres
vtrinq; abeffe, cōtētiosos remoueri, portētolas il-
las quorundā cōmentationes cōuerſionis, trans-
ſubſtantiationis, vbiqutatis eruditæ veruſtati i-
gnatas ſemel tolli , contentiones vtrinque pro-
hibendas, formā loquendi vnam quampiam, cu-
iūſmodi illa Paulina eſt comuni consenſu retine-
ri, copioſe de Cœnæ fructu dici, tolerandoſ (vi-
delicet ad tempus) & patientia luſtiſaciendoſ in
aduersa ſententia, qui diſtractiones non faciunt
in populo, (hæc enim ſuunt illius verba) an ille in-
utiliter quæri de re Sacramentoſ putari? Sed
voluisti nimirum qua fide & cōſcientia primam
hanc repetitionem tuam exorsuſ es, eadem etiam
illam terminare. At ego Deum precor ut te
tuique ſimiles aut adveritatis ſtudium
conuertat , aut iusto ſuo iudicio
compescat. Et de hiſ qui-
dem hactenus.



1710. 500-124765
The town of New Haven, Connecticut,
is situated on the coast of Long Island Sound.
It is bounded on the north by the town of West Haven,
on the south by Milford, and on the west by the town of
New Haven.

)

ERRATA SIC CORRIGITO.

Fol.5.pag.1.l.1.voluisti. fol.10.pag.1.l.20. ~~7~~¹⁸ pag.2.l.18.
Mysterio. fol.11.pag.1.l.18.Christum lin.26.per modum. fol.
31.pag.1.l.17.vinum. fol.32.pag.2.l.8.Puto. fol.43.pag.2.l.7.
ōros. fol.47.pag.1.l.13.prioris epistolæ. fol.56.pag.2.l.16.no-
ui fœderis. fol.63.pag.1.l.5. κλάσειν. fol.71.pag.1.l.2.non fa-
cit. fol.76 pag.2 l.1.quod. fol. 89. pag 2.l.27.Inuiti. fol.92.
pag 2.l.3.Rhetori. fol.97.pag.1.l.10.Polsiaceno.





